


ТАФАККУР



ИЖТИМОЙ-ФАЛСАФИЙ,
МАҲНАВИЙ-МАЪРИФИЙ,
РАНГЛИ-БЕЗАКЛИ ЖУРНАЛ

ТАФАККУР 4/2002





Озод Шарафиддинов – Ўзбекистон Қаҳрамони!
Адабиётимизнинг зўр заҳматкаши, умр бўйи ҳақ
сизни байроқ қиппид келган матонатли инсоннинг
мардона фаолиятига муносаб баҳо берилди!

Биз, "Тафаккур" аҳли Қаҳрамон устозимизнинг
жамоамизга даҳлдорлиги – бир муддат журналимизда
хизмат қилиганидан фахрланамиз, у кишига саломатлик
ва ижодий бардавомлик тилаймиз!

UYAT BO'LADI

Устоз Абдулла Қаҳҳорнинг "Уят" деган мақоласи бор. Унда мазкур тушунчага ахлоқий жиҳатдан ёндашилиб, бу – инсонни ҳайвондан ажратиб турувчи туйғудир, деган йўсинда тавсиф берилган.



Мен мақоланинг мазмунини дастлаб телевизор орқали адиднинг ўз оғиздан эшигтан эдим. Ўшанда не-не долзарб ижтимоий-маданий муаммолар қолиб, устозимизнинг анчайин бир ахлоқий мавзуда, қолаверса, болалик-ёшлик чоғларимизда ҳар қадамда эшигадиганимиз танбеҳнамо бир сўзга ("Уят бўлади!") бу қадар ургу бериб сўз юритгани менга эриш туюлгани рост.

Кейинчалик эса, хусусан, сўнгги йилларда уят ҳисси фақаттинга ахлоқий тушунча эмаслигига бот-бот амин бўлмоқдаман. Назаримда, бу сўзнинг моҳияти хиралашиб, умуман, шу туйғунинг ўзи сусайиб, гоҳида аҳамияти тамоман йўқолиб ҳам кетаётгандек туюлади. Бўлмаса, кечагина айб саналган унча-мунча қилмишларга бугун фазилат деб қаралмаса-да, ҳарқалай, одатдаги бир ҳол сифатида бөттарво муносабат қилинаётганига нима дейсиз!

Ваъда берамиз-у, устидан чиқмаймиз. Ҳижолат чекиш йўқ.

Бандасининг кўзига тик қараб ёлғон гапирамиз. Тап тортиш қаёқда!

Бирорнинг ҳақини паққос урамиз-у, кўзимизни лўқ қилиб тураверамиз. Бор, қўлингдан келганини қил!

Ҳар тадбирни қўллаб, ўзганинг тагига сув қуямизу ўрнини эгаллаймиз. Инсофандиша – "эскилик сарқити"!

Фарзандларимизнинг онасини ҳар турли бозорларга йўллаб, муштипарнинг топиб келганига "иномарка" олиб минамиз. Номусларга ўлмоқ қани?

Мол-дунёмиз ўғрилик, ҳаромхўрлик орқасида орттирилганини ҳамма билади, ўзимиз ҳам биламиз. Лоақал, ерга қарамоқ, қизармоқ ҳаёлимизга келса-чи!


Кирдикорларимиз оламга овоза, биз эса адлу инсофдан лоф урамиз. Охиратда ҳам бир иложи топилар...

Уялмаймиз, уялмаймиз...

Номусу виждон, ҳарому ҳалолдан сўз очган "эскичароқ" одамга бозорни, бозор иқтисодиётини рўйач қила-миз. Бозор... биздан олдин ҳам бор эди, биздан кейин ҳам бўлар. Дунё – бозор ўзи. Лекин у ҳаргиз шармандалигу юзсизликнинг ниқоби эмас. Ҳайвонот боғи дегани ҳам эмас. Агар шундай бўлганида, "уят"дан бошлаб лугатдаги шу тур сўзларнинг барчасини бирма-бир ўчириб чиқмоқча тўғри кепарди. Унда, эҳтимол, лугатнинг ўзига ҳам эҳтиёж қолмас...

Ана ўшанда чинакамига шармандалийк бўлар... Худо ана шунисидан асрасин денг!

...Хижолатдан қизара билган банда нақадар ғолиб!





ТАФАККУР

Тафаккур



ИЖТИМОЙ-ФАЛСАФИЙ, МАЊНАВИЙ-МАЃРИФИЙ, РАНГЛИ-БЕЗАКЛИ ЖУРНАЛ

Бош муҳаррир
Эркин АЪЗАМ

Таҳрир ҳайъати:

Дилором АЛИМОВА

Абдулла АЪЗАМ

Муҳсин АШУРОВ

Халим БОБОЕВ

Хуршид ДАВРОН

Ольга ЖОЛДАСОВА

(бадиий муҳаррир)

Нуриддин ЗАЙНИЕВ

Баҳодир ЗОКИР

(масъул котиб)

Нажмиддин КОМИЛ

Султонмурад ОЛИМ

Хайриддин СУЛТОН

Нурислом ТЎҖЛИЕВ

Озод ШАРАФИДДИНОВ

Абдураҳим ЭРКАЕВ

Тўлепберген ҚАЙИПБЕРГЕНОВ

Муртазо ҚАРШИБОЙ

Муассис — Республика Мањавият ва
маърифат қенгаси

Ўзбекистон Республикаси давлат
Матбуот қўмитасида 00124-рәқам
билип рўйхатга олинган.

Матнларда фойдаланилган мисол,
кучирма ва маълумотлар аниклиги учун
муаллифлар жавобгардир.
Журналдан кўчириб босилигдан манба
кайд этилиши шарт.

Монзилимиз: 700047, Тошкент шаҳри,
Моварооннаҳр кўчаси, 6-й



133-10-68
139-05-19
139-05-29

Журнал андозаси тоҳирирятининг
компьютер бўлимида тайёрланди.

“Шарқ” нашриёт-матбаа акциядорлик
компанияси босмоҳонаси. 700029, Тошкент
шаҳри, Буюк Турон кўчаси, 41-й.

2002 йил 6 сентябрь куни босмоҳонага^т
тотшириди. Көғоз бичими 70*100 $\frac{1}{16}$.
6 босма тобок. 3958-буюртма.
Нашр адади 5000 нусха.

Журнални Аброр Ботиров
саҳифалаган.

Ушбу сонда Чингиз Аҳмаров асарла-
ридан ва Машраб Нуринбоев олган
суратлардан фойдаланилди.

МИЛЛАТ ВА МАЊНАВИЯТ

Аслиддин БОЛИЕВ, Муҳаммад ҚУРОНОВ.
Бошқарув мезонлари.....4

ТАРИХ ВА ТАРАККИЁТ

Исмоил ШОМУРОДОВ. Қадриятлар фалсафаси.....14

ХУҚУКИЙ ТАФАККУР


Фахриддин МУҲИДДИНОВ. Суд ҳокимиятининг
мавқе-мақоми.....18
Бобоқул ТОШЕВ. Муаллифлик хуқуқи нима?.....21

ЯНГИ АСР МУАММОЛАРИ

Баҳодир ЗОКИР. Умрзокликнинг чораси борми?.....26

ЕТТИ ИКЛИМ МУЖДАСИ

Ёқубжон ХЎЖАМБЕРДИЕВ. Шаҳзода хиёбонидаги
мехмонхона.....36



Лондон. Биген.

ЮРАК ТИЛГА КИРДИ

Асқар МАҲКАМ. Яна форс тароналари.....48

SAHIFALARIDA

САХИФАЛАРИДА

ТАЛҚИН ВА ТАДҚИҚОТЛАР

- Дилфузә РАҲМАТУЛЛАЕВА. Ўз даври тафаккури маҳсулі..... 56


БҮЮКЛИК ТИМСОЛЛАРИ

- Аҳмад АБДУЛЛАЕВ. Рудакийи соний.... 60

ИБРАТНОМА

- Мухтор ХУДОЙҚУЛОВ. Эзгуликка чорловчи ривоятлар..... 66

- Толстой сүйган ҳикматлар..... 71



Таборадаги «Макбарат учишукро» мосқалиғи

ТАЛҚИН ВА ТАДҚИҚОТЛАР

- Дилфузә РАҲМАТОВА. Кучли мафкура кучли фоядан озиқланади..... 74

- Фарида САИФНАЗАРОВА. Тарбия — узлуксиз жараён..... 76

- Улугбек САЙДОВ. Икки манбага таянган фоя..... 77



«Чингиз Ахмаров». Акмал Икромжонов асари.

- Гулчехра МАТКАРИМОВА. Тенглиқда кенглиқ бўлсин!..... 79

- Азиз МИРЗАЕВ. Жазонинг муқаррарлиги..... 81

- Гулчехра ТЎЛАМЕТОВА. Шаҳар экологияси..... 82

- Зулфия МАМАРАЖАБОВА. Кўзгулардан бири..... 84

- Иродоҳон НАРИМОНОВА. Ранглар ифодаси..... 85

- Мавлуда ЭРГАШЕВА. «Фикҳ илми — олий ва буюк бир илмдир»..... 87

- Муҳайё ЯҲЁЕВА. Ҳадисларнинг шеърий талқини..... 88

- Шаҳодат МУРОДОВА. Отабекнинг ушалмаган орзуси..... 90

- Зокиржон САИДБОЕВ, Жаҳонгир САПИЕВ. Мир Иzzатуллонинг Кўқон хонлигига саёҳати..... 92

- Боқижон МАТБОЕВ, Зоҳиджон МАШРАБОВ. Давондан Фарғонагача... 93

- Журналнинг инглизча мухтасар мазмуни..... 95

Аслиддин БОЛИЕВ,
Муҳаммад ҚУРОНОВ

Boshqaruv mezonlari

Дунё мамлакатларининг тараққиёт тажрибаси шундан далолат беради, ўз умрини ўтаб бўлган эски жамиятдан демократия тамоилларига асосланган янги тузумни шакллантиришга киришган ҳар қандай мамлакат учун бошқа стратегик масалалар қатори кадрлар масаласи ҳам ўта долзарб аҳамият касб этади. Буни озод Ватанимиз — мустақил Ўзбекистоннинг ўн бир йиллик тараққиёт йўли ҳам яққол кўрсатиб туриди. Президент Ислом Каримов мамлакатимизнинг ижтимоий-сийёсий йўли ҳар томонлама асослаб берилган дастлабки асари — «Ўзбекистоннинг ўз истиқлол ва тараққиёт йўли» китобидаёқ бу масалага катта эътибор қартиб, шундай деган эди: «Бозорнинг ўзгарувчан шароитларида меҳнат қилишга лаёқатли бўлган ўзимизнинг юкори малакали маҳаллий кадрларимизсиз Ўзбекистоннинг мустақиллигини тасаввур қилиш қийин» (Ислом Каримов. «Ўзбекистон: миллий истиқлол, иқтисод, сиёsat, мафкура». Т., «Ўзбекистон», 1996 йил, 76-бет).

Дарҳақиқат, юртимиз истиқлолининг дастлабки йилларидан бошлаб, бу масала давлат сиёсатининг энг муҳим ва устувор йўналишларидан бири бўлиб келмоқда. Қисқа даврда бу борада улкан амалий ишлар қилинди. Чунончи, «Таълим тўғрисида»ги қонун, Кадрлар тайёрлаш миллий дастури каби таълимнинг



янги ва замонавий моделига асос бўлган хужжатларнинг қабул қилиниши ҳамда уларга таянган ҳолда бу соҳада мислсиз ўзгаришлар амалга оширилгани — кўп босқичли ўқув тизими жорий этилгани, қанчадан-қанча олий ўқув юртлари, академик лицей ва колледжлар барпо этилгани, иқтидорли ёшларнинг «Умид» жамғармаси йўлланмаси билан хорижнинг нуфузли олий ўқув юртларига ўқишга юборилаётгани — барча-барчаси шулар жумласидандир.

Агар эътибор берсангиз, бугунги кунда дунёнинг таникли сиёsat ва жамоат арబлари Ватанимизнинг сиёсий, ижтимоий-иқтисодий ислоҳотлар борасида кўлга киритган ўзига хос ютуқларига холисона баҳо берар экан, шубҳасизки, таълим соҳасида, етук кадрлар тайёрлаш бўйича эришайтган натижаларимизга алоҳида тўхталиб ўтади. Президентимизнинг хорижий мамлакатлар давлат ва хукумат раҳбарлари билан бўладиган учрашувларида, чет элларга қиласидан расмий ташрифлари чоғида ҳам бу масала ҳамиша асосий эътиборда туради. Масалан, юртбошимизнинг яқиндагина жаҳоннинг энг тараққий топган давлатларидан бири бўлмиш Япония давлатига қилган ташрифи олайлик. Давлатимиз раҳбари ўз ташрифи давомида халқаро миқёсдаги энг нуфузли билим даргоҳларидан хисоб-

ланмиш Васеда университетида бўлиб, япон олимлари ва талаба ёшлари хузурида маъруза қилди. Юртбошимизга ушбу университетнинг фаҳрий доктори унвони берилиши ҳам мамлакатимизда таълим соҳасида амалга оширилаётган ислохотларнинг Япония мамлакати илмий жамоатчилиги томонидан юксак баҳоланаётганинг ёрқин далилидир.

Бир сўз билан айтганда, истиқлол йилларида юксак малакали кадрлар тайёрлаш борасида салмоқли ишлар амалга оширилмоқда. Бу эса яқин орада бошқарув ишларида, ҳалқ хўжалигининг турли соҳаларида замонавий билимларни әгаллаган ёшлар фаолият кўрсатиши, улар мамлакатимиз қудратини янада оширишга ҳисса кўшишини билдиради.

Биз миллий кадрлар тайёрлаш борасидаги мана шундай ижобий натижалар ҳақида гапирав эканмиз, жамиятимиз ҳаётидаги ўзгаришларга кўпинча тўсик бўладиган, эски мустабид тузумдан қолган иллат сифатида яшаб келаётган бюрократчилик ва бюрократия ҳақида ҳам тўхталиб ўтишимизга тўғри келади.

Бир «касаллик» тарихи

Буюк аждодимиз Соҳибқирон Амир Темурнинг ўз зуррётларига қарата айтган «Миллат дардига дармон бўлиш — вазифангиздир!» деган ўғити замираida раҳбар бўлиб эл-юрт корига яраш қанчалик шарафли, айни пайтда масъулиятли экани мужассам. Шу боис ҳар қандай замонда ҳам давлатнинг тақдирни, ҳалқнинг фаровонлиги ана шундай ҳақиқатни, яъни раҳбар ходимларнинг ўз бурчи ва мажбуриятини қанчаликни ҳис этиб фаолият юритишига боғлиқ. Айнан шунинг учун ҳам кадрлар масаласи ҳамма вақт долзарб бўлиб келган, бу соҳага даҳлдор бўлган илм аҳли, олимлар мазкур масалада тегишли таҳлил, хулоса ва амалий таклифларни тайёрлаган. Бу борадаги ишлар бугунги кунда ҳам муҳим аҳамиятга эга.

Маълумки, ҳалқимиз ўз бошидан ўтказган собиқ мустабид, бошқарувнинг маъмурий-буйруқбозлик усули хукмронлик қилган тузумда кадрлар сиёсати бўйича ҳам бутунлай тескари тушунча ва тамойиллар амал қиласарди.

Бу тузум, ўз моҳиятига кўра, зўравонликка асослангани учун унинг расмий йўл-йўриқларини амалга оширувчи амалдорлар тоифаси — совет бюрократияси ҳам, сирасини айтганда, адолатсизлик тимсолига айланни қолган эди. Тўғри, давлат бор экан, турли расмиятчиликлар бор экан, бюрократия ҳам бўлади. Лекин, оддий ҳалқ вакилларига беписанд қараш, тараққиёт ва янгилик йўлида фов бўлиш нұқтаи назаридан дунёдаги њеч бир бюрократия шўро бюрократиясига тенг кела олмас эди. У ўз даврида ўта хатарли ижтимоий иллатга айланди. Собиқ қизил империяни ич-ичидан емириб борган касалликлардан бири ҳам бюрократия эди. Бу касаллик жамият ҳаётига шунчалик чукур сингиб кетган эди, унинг асоратлари ҳанузгача бизнинг ҳаётимизда сезилиб турибди, баъзида янги-янги шаклларда намоён бўлмоқда. Бундай тўсикларни бартараф этиш йўллари ҳақида замонавий илм-фан, хусусан, бошқарув педагогикаси ҳам турли илмий изланишлар олиб бормоқда. Дастребаки кузатув ва хуносалар шуни кўрсатмоқдаки, шўро бюрократиясининг маъно-мазмуни, илдизлари шўро бошқарув тизими моҳияти билан бевосита боғлиқ.

Шўро бошқаруви

Собиқ Иттифоқда, 1986 йилги расмий кўрсаткичлар бўйича, қурилиш соҳасида 11 миллион 660 минг киши меҳнат қилган бўлса, шундан 6 миллион 680 минг нафари қурилиш майдончаларида ишлабган, қолган салкам 5 миллион киши идораларда қурувчилик мөхнатини ҳисобкитоб қилиш билан шуғулланган экан. Шу биргина далилнинг ўзиёқ шўро даврида бюрократизм иллати қанчалик авж олганини яққол кўрсатиб турибди. Энг ёмони — бу касаллик большевиклар тузумининг дастребаки давриданоқ бошланган эди. Лоақал рус шоири Владимир Маяковскийнинг ўша даврларда «Бўридай фажирдим бюрократизмни» деба ҳайқиранини бир эсга олинг.

ХХ асрнинг 80-йилларига келиб эса, шўро салтанатида барча соҳаларда, хусусан, қишлоқ хўжалигидаги ҳақиқий аҳвол ва унинг аниқ кўрсаткичлари би-



лан қўшиб ёэилган рақамлар, фоизлар орасидаги фарқ тобора кенгая боргани ҳам ана шу бюрократизмнинг салби и оқибатидир. Масалан, биргина Коғозистон ўша пайтлари давлатга бир миллиард пуд фалла (афсонавий рақам) бериш мажбуриятини олиб, уни «шараф билан адо этар» эди. Лекин, ўйлаб кўринг, бунинг ортида ўша даҳшатли бюрократик машинанинг «каромат»лари яширин эди. Бу даҳшатли машина ўзи ўйлаб топган «социалистик режа»ни бажариб, рапорт бериш учун колхоз ва совхозлардан, уруглик буғдойгача, ҳатто ҳали пишиб улгурмаган фалазорларгача сидириб оларди.

Шўро бюрократлари орасида қандайдир партия анжуманлари, инқилобий саналар олдидан «Чиройли рақамни топинглар!» деган даъват тарқалар эди. Бундай «тайёргарлик ишлари» охироқибатда паст кўрсаткичларни ошириб кўрсатиш, бир танқидий фикрга ўн ижобий «ютуқ» қўшиб мақтаниш кампаниясига айланиб кетарди. У даврда инсон ақлига тўғри келмайдиган фалати тадбирлар ўйлаб топиларди. Масалан, ишлаб чиқариш суръатини ошириш ўзлаштирилган маблағнинг микдорига боғлиқ, деган коида ҳукм сурарди. Яъни, ишлаб чиқарилаётган машина, курилаётган корхона қанчалик қиммат бўлса, гўё ишнинг сифати ва микдори ҳам шунча аъло даражада деб баҳоланарди. Аслида бундан мамлакат учун кони зарар, бюрократлар учун эса кони фойда эди. Айтилик, шаҳарлардаги қор тозалаш машиналарини олинг. Уларнинг бажарган иш микдори қанча ёнилғи ишлатгани билан белгиланар эди. Ҳайдовчи ҳам қанча кўп бензин сарф этса, шунча кўп маош олар эди. Ўзингиз айтинг, бунга ажабланмай бўладими?

Ана шундай ва бошқа кўринишдаги ишга бюрократларча ёндашиш асоратлари онда-сонда бўлса-да, афсуски, ҳамон ҳаётимизда учраб туради. Мамлакатимиз Президенти бу ҳақда кўпгина йиғинларда куйиниб гапиради. Масалан, 1998 йили Юртбошимиз тиббиёт борасидағи ислоҳотларга бағишланган мажлисда тиббий хизмат самарадорлигини бу соҳага қанча маблағ сарфланганига боғлаб талқин қилиш тажрибасини қаттиқ танқид қилган эди. Ваҳоланки, тиббий хизмат самарадорлигини бу соҳага қанча маблағ сарфлангани билан эмас, балки шифокорлар меҳнати туфайли қанча кишининг ҳаёти сақлаб қолингани, саломатлиги яхшиланганидан, яъни реал натижадан келиб чиқиб фикр юритиш керак. Давлатимиз раҳбарни ўша йиғилишда ана шу ҳақиқатга эътиборни қаратган эди. Дарҳакиқат, шўро тузуми бундай ҳақиқатларни сохталаشتариб, одамларни тескари фикрлайдиган килиб кўйган эди. Бунда, албатта, коммунистик бюрократиянинг «хизмат»лари ҳам «катта» бўлган. Бундай «хизмат» натижаларини деярли барча соҳада, жумладан, бошқарув соҳасида ҳам кўриш мумкин. Албатта, жаҳонда бу иллатга қарши курашнинг синалган йўли ва усули бор. Бу — бошқарувга иммий ёндашув усулидир.

Бюрократия нима?

Одам нега, нима учун, қандай омиллар таъсирида бюрократга айланади? Қандай қилиб сизу биз билан ёнма-ён яшаётган, ишлаётган киши қўққисдан бюрократ бўлиб қолади? Бу саволларга жавоб топишида шахс шаклланишини ўрганадиган, ижтимоий педагогик-психологик қонуниятлар кўл келади. Шу сабабли, келинг, инсонни бюрократга айлантирувчи туб сабабларга ижтимоий-педагогик нұқтаи назардан қараб кўрайлик.

Миллый меросимиз, хусусан, адабиётимиз тарихида давлат хизматчилари, турли мулоғозимлар, уларнинг феъл-атвори, фазилат ва қусурлари, ижобий ва салбий сифатлари ҳақида ҳикоя қўлувчи ҳар хил жанрдаги асарлар кўп. Чунончи, Алишер Навоийнинг «Махбубул-кулуб», Турди Фарғонийнинг «Тор кўнгулли беклар», Абдулла Кодирийнинг «Мех-

робдан чаён» асарлари шулар жумласи-
дандир.

Бирок, бу соҳа қанчалик таҳлил ва тал-
қин этилмасин, бошқарувга хос кўпдан-
кўп иллатлар эски замонларда ҳам, шўро-
лар замонида ҳам сақланиб қолаверди.
Президент Ислом Каримовнинг қатъий
ва изчил сиёсати туфайли юртимизда
бошқарув борасидаги жиддий хато-
камчиликлар барҳам топиб бормоқда.
Илгари бюрократия ҳақида гап кетса,
«Муштум» каби ҳажвий нашрларда, тур-
ли газеталарда юзаки, енгил, ҳеч кимга
зиён етказмайдиган «станқид» билан чек-
ланилар эди. Энди эса бюрократияга —
давлатни обрўсизлантирувчи сиёсий-
мағкуравий таҳдид, яъни ижтимоий-ах-
лоқий муаммо сифатида қаралмоқда. Бу
муаммони ечмасдан туриб, Ўзбекистон-
да туб маънавий янгиланишлар ва иж-
тимоий-иқтисодий ислоҳотларни тўлиқ
амалга ошириб бўлмаслиги очиқ таъ-
кидланмоқда.

Маъмурий-буйруқбозлик тузуми —
бюрократия учун қулай мухит эди. «Ўзбек
тилининг изоҳли луғати»да бу касаллик-
ка шундай таъриф берилган: «Бюрокра-
тизм — ишга, ўз вазифасига расмиятчи-
лик билан қараб иш тутиш, қоғозбозлик,
сансалорлик, тўрачилик». Бюрократизми
ни эса «бирор ишни охирига етказиши-
дан кўра уни расмийлаштиришга зўр
бериш усули» деб тушунтирадилар. Бу
таърифлардан бюрократ — ўз вазифала-
рини расмиятчилик юзасидангина бажа-
радиган мансабдор, қонунни никоб
қилиб олиб бузгунчилик қиласидиган шахс
экани аён бўлади.

Четдан қараганда, бюрократ ўз иши-
ни вақтида бажариб, керагича расмий-
лаштириб кўювчи, жиддий, талабчан, ба-
тартиб, фидойи инсон бўлиб кўринади.
Ваҳоланки, қуруқ расмийлаштирилган
маълумот билан одамлар учун фойдали
бўлган амалдаги иш ўртасида катта
фарқ бор. Шу боис бюрократияга қар-
ши курашда ҳам ўтказган тадбир-чора-
лар сони эмас, балки аниқ натижага —
бошқарув бўғинларида турли сансалор-
лик, тўрачилик, таъмагирлик каби хо-
латларга қанчалик барҳам берилгани
мухим.

Агар бу борадаги ишлар фақат «Қан-

ча маблағ
сарфлан-
ган?», «Қанча
тадбир ўтка-
зилган?»
каби ёнда-
шувлар асо-
сига қурилса,
бундан яна
бюрократия-
нинг ўзи
ютиши мум-
кин. Умумий
ахвол эса ав-
валгида й
қолаверади.

Шу сабабли ўрта ва қуий бошқарув қат-
лamlари фаолияти ишини баҳолашда
мақсадга эмас, натижага қараб баҳолаш
тамоили ҳамиша самарали.

Бюрократия ҳақида гап кетганида,
давлат мулозимининг фикрий олами —
маънавияти масаласига келишувчанлик,
хушомадгўйлик, иккιоззламачилик, шах-
сий манфаат, шунингдек, ўз мансаб ис-
тиқболи — карьерасини хизмат бурчи,
давлат манфаатларидан юқори кўйса, у
«хушмуомала» бюрократ ҳисобланади.
Шу сабабли у бюрократлашган мухитда
ўзини эркин хис қилади, ўзига ўхшаган-
ларни имкон борича қўллаб-қувватлай-
ди, кўпайтиради. У ошкораликдан, фао-
лиятининг очиқ муҳокама қилинишидан,
худди кўршапалак қўёшдан кўрқани
каби кўрқади. Чунки у очиқ баҳсда ўз
фикрини ҳимоя қила олмайди. Одамлар
билан бевосита мулокотдан қочади. Му-
локотга киришган тақдирда ҳам барча-
га маълум гапларни қайд этиш, расмий
кўрсатмалар, ўз бошлигининг фикрлари-
ни тақрорлашдан нарига ўтмайди. Хул-
лас, у аслида масъул ходим никобида-
ги роботdir. Чинакам фидойи мулозим
— давлатга, элу юрт ишига, қонун талаб-
ларига, бюрократ эса — бошлигига са-
доқат кўрсатади.

Бугун юртимизда Ватан, миллат, дав-
лат манфаатларини ўз манфаатлари би-
лан уйғунаштирган қуруқ расмиятчилик-
ни эмас, амалий натижани кўзлаб иш-
лайдиган иймонли, ватанпарвар, сўзи ва
иши бир, фаол раҳбарлар кўп. Улар Пре-
зидентимизнинг раҳбарлик ҳақидаги



фикр ва кўрсатмаларини дастурламал билиб, юртимиз равнақи йўлида ҳалол хизмат қилиб келмоқда. Бюрократлар айнан шундай фидойи раҳбарлардан чўчиди. Чунки давлат, ҳалқ, жамоатчилик ана шундай фидойи ва мард инсонларни кўллаб-куватлади, уларга таянди.

Мансабдор маънавияти

Маъмурий буйруқбозлиқ — ўз ҳукми, ҳокимиётини ҳис қилувчи, буйруқ бериш ваколатига эга мансабдорлар орасида учрайди. Мансабнинг эса катта-кичиги йўқ. «Кўшиб ёзиш» дардига мубтало бригадир, ўртоғи билан ёқалашган ўқувчи-сига «2» баҳо кўйган ўқитувчи, талабаларни дарсдан олиб чиқиб, уларга ҳеч қандай алоқаси бўлмаган мажлисга мажбуран олиб киравчи декан ўринбосари, кира пулинни ўз чўнтағига уриб, йўловчиларга «мабодо текширса, кўрсатасизлар» деб эски чипта тарқатувчи автобус ҳайдовчиси, «фalon марта тадбир ўтказдик, бу — бултургига нисбатан фалон фоиз ортиқ демақдир, ишимиизда силжиш бор» дея ҳисобот бериш билан кун ўтказадиган ташкилот раҳбари ва уларга ўхшаш бошқа ходимлар замонавий бюрократизмнинг ёрқин намунаси, оғирнинг устидан, енгилнинг остидан юрувчи устомон, фиригар кимсаларнинг типик вакилларирид.

Киши қачон, қандай шароитларда ўзи билмаган ҳолда бюрократия дардига мубтало бўлади? Давлат бор экан, у бошқарув тизимиға муҳтож. Бошқарувни эса қарор, буйруқ, кўрсатма, фармойишларсиз тартибиға солиб бўлмайди. Бироқ бюрократ бу хужжатлар кундалик фаолият учун дастурламал эканини унутади ва ҳамма нарсага бир қолиг нуқтаи назаридан қарайди. Ваҳоланки, ҳаётда ҳар хил сабаблар туфайли пайдо бўладиган ранг-баранг муаммолар, ҳамма вақт ҳам ана шу кўрсатмаларда белгиланган меъёrlарга мос тушавермайди. Бундай вазиятда раҳбардан дадиллик, мустақил иш тута билиш, ташабbusкорлик фазилатлари талаб этилади. Бюрократ эса бунга қодир эмас. Унда масалага, бутун масъулиятни ўз зиммасига олиб, ижодий ёндашиш кўнимаси йўқ. Шу сабабдан у хусусий ечим зарур бўлган жойда ҳам

умумий талабга ёпишиб олади. Лекин бундай ёндашувдан на аризачи, на давлат манфаат кўради. Чунки бунинг оқибатида ишдаги муаммо ечилмасдан қолаверади. Бюрократ эса «мен масалани кучим етганча ҳал этдим» деб ўзини овтади. Лекин, ўзингиз тасаввур қилинг, бундай ёндашув натижасида туман миқёсида ташвиши ҳал бўлмаган аризачи вилоятга чопади. Вилоядта ариза соғлом фикрловчи мулозим кўлига тушса-ку, муроди ҳосил бўлади. Аксинча бўлса, у яна сарсон бўлиб, пойттаҳт сари юзланади. Шу тариқа жамоа хўжалиги ёки тумандаги тегишли идорада ҳал этилиши лозим бўлган муаммо Тошкентдаги марказий идорагача етиб боради. Бундай вазият бир-икки бюрократнинг ўз вазифасига совуқкон муносабати туфайли вужудга келади.

«Юқори»га яхши кўриниш учун «кўшиб ёзиш» — шўро иқтисодиёти, бошқарув амалиётининг кўзбўямачиликка асосланган асосий қуроли эди. Бу, аслида, бюрократиянинг мумтоз «кашфиёти». Давлат режасида фалон кўрсаткичга эришиш кўзда тутилган, амалда «бор» кўрсаткич эса паст. «Бўлиши керак» билан «бор» орасидаги тафовут очилиб қолса, бюрократнинг иш билмаслиги, раҳбарликка лаёқатсизлиги фош бўлиб қолади. Нима қилмоқ керак? Қаршисида икки йўл пайдо: ё ўз лаёқатсизлигини очик, мардона тан олиб, истеъфога чиқиш, ё бўлмаса мансабни сақлаб қолиш учун «бўлиши керак» билан «бор» орасидаги тафовутни хаспўшлаш, бўяш. Шўро тузуми иккинчи йўлга шароит яратиб берди. Чунки мулк — шахсан ҳеч кимни эмас, давлатники, юқоридан келган тафтишчининг кўнгли олинса, бас. Куйидагиларнинг эса бу билан иши йўқ. Чунки яна ўша гап: мулк уларники ҳам эмас — давлатники. Оқибатда давлат алданар, бюрократия эса гуллаб-яшнар, жипслashiб борар эди. Шу тариқа ўз ахлоқи, муомала меъёrlари, турмуш тарзи, ҳалқдан бегона «қавм» пайдо бўлди. «Бюрократия қавми» ҳалқ ичига кириш ўrnига ундан бегоналашиб, оёғи ердан узила борди.

Оёғи ердан узилган амалдор қисмати

Лавозим, «мансаб мастилиги», амалга сифиниш, кишининг фазилати, ёши, илми, хизматлари, профессионал мала-

касига эмас, мансабига қараб муносабат ўрнатиш, хўжайнинг табассум, фуқарога қовоқ, маҳалла-кўй, элдан узоқлашиш, эски, фойдаси тегмайдиган дўстларини учратиб қолишдан қочиш ва бошқалар бюрократларнинг муомала меъёрига айланниб қолган эди. Шу сабабли амал курсисидан айрилган бюрократнинг кечмиши ўта аянчли бўлар эди.

«Кўп қатори яшаш» бюрократга даҳшат солади. «Кўп қатори яшаш» нима дегани? Ҳар мажлисда, базми жамшидда эркаланиб, янги танишлар ортириб келган собиқ раҳбар ишдан бўшаганинг биринчи соатларидан ҳалқ орасида ўзини танҳо, бегона ҳис қила бошлайди. Ҳамма учун табиий туялган беғараз муомала собиқ бюрократга озор беради, гўё одамлар унинг шу ердалигини сезмаётгандек ёки билиб, билмасликка олаётгандек туюлаверади. Кечагина ўпишиб кўришиб юргувчи «қавмдош»ларнинг автомобилларида «кўрмай» ўтиб кетиши уни ич-ичдан эза бошлайди.

Оддий одамлар билан гаплашишга гап, сухбатга мавзу топа олмаган собиқ бюрократни ичдан пушаймонлик чулғаб олади. Бунинг барчаси жисман ҳалқ ичиди, маънан олисда, ҳалқ дарду ташвишларидан йироқ яшашнинг аянчли хотимаси эканидан далолатdir.

Ёш бюрократ

Ҳеч ким онадан бюрократ бўлиб туғилмайди. Одам аста-секин бюрократга айланади. Шўро бошқарув тизими ўзининг «бюрократик педагогика»сига эга эди. Бу «тарбия» ҳар куни тахминан мана бундай ўйтларни ўқтирап эди:

— ҳеч иш ҳал қилма, лекин доим фаол кўрин;

— бошликлар билан жўшқин, куюқ саломлаш, улардан тез-тез маслаҳат сўраб тур;

— катталар фикрингни сўрашса, эҳтиёт бўл, «бilmадim-u, lekin...» деб гапир;

— шахсий масъулият — бало, ундан қоч;

— таклиф айтиш, бирор ишга муносабат билдиришда шошилма, эҳтиёт бўл, тепандга қанчадан-қанча сендан катта бошлиқлар бор, шуни унутмаки, улар кўл остида ўзидан ақллироқ киши бўлишини ёқтиришмайди;

— ишингни ошкор муҳокама қилишларининг олдини олиб юр...

Бошқарув тизимига келган ёш, иқтидорли мутахассиснинг қулоғи шу каби «Famxўr» маслаҳатларни эшишиб, кўзлари бунинг амалини кўриб, кўллари хужжатни бюрократларча тўлдириб «тарбияланар» эди.

Бюрократик тафаккурнинг XX асрдан XXI асрга ўтиши жуда хавфли. Чунки тафаккурнинг бу шум тури миллат тараққиёти учун узоқ муддат зарар келтириши мумкин.

Ташки кўриниши ўта сипо, қарашлари имога маҳтал, садоқат ваъда қилувчи юзлари соғломлигидан эмас, бегамлигидан қип-қизил, нигоҳи «бюоринг» деб сўраб турувчи, билими, мустақил фикри йўқ ёшлар орасида бюрократия тезроқ ва чукуроқ томир отади.

Мустақиллик туфайли, образли қилиб айтганда, ўзбек давлатчилигининг узилган олтин занжирни қайта уланди. Бу сиёсий ютуқни кўз қорачиғидек асраш ва авайлаш керак. Бюрократия — ана шу ютуқни қадрсизлантирувчи сиёсий таҳдид. Чунки мансабдор — ўз ташкилотида ўзбек давлатчилиги номидан иш кўришга ваколатли шахс. Шу сабабли унинг қонунга, демак, давлатчилигимизга зид ҳар бир хатти-харакатидан озор чеккан оддий фуқаро охир-оқибат давлатдан ранжиди.

Ваҳоланки, миллий давлат — ҳалқ билан давлатнинг узвий бирлигини англаради. Давлатга садоқатли мансабдор шахс ҳалқ ва давлат бирлигини мустаҳкамлашга хизмат қилади. Натижада у бошқараётган жамоанинг давлатга, ислоҳотларга ишончи мустаҳкам бўла боради. Шу тариқа ташки ва ички сиёсий, мағкуравий бузгунчи кучлар заарсизланади, чекинишга мажбур бўлади.

Бюрократлар — айёр, кучли, хиёнаткор, буқаламун, иккюзламачи «қавм». Улар дунёдаги ҳар қандай сиёсий-ижтиёмий ўзгаришларга мослаша олади. Шу сабабли тараққиётимиз, миллий давлатчилигимизни мустаҳкамлаш йўлидан бу тўсиқни олиб ташлаш мушкул, лекин шарт. Бошқарувнинг барча тармоқлари бюрократияга қарши кураш олиб бориши, бунда назоратнинг замонавий илмий тамоилларига таяниш керак. Илм эса

миллий ва хорижий ютуқларни умумлаштириб, раҳбар кадрларни танлаш, жойжойига қўйиш, аттестациядан ўтказишнинг янги механизмини ишлаб чиқиши ва амалиёт учун тавсия қилиши лозим.

Бюрократияга қарши курашнинг американча усули

Фуқаролик жамиятида кадрлар сиёсати қандай бўлади?

Бугун биз шу савонли ўртага қўйиб, ўйлаб, жаҳоннинг энг синалган услугуб, чора-тадбирларига, эришилган натижаларга таҳлилий назар солишимиз табиий. Шу маънода Америка Кўшма Штатларининг кадрлар сиёсати тадрижи ҳақида айрим маълумотларни билиб қўйиш фойдадан холи бўлмас.

Олимлар АҚШ кадрлар сиёсати тарихини тўрт босқичга бўлишади: 1. «Меросхўрлар ва жентлменлар бошқаруви» даври (1789—1829 йиллар). 2. «Лавозимларга ўз кучи билан эришганлар бошқаруви» даври (1829—1883 йиллар). 3. «Ҳаммага яхши бўлсин» тамойили асосида бошқарув даври (1883—1906 йиллар). 4. «Илмий асосда бошқарув» даври (1906 йилдан то шу кунгача). Босқичларнинг номланиши ўша давларга хос кадрлар сиёсати назарияси ва амалиёти хусусиятларини акс эттиради.

«Меросхўр ва жентлменлар» бошқаруви даврида ҳокимиятда кўпроқ *spoils system* (сармоя, куч эгалари) ва *merits system* (хизмат қилиб қўйганлар) бўлди. Бошқарув лавозимларига, асосан, катта ер эгалари (жентри) кўтарилди. Бироқ улар «халқ хаётидан узилиб қолган»и, оддий кишилар манфаатини ифодалай олмаслиги, гурухбозлик, қон-қариндошлилик, сулолавийлик каби иллатлари борлиги учун танқид қилинди. Буларнинг бари янги — «лавозимларга ўз кучи билан эришган кишилар» даврини бошлаб берди. Бу давр 1828 йилда Э.Жексоннинг президентлик сайловидаги фалабасидан бошланди. У юксак лавозимга эга бўлгач, янги — эгалитар мафкура байробини кўтарди. Бу раҳбарлик лавозимига танловларни халқ назорати остида ўтказиш, бу жараёнда барча аҳоли қатламларига тенг хуқуқ бериш, давлат хизматини демократлаштириш, лоббизм ва корруп-

цияга қарши курашни кучайтиришни тақозо этарди. Бироқ эски тамойилни кўмсовчи сармоядорлар янада кучайиб, катта хавфга айланди ва XIX асрнинг 80-йилларига келиб давлат хизмати тизимини ислоҳ қилиш энг муҳим сиёсий муаммолардан бирига айланди.

«Ҳаммага яхши бўлсин» даврининг муҳим кўрсаткичи 1883 йилда қабул қилинган Пендртон қонуни бўлди. Давлат хизмати тизимиға кириш учун танловлар жорий қилинди, давлат хизматчисининг сиёсий бетарафлиги таъминланди. Америкаликлар раҳбар лавозимларига танловни англияликлардан яхшироқ, яъни амалий профессиограммалар асосига куришди. Давлат хизматчилари мажбуриятларини Америка муҳитидан келиб чиқиб таҳлил қилиш, таснифлаш бўйича фундаментал ишлар натижасида «Фуқаролик маъмурий хизмати лавозимлари таснифи тўғрисида» қонун қабул қилинди. У давлат хизматчиларини сиёсий босимлардан ҳимоя қилди. Давлат хизматчилари ўзларининг аниқ-тиниқ мажбуриятларига эга бўлдилар, бюрократия йўллари ёпилиб, ахлоқий, маънавий меъёрлар етакчи мезонга айланна борди.

Бу ислоҳот муҳим вазифани ўтаб, давлат хизматчиларини танлаш технологиясининг янги даврини бошлаб берди. Илмий ёндашув тамойилининг жорий қилинишига шароит яратди. Бу билан:

- натижаларни баҳолашнинг объективлигига интилиш бошланди;
- ходим имкониятларининг лавозим талабларига (профессиограммага) мослиги мезонлари жорий этила бошлади;
- шахсий муносабатларнинг танлов натижаларига таъсири бартараф қилина борди;

— давлат хизмати масаласини рационаллаштириш ва раҳбар кадрларни танлаш ва жой-жойига қўйишнинг илмий услублари тобора мустаҳкамланди.

Бу даврга келиб давлат хизмати рентабел соҳага айланди, раҳбаршунослик ривожланди. Олий ўкув юртларида жамиятини бошқарув (public administration) ўкув курси киритилди.

Кейинчалик бу курслар алоҳида институтларга айлантирилди ва кенг даражада илмий изланишлар маҳсулни сифатида жуда катта илмий заминни яратди.

Илмий асосда бошқарувга меҳнат са-
марадорлигини кўтаришнинг бosh тамо-
йили сифатида ёндашишга дастлаб тад-
биркорлар мурожаат қилдилар. Бир оз
вақт ўтгач, илмийлик тамойилининг аф-
заллиги намоён бўла бошлагач, давлат
тезда буни ўзлаштириб олди. Чунки
АҚШда «бизнесда нимаики ўзини окла-
ган бўлса, у барча соҳаларда муваффа-
қиятли қўлланиши мумкин» деган қоидга
амал қилинарди.

Илмий асосда бошқарув йўриқномаси
куйидаги тамойиллар асосига қурилди:

— рационаллаштириш — бошқарув-
нинг мухим муаммоларини ўрганиш ва
оқилона қарорларга таяниш;

— режалаштириш — мақсадга эри-
шиш дастурини асослаш учун дуч кели-
ши мумкин бўлган объектив шарт-шаро-
ит ва эҳтиёжларни олдиндан белгилаш
(прогноз қилиш);

— ихтисослаштириш — бошқарув жа-
раёнида энг муносиб материаллар, ас-
боб-ускуналар, маҳсулотлар ва мутахас-
сислардан фойдаланиш;

— стандартлаштириш — энг яхши на-
муналар ва ютуқлардан фойдаланиш;

— ўлчов — ҳар бир хизматчининг ма-
салани ҳал қилишга кўшган шахсий ҳис-
саси, унинг меҳнат самарадорлиги ва ма-
лакасини аниқ ҳисоб-китоб услублари
орқали ўлчаш, баҳолаш ва рағбатланти-
риш.

Бу тамойиллар муаммоларни ечиш-
нинг энг мақбул усулини қидириб топиш
ва харажатларни имкон қадар камайти-
риш каби талаблар билан бойитилди.

Илмий бошқарув назарияси давлат
хизматини ташкил қилишга қандай ёр-
дам берди? Бу чора, энг аввало, бошқа-
рув лавозимларини янгича стандартлаш-
тириш ва таснифлашга асос бўлди. Жум-
ладан, 1949 йили АҚШнинг «Давлат хиз-
матчилари лавозимлари таснифи
ҳақида» қонуни қабул қилинди. У давлат
хизматининг 18 даражасини аниқлаб бер-
ди. Бирон-бир лавозимга ўтказиш, қабул
қилиш, имтиҳон орқали амалга оширила
бошланди ва бу синовлар, асосан, талаб-
горнинг лавозим вазифаларини бажа-
риш учун зарур бўлган малакасини
ўлчашга хизмат қилди. Ростгўйлик, би-
лим, зиёлилк, сиёсий бетарафлик каби
талабларга алоҳида эътибор берилди. Бу

кўрсаткич ва талаблар асосида танлов
фуқароларни биринчи жаҳон уруши дав-
рида АҚШ армиясига чақириуда қўлланиб,
ўз самарасини кўрсатгани туфайли ке-
йинчалик давлат хизмати соҳасида ҳам
қўллана бошлади.

Илмий бошқарувни давлат муассаса-
ларига жорий қилиш бошида қийин кеч-
ди. Чунки бизнес самарадорлигининг
асосий мезонларидан бўлмиш фойда
учун кураш, рақобат давлат бошқаруви
тизимида йўқ эди. Бизнесда бўлган та-
лаб-таклиф, нарх-навони белгилашдаги
рақобат, қисқаси, фойдани кўрсатувчи
мезонлар бўлиши мумкин эмас эди.

Давлат хизматида шахсий муносабат-
лар эмас, қонун устуворлик қилар эди. Қо-
нунлар эса сиёсий курашлар натижаси-
да ўзгариб турар эди. Бу муаммони ечиш
учун давлат хизмати маъмурӣ ва сиёсий
даражаларга бўлинди. Маъмурӣ даражага
кундалик вазифаларни бажариш, сиё-
сий даражага эса илмий асосланган ус-
лублар асосида ижтимоий-сиёсий маса-
лаларни ҳал қилиш юклатилди.

1937 йили давлат хизмати ҳолатини
ўрганувчи маҳсус комиссия тузилди. Ко-
миссия мамлакатда давлат, жумладан,
президент ваколатларини кучайтириш
тўғрисида таклифлар киритди. Комиссия
эълон қилган маърузада ижро ҳокимияти
ваколатларини президент ихтиёрида
жамлаш зарурлиги асосланди. Бунинг
учун давлат хизматини ташкил этишда
аллақанча кескин ўзгаришлар таклиф
қилинди (Report of the Committee Special
studies (The President's Committee on
Administrative Management). Wash., 1937).
Яъни, биринчидан, жавобгарликнинг вер-
тикал тизимини, аниқ ва доимий — вер-
тикал алоқаларни яратиш лозим. Иккин-
чидан, давлат муассасалари сони шун-
чалик қисқартирилиши керакки, токи
уларни президент ва унинг идораси са-
марали бошқариши мумкин бўлсин.
Учинчидан, президентнинг маъмурӣ иш
билин шуғулланиш имкониятларини кен-
гайтириш, яъни унинг зиммасига режа-
лаштириш, бошқариш, мулозимларни
танлаш, молиявий масалаларни ҳал этиш
билин боғлиқ бошқа вазифаларни ҳам
юклаш таклифи киритилди.

Улар 50—60-йилларга келиб мутахас-
сислар томонидан такомиллаштирилиб

ва жорий қилина бошланди. Ҳокимият тепасига келган Билл Клинтон ҳам ўз ишини мавжуд давлат хизмати тизими-ни ислоҳ қилишдан бошлади.

Шу мақсадда 1993 йили март ойида вице-президент Альберт Гор раислигига миллий комиссия тузилди. Комиссия олти ой мобайнида мавжуд ахволни ўрганиб, юздан ортиқ тавсия билан чиқди. Тавсиялар амалиётга жорий этилса, яқин беш йил ичидаги 108 миллиард доллар микдорида иқтисодий фойда келиши ҳисоблагб чиқилди.

Мавзуимиз доирасида биз учун америкаликларнинг давлат хизматига ёндашуви ва комиссиянинг иш услублари муҳим. Кўшма Штатларнинг замонавий давлат хизматини тартибига солиб турувчи қонунлар мужассамланса 100.000 бетдан иборат тўплам бўлади. Бу қонунлар ишга қабул қилиш, хизмат пиллапояла-ридан кўтарилиб бориш, ишдан бўшатиш, непотивизм (уруг-аймоқчилик), давлат органлари томонидан товар ва хизматдан фойдаланишнинг юқори даражасини чегаралаш, тузилган шартномаларнинг асосланганигини қайта-қайта текширишни назарда тутади. Натижада мансабдорларнинг маҳсулот таъминотчилари билан тил бириктириб, ноқонуний даромад олиш йўллари беркитилди. Федерал агентликларда бюджет харажатларининг ҳар бир доллари аниқ ҳисоб-ки-тоб қилиб қўйилди. Бу эса режалаштирилмаган бюджет харажатларини тўхтатди, маҳаллий органлар, давлат бюджети асоссиз харажатларининг олди олинди. Назорат кучайди.

Аввало, федерал ҳукумат турли тармоқларида банд бўлган тажрибали ходимлар ичидан эксперталар гуруҳи танлаб олинди. Улар агентликлар ва тармоқлараро соҳалардаги кадр, бюджет, моддий техник таъминот муаммоларини пухта ўрганиб чиқди. Ҳар бир вазирликда комиссияга ёрдам кўрсатувчи гуруҳлар тузилди. Давлат хизмати тизими ислоҳоти бўйича тушган таклифларни ўрганиб, экспертизадан ўтказувчи лабораториялар тузилди. Бу тадбирга бир неча минг федерал хизматчи жалб қилинди. Илмий-тадқиқот марказлари ташкил этилиб, улар жамият табакаларининг, шу

жумладан, маҳаллий ҳокимият органлари ва тадбиркорларнинг кадрлар ислоҳотига муносабати маҳсус ўрганилди. Тезкор тадқиқотлар ўтказилиб, 300.000 дан ортиқ хат ва телефон орқали билдирилган таклиф, фикр-мулоҳаза йифилди, кўплаб давра сұхбатлари, умуммиллий даражада конференцияларда муҳокама қилиниб, таҳлил этилди.

Комиссиянинг фикрича, ортиқча марказлаштириш, расмийлаштириш ходимлар ва бўлинмаларнинг ташаббускорлигини сусайтиради. Шу туфайли бошқарувда ташаббускорликни рағбатлантирувчи услублар жорий қилиниши зарур эди.

Жумладан, муайян лойиҳалар учун молиявий маблағ олиш мақсадида маълум ташкилотлар ва давлат хизматчилари орасида мусобақалар ташкил қилиш энг самарали услублардан бири экани эътироф этилди. Бу давлат хизматчиларини ўз вазифасига янада маъсуллят билан ёндашишга, жамоат бирлашмалари билан алоқа ўрнатишга undайди.

Хуллас, Америкада давлат хизмати назарияси ва уни ҳаётга татбиқ этиш ишлари юзасидан ана шундай тадбирлар давомий тарзда ривожлантирилди. Ҳозирги кунда ҳам бу мамлакатда давлат хизматини янада тақомиллаштириш бўйича изланишларни кучайтириш ва бу хизматни, иложи борича, илмий асосда ташкил этишнинг янги йўналишларини кашф этиш давом этяпти.

Ҳар ерда ҳозиру нозир

Бюрократ қайси мамлакат ёки минтакада бўлмасин, ҳамиша бир хил қиёфада намоён бўлади: идоравий манфаатларни, қонун-коидани рўйач қилиб, тарақ-киётга фов бўлади, ўзи зимдан қонунни бузиг яшайди. Шарқ маърифатпарварларидан Жалол Али Аҳмад бюрократни ўзлигини, миллийлигини йўқотган, «фарбийлик» касалига мубтало бўлган киши сиймосида кўради. Бундай киши, — деб ёзади у, — миллиятнинг ўтмиши, ҳозирги ҳаёти, келажаги ҳақида, ҳатто, тушунчага ҳам эга эмас. У кўпинча «зийёли» раҳбар. У тўлқин устидаги хасдек бекарор. Оёғини қўйиб таянадиган ери йўқ. Шу

сабабли воқеалар шамоли қаёққа қараб эсса, у ҳам шунга мос равишда ўзгариб туради. Унда мустақил фикрнинг ўзи йўқ... У дунёда шахсий манфаатидан ташқари барча нарсага бефарқ, масжидда ҳам, кинотеатрда ҳам, партия йиғилишида ҳам худди футбол ўйинининг кузатувчисига ўхшайди. Ҳеч қачон унинг чуқур ўйга толганини кўрмайсиз. У дўсти вафот этганда ҳам қатра ёш тўкмайди. У бирон-бир кичик ўлжани қўлдан бой бермайди, жирканмай унга ташланади. У ўзига хосликдан маҳрум. Ўзига ҳаддан ташқари оро беради, оёқ кийими, машинаси, уйи, кийимининг қандай кўриниши устида тинмай ташвиш чекади. Уни мактаб, масжид, касалхона муаммолари эмас, аввало, уйидаги электрли кир ювиш машинаси ускуналарининг яхши ишлаши қизиқтиради. У ўзининг узоқ Бандар Аббосдаги ҳамқишлоқлари-нинг урф-одатлари ҳақида ҳеч нарса билмайди. Аммо сизга Буюк Британия лейбористлар партияси ўнг қанотида бўлиб ўтган сезилар-сезилмас ўзгаришларни қойилмақом қилиб айтиб бера олади...»

Дарднинг давоси

Бюрократияга қарши муваффақиятли курашиб, бу масаланинг энг оқил ечими-га эришиш учун Президент Ислом Каримовнинг раҳбар кадрлар фаолиятини баҳолаш ҳақидаги фикрларига асосланishi зарур. Жумладан, Юртбошимизнинг «Хар бир давлат хизматчисининг ўз ўрнида ўтириши 50—60 фойз ютуқни таъминлайди», деган дастурий фикрини олайлик. Шу фикрга суюниб, «оёғи ердан узилган», «назарий ватанпарвар» давлат мулозимлари, раҳбар кадрларнинг асл маънавий қиёфасини ойнадек холис кўрсатувчи механизм яратиш мумкин ва керак.

Жойлардаги режали текширувларда бошқарув органлари ижро фаолиятини баҳолашнинг янги мезонларига асосланмоқ зарур. Назоратда Президент Ислом Каримов таклиф қилган тамойилдан келиб чиқиб ёндашмоқ, яъни сарф қилинган ресурслар, ўtkazilgan тадбирлар, расмий қофозларни «олдинги даврга нисбатан фалон фоиз ортиқ»лигига эмас, балки бажарилган ҳақиқий иш самара-

сига, ўзгаришларга — мақсадга эмас, натижага қараб баҳоламоқ керак.

Президентимизнинг «Жаҳолатга қарши — маърифат» деган дастурий даъвати бюрократия кўринишларига барҳам беришда ҳам самарали усул бўлиб хизмат қиласди. Чунки, чуқурроқ ўйлаб кўрсак, бюрократия ҳам аслида жаҳолатнинг бир кўриниши. Қалби ва онги маърифат нурига тўлган амалдор ёки масъул ходим бўлар-бўлмасга давлат ёки идора манбаатларини, қонун устуворлигини рўйка қилиб, фуқароларнинг, бутун жамиятнинг олға ҳаракат қилишига халяқит бермайди. Қолаверса, замонавий фикрлайдиган, амалдаги қонун-қоидаларни яхши биладиган фуқаролар ҳам арзимаган расмиятчилик учун оёқ тираб туриб оладиган, кўпчиликнинг хоҳиш-иродасини назар-писанд қилмайдиган ўзбошимча ва зўравон амалдор билан қандай тортишиш, унинг бехуда талабларига қандай жавоб бериш йўлларини билади.

Аслида бюрократия одамлар ўз ҳақ-хуқуки учун кураша олмайдиган, қонун меъёлларини яхши билмайдиган муҳитда чуқур илдиз отади. Фуқароларнинг илм-маърифатдан, қонун-қоидалардан бебаҳра, иродасиз, бепарво бўлиши — бюрократия учун айни муддао ҳисобланади. Бир сўз билан айтганда, ҳамма ўз вазифасини билиб, тушуниб адо ётадиган жамиятда бюрократияга ҳеч қандай ўрин қолмайди. Биз барпо этишини ўз олдимизга мақсад қилиб қўйган хуқукий демократик жамиятда шундай бўлади. Бу жамият тамоилилари ҳаётимизда мустаҳкам қарор топмоғи учун барчамиз фаол бўлишимиз, ҳаётимиздаги мухим масалаларни қандайдир чаласавод, бойлик ва нафсу ҳавога муккасидан кетган, эл-юрт манбаатидан бутунлай бегона, ўзини — хон, кўланкасини — майдон деб биладиган бюрократ амалдорнинг қошу қовоғига қараб ўтирасдан, ўзимизга берилган қонуний имкониятлар асосида ўзимиз ҳал эта олишни ўрганишимиз керак. Шундагина кундалик турмушишимизда учраб турадиган ортиқча расмиятчиликлардан, бюрократия жафосидан батамом халос бўлишимиз мумкин.

Исмоил ШОМУРОДОВ

Qadriyatlar falsafasi

Маълумки, XIX асрнинг иккинчи ярмига келиб Оврупо файласуфлари ўртасида эски қадриятларни инкор этиш тамойили кўзга ташлана бошлаган эди. Ўшанда Карл Маркс эски жамиятнинг иқтисодий негизига қарши байроқ кўтариб чиқкан бўлса, Фридрих Ницше унинг руҳий асосларини бутунлай ислоҳ этиш заруратига эътиборни қаратди.

Немис фалсафасининг буюк ва ёрқин намояндаси ҳисобланмиш Ницше таълимотининг асосий йўналишларидан бири ҳам аслида эски қадриятларни бутунлай рад этишдан иборат эди. Бу назариянинг ўзига хос хусусиятлари аввало ана шу жиҳат билан изоҳланарди. Айнан шу боис национал-социалистлар кейинчалик Ницшени ўзларининг асосий foявий илҳомчисига айлантириб олди. Кўхна қадриятларни мутлақо тан олмаслик, янги тушунча ва қарашларга бўлган эҳтиёж, инсонларнинг қадимий анъаналардан безор бўлиши сингари ҳолатлар XX асрнинг бошларига келиб оммавий тарзда намоён бўла бошланига қарамай, зиёлилар бу нарсани анча илгарироқ, XIX асрнинг ўрталаридаёқ сезган ва ҳис этган эди. Чунки XIX асрдаги техник тараққиёт инсоният тафаккурини кескин ўзгартириб юборди. Бундай янгиликлардан довдирағ қолган одамзод, билиб-бilmай, ўтмишда деярли барча урфодат ва анъаналарни рад этишга тушиб кетди. Кишилар ўзларининг моддий олам ҳақидаги қарашлари нотўғри бўлиб чиққанини кўриб, бундай ҳол маънавият дунёсига ҳам тегишли бўлса керак, деб ўладилар. Қолаверса, эски доҳийларнинг инкор этилиши, уларга хос хатоларнинг тан олинниши ҳам шундай оқибатларга сабаб бўлди. Назаримизда, у пайтларда ҳали инсоният ҳар бир инсон, ҳатто даҳолар ҳам хатога йўл қўйиши мумкинлигини тушуниб етмаган эди.

Сирасини айтганда, бу хусусда аниқ бир фикр билдириш қийин. Тахминлар эса ҳақиқатни тўлиқ ифодалаб беролмайди. Лекин, нима бўлганда ҳам, XX аср бошида юзага келган эски қадриятларни бутунлай инкор этиш кайфиятининг шаклланишида Ницше қарашлари катта таъсир кучига эга эди. Бу даврда айниқса ёш ва кекса авлод ўртасида кескин ихтилоф пайдо бўлди. Оталар фарзандларини, фарзандлар эса оталарини тушунишни истамас эди. Чунки техник янгиликларга тамоман маҳлиё бўлиб қолган болалар, гўё қасдлашгандек, уларни тан олмаётган кекса авлод ҳаётига хос қадриятларни ҳам инкор этарди.

Агар солиштириб кўриладиган бўлса, XX асрдаги ҳаёт билан XXI асрнинг дастлабки йилларида бир қадар ўхшашликлар мавжудлиги аён бўлади.

Маълумки, бугунги кунда кенг тус олган глобаллашув жараёни ўтган асрнинг илк даврида бошланган эди. Чунончи, телеграф, телефон, радионинг ихтиро этилиши бунинг ёрқин далили бўла олади. Бизнинг асрга келиб бу жаён юксак чўққиларга кўтарили. Компьютер имкониятларининг кенгайиши, янги-янги ахборот узатиш воситаларининг ихтиро этилиши бунга сабаб бўлди.

Ўтган асрда эски ахлок қоидаларининг жуда тез қадрсизланиши, уларнинг ўрнига келган қадриятларнинг ҳали инсонлар онгига яхши ўрнашиб ул-

гурмагани оқибатида одамзод бошига даҳшатли захм касаллиги ёғилган эди. У пайтларда бу дарднинг давоси йўқ эди. Шу сабабли у деярли бутун жаҳонни титратиб турарди. Касаллик жуда оммавийлашиб кетган эди. Ҳатто Ницше ва Мопассан каби машҳур зотлар ҳам ана шу балога мубтало бўлган. Уларни-ку қўятуринг, ҳатто қироллар ва шоҳлар орасида ҳам бу дардга чалинганлар учраб турганига нима дейсиз!


Назаримизда, шу дарднинг ўзиёқ эски анъаналардан ўйламай воз кечиш қандай мудҳиши оқибатларга олиб келиши ҳақида инсониятни ўйга толдириши, унинг кўзини очиши зарур эди. Зотан, бу касалникнинг оммавийлашувига глобаллашув билан бир қаторда жинсий алоқага бўлган илмий-фалсафий муносабат ҳам сабаб бўла бошлаган эди. Лоақал Фрейднинг ўша даврдаги қарашларини эсланг. У илмий тахминларга асосланиб, инсон учун жинсий алоқа энг асосий эҳтиёж, чунки у аввал бошданоқ шундай иштиёқ ва майл билан туғилади, деган ғояларни илгари сурган эди. Эҳтимол, одамзод табиати ҳақиқатда ҳам шундайдир, фрейдча қараш дунё динлари томонидан минглаб йиллар давомида сингдириб келинган, инсон ҳаётининг маъно-мазмунини ташкил этадиган, инсоннинг ҳисстүйгулари билан боғлиқ ҳақиқатни ўзининг «янгича» қарашлари орқали жуда оддийлаштириб, жўнлаштириб юборган, одамларнинг қалби ва онгу тафаккурида йиллар, асрлар давомида шаклланган дўзах азоби, оғир гуноҳлар тўғрисидаги тасаввурларни бутунлай барбод этган эди. Гап балки Фрейднинг ўзида ҳам эмасдир. Масаланинг моҳияти шундан иборат эдики, одамларга оддий бир баҳона, сабаб керак эди, холос. Ароқхўр баҳона қидиргани каби, одамлар ҳам одатда бирон-бир сабабга муштоқ бўлиб туради. Бироқ ахлоқ борасидаги қадимий қадриятларни инкор этиш инсониятга foят қимматга тушди.

Ницше инсониятнинг энг асосий қадриятларидан бири бўлмиш ахлоқ мөҳиятан ахлоқсизлик экани хусусида сўз юритган. Унинг бу борадаги хуласалари маълум маънода ўринли ва асослидир. Ҳақиқатдан ҳам, ахлоқ ахлоқсизлик билан, яъни жазолаш орқали ўрнатилади. У аслида ўртамиёна шахсларга мўлжалланган. Ахлоқнинг ҳақиқатни нечоғлиқ тўғри акс эттириши унинг ўртамиёна одамлар учун мўлжалланганининг ўзиёқ билдириб турибди. Агар у жамиятдаги кичик тоифалар манфаатларини кўзлайдиган бўлса, адолатсизликдан ўзга нарса бўлмасди. Ҳамма учун бирдек мос келадиган қонун-қоидаларни яратиб бўлмайди. Энг адолатли қонун ҳам кимнингдир манфаатларини чеклайди ёки қайсиdir ҳаётий эҳтиёжларни меъёрлаштиришга мажбур қилади. Чунки ахлоқ фақат якка шахс манфаатини эмас, балки бутун омманинг манфаатини ҳимоя қиласди.

Ҳар қандай инқилоб қадриятлар душмани ҳисобланади. Чунки инқилоб — қиролли кўзғолон, давлат тўнтаришишгина эмас, аввалимбор, ота-боболарга хос қадриятларнинг ёппасига инкор этилиши, топталишидир. Шунга қарамай, инсоният тарихида инқилоблар кўп бўлган. Нега?

Назаримизда, бунинг сабаби кўйидагича. Эски қадриятларнинг догма, яъни қотиб қолган қолипга айланиши натижасида одамлар уларга кўр-кўронга амал қила бошлади. Улар том маънодаги қадрият эмас, балки инсонларнинг яшашига халақит берадиган сарқитга айланади. Бу қадриятлар вақтида ислоҳ этилиб, замонга мослаштирилмаса, улардан бузғунчи кучлар фойдаланиб қолишига ҳаракат қиласди.

Бизнинг ҳар биримиз болалигимизда ҳаёт жуда ўзгача бўлганини эслаб юрамиз. Дейлик, оддийгина ҳолат: бир пайтлар қовунлар жуда ширин бўлишини, энди эса улар айниб, тилими тилни ёрадиганлари йўқ бўлиб кетгани



ҳақида тез-тез эшишиб қоламиз. Ҳамма шундай дейди. Аслида бу ҳақиқат эмас, балки кишининг таъм олдидаги алданишидир. Чунки болалиқда таъм ҳақидағи илк ахборот одамга жуда ўзгача туолади. Болалик — англаш даври. Бу пайтда ҳар бир ахборот ўзгача таъсирга эга бўлади, у мутлақ ҳақиқат сифатида англанади. Болалиқдаги ўша илк тасаввур кейинчалик киши томонидан қабул қилинадиган ҳар кандай ахборот учун асосий мезон бўлиб хизмат қилади. Шунинг учун ҳам болалиқда қабул қилинган, ўргатилган, ўрганилган нарсларнинг киши онгидан чиқиб кетиши жуда қийин кечади.

Динлар ҳам ўз вақтида эски қадриятларни инкор этиш туфайли вужудга келган. Бироқ ўзига хос томони шундан иборатки, динлар ўтмиш ҳаётни бутунлай рад этмаган. Чунки уларнинг ўзи муайян қадриятлар негизида яратилган. Шу сабабли динларни ҳеч қачон инкор этиб бўлмайди. Ҳеч бир фалсафа, фоя ёки мафкура кишилар кўнглидаги худонинг ўрнига унга тенг келадиган ҳақиқатни беролмайди. Ҳатто энг адолатли қонунлар ҳам инсон кўнглидаги худога бўлган эҳтиёжни қондиролмайди.

Халқимизда бирорвга қиз бериш ёки қиз олишдан бурун етти пуштини сўраб-суршишири одати бор. Бунинг замирида нафақат куда тутинаидиган томоннинг генларини ўрганиш, балки ўша оиласнинг ўзига хос турмуш тарзини, маънавий-ахлоқий асосларини билишга интилиш ҳам ётади. Оиласнинг тарихи қанча узоққа бориб тақалса, у шунча мустаҳкам ҳисобланади.

Инсоният нима учун онгли тарихи давомида ҳар хил сулолаларни улуғлаб, ўзининг энг қадимги тарихга алоқадор эканини исботлашга уринади? Бу шунчаки мақтаниш учун бўлганда эди, инсоният бу ишга бунчалар берилиб кетмасди. Ҳамма гап шундаки, табака, сулола, миллат қанчалар қадимий бўлса, унинг қадриятлари ҳам шунчалик мустаҳкам бўлади. Улар айнан ана шу қонун-қоида ва қадриятларга қатъий амал қилгани учун ҳам ҳанузгача соғ-омон яшаб келмоқда. Дунёда бундай кафолатга эга бўлишнинг ўзи катта гап.

Маълумки, Ўйғониш даври итальян файласуфи Макиавелли сиёсатдаги айёрликлар, давлатни идора қилиш санъати тўғрисидаги фикрлари билан машхур. Шу файласуф давлатни бошқариш тўғрисида маслаҳатлар берар экан, босиб олинган юртларни кўп вақтлар давомида қўл остида сақлаб туришни ният қилган ҳукмдор энг аввало ўша ердаги тарихий обидаларни йўқ қилиб ташлаши лозим, деган фикрни билдиради. Чунки обидалари тимсолида ўзлигини таниган, тарихини билган ҳалқ ҳеч қачон бирорвга қарам бўлиб қолмайди. Халқнинг ўзлиги эса унинг қадриятларида мужассамлашади.

Мисол тариқасида АҚШда 2001 йил 11 сентябрда содир этилган даҳшатли террорчилик харакатларини олайлик. Бу ерда портлатилган осмонўпар бинолар американча улуғворлик тимсоли эди. Айнан шу боис улар террорчиларнинг нишонига айланди. Айни пайтда АҚШ давлати ҳалқаро терроризмга қарши кенг миқёсдаги курашни фақат ана шу бинолар портлатилган пайтда курбон бўлғанлар қасоси учунгина бошлагани йўқ. Бу аксилтеррорчилик харакати анча чукур моҳиятга эга.



Қадриятнинг маънавий асослари аслида кўпроқ жамоага боғлиқ ҳолда шакланади. Яъни у жамоанинг муайян ҳолатга нисбатан бўлган қараши, фикри, у хусусда ўйлаб топилган қонун-қоидаларини ўзида мужассам этади. Қадриятлар, бир томондан, ўқорида айтилгани каби, инсоннинг болалик хотиралари орқали, иккинчи томондан эса, жамиятнинг умумий муносабати туфайли ривожланади. Дастлабки қарашда бир-бирига зид бўлган бундай ҳолат қадриятнинг асосини ташкил этади.

Биз мустақилликка эришганимиздан сўнг ўзимизча янги қадриятлар яратишга зўр бериб уринмадик. Балки кўхна, кўпчилик тили билан айтганда, топталган қадриятларимизни тиклаш йўлидан бордик. Зоро, янги қадриятлар бирдан яратилмайди. Чунки бирор-бир қоидани ўйлаб топиб, уни бирданига халқинг қалби ва онгига сингдириб бўлмайди. Хеч бир авлод бундай ишни бир ҳамлада амалга оширишга қодир эмас. Аксинча, халқ ўзи учун зарур қадриятларни йиллар давомида саралаб олади. Ота-боболарнинг неча йиллик ҳаёти давомида синовдан ўтгани учун ҳам биз уларни қадрият деймиз. Бир мисол, америкаликлар учун ушбу мамлакат Конституцияси муқаддас саналади. Унинг муқаддаслиги икки омил билан изоҳланади. Биринчидан, Америка Конституциясига икки юз йилдан ортиқ вақтдан буён амал қилинади. Иккинчидан, Америка халқининг тарихи, тақдиди ана шу Конституция тарихи билан узвий боғлиқ.

Ҳаёт давом этар экан, эски қадриятлар ўрнига янгилари келаверади. Чунки ҳар қандай халқ, ҳар қандай миллат тараққиёт давомида ўзини янгилаб, ўзгариб боради. Бусиз халқ ҳам, миллат ҳам инқирозга юз тутади.

Юртимизда туб ислоҳотларни амалга ошириш жараёнида мамлакатимиз Президенти томонидан илгари сурилган «Янги уй курмай туриб, эскисини бузманг» деган қоида фақат иқтисодий манфаатларни кўзлаб айтилган эмас. Бу қоида урф-одат ва қадриятларни асраш, уларни оқилона ривожлантириш борасидаги ишларимизга ҳам тааллукли бўлиб, бу ҳақиқатнинг инкор этилиши халқинг маънавий ҳаётида улкан бўшлиқни юзага келтирган бўлур эди. Бу эса иқтисодий инқироздан кўра ўн чандон даҳшатлироқдир. Чунки иқтисодий бўхрон даврида ҳам одамларда ишонадиган, эътиқод қиласидиган нарсалар бўлади, шу боис улар ҳаётдаги асосий мақсадни йўқотмайди. Миллий қадриятларидан жудо бўлган миллиатнинг эса олға бошловчи, ҳаётига маъно-мазмун бахш этувчи муқаддас нарсаси бўлмайди. Бундай миллат, худди худосиз одамга ўхшаб, даҳшатли ва кўрқинчли бўлиб колади.

Қадриятлар ўзгариши билан яхши ва ёмон деган мезонлар ҳам ўзгариб боради. Шунинг учун бу жараённинг тадрижий тарзда кечиши оғриқсиз ўтади. Аксинча бўлганда эса, оғир оқибатларга олиб келади.

Қадриятларнинг ўзгариши нафақат одамларнинг турмуш тарзида, балки уларнинг кийинишида ҳам ўз ифодасини топади. Шунинг учун қариялар ёшлиарни танқид қиласар экан, буни одатда уларнинг кийинишидан бошлайди. Эсимда, бир пайтлар қизларни калта кўйлак кияди, дея ёзғиришар эди. Кеийин аёллар шим киймоқда, деган койишлар бошланди. Энди эса... юбкаларнинг калталиги, шимларнинг торлиги хусусида гапириляпти. Ҳолбуки, катта шаҳарларда бунга кўпчилик парво қилмай қўйган.

Кийим-кечак ўз ҳолича ҳеч нарсани ифодаламайди. Ва бу ҳақда гапириб ўтириш анча бачканга бўлиб туюлади. Агар ҳамма гап кийимнинг ўзидагина бўлганда эди, бу масалани жуда осонлик билан ҳал этса бўларди. Кийим борган сари аксарият одамлар учун ўзини ифодалаш услугига айланиб бормоқдаки, шу тариқа либос ўзига юқлатилган бирламчи вазифа доирасидан чиқиб, анча чуқурроқ маъно касб эта бошлади.

Бугунги глобаллашув замонида жаҳондаги аксарият аҳолининг бир хил кийиниши табиий ҳол. Чунки тинимсиз аҳборот алмашинуви жараёнида ҳамма бир-биридан ўrnak олади. Буларнинг барчасига аввало ўша кўнимсизлар, мослашувчилар, ўз қадриятларига қатъий амал қилмайдиганлар сабабчи бўлса ажаб эмас.

Юқоридагилардан келиб чиқиб айтадиган бўлсак, кўхна қадриятларни мутлақо инкор қилиш ҳам, уларга бутунлай ёпишиб олиш ҳам яхшиликка олиб келмайди. Энг мақбул йўл — уларга содик қолган ҳолда, уларни давр талабларига мувоғиқ аста-секин ўзгаририб, такомиллаштириб борищдир. Чунки ҳаёт ва тараққиёт доимий ҳаракатни, мунтазам илгарилашни талаб этади.

Фахриддин МУХИДДИНОВ

Sud hokimiyatining mavqe--maqomi

Бугун юртимизда, жамият ҳәтигининг барча соҳаларида бўлгани каби, суд-хукук соҳасида ҳам туб ислоҳотлар амалга оширилмоқда. Бу жараён Олий Мажлиснинг олтинчи сессиясидан сўнг айниқса янгича маъно-мазмун касб этди. Унинг моҳиятини теран англаб олиш учун, бизнинг назаримизда, аввало, «хукуқ», «хукукий давлат» каби тушунчалар ҳақида тўлиқ маълумотга эга бўлишимиз зарур.

Кeling, дастлаб ҳар куни неча бор эшитадиганимиз «хукуқ» тушунчасига тўхталиб ўтайлик. Хукуқнинг энг оддий ва соғф юридик талқиндаги маъноси шундан иборатки, у ҳар бир инсоннинг муайян тарзда ҳаракат қилиш ёки ҳаракат қилмаслигини белгилаб берувчи ўзига хос ижтимоий асос, белги ёки сифатdir.

Демак, хукуқ инсонларнинг жамиятга бирлашиб яшаш зарурати туфайли шаклланган, уларга хос онгли, маданий ҳәётнинг узвий бир қисми бўлган реал воказеликдир. Шундай экан, бу ўринда ҳамма учун маълум бўлган «хукуқ — ҳокимиятни талаб этади» деган иборани ишлатиш мақсадга муовофиқ бўлур эди. Хукукий асослар, меъёр ва тамойиллар кишининг ҳәётий фаолияти учун зарур шароитини мужассам этган, унинг манбаатларига мос бўлган ҳолда амал қиласди. Бироқ, ҳар қандай ҳолатларда

ҳам, хукуқнинг қатъий ва изчил амал қилишини кафолатловчи кўнкима ёки усул-услублар бўлиши даркор. Бундай усул-услубларни эса жамиятдаги етакчи куч — халқнинг хоҳиш-иродасига асосланган ҳокимият шакллантириб боради.

Хукуқ ва ҳокимият ўртасидаги муносабат, энг аввало, ижтимоий тузумнинг табиити, маъно-мазмuni ва айниқса давлат ташкилотлари ҳамда муассасалари зиммасида қай даражадаги расмий ваколатлар борлиги билан белгиланади.

Демократик жамиятда, бундай қадриятларга содиқлиги туфайли, ҳокимият идоралари маъмурӣ-буйруқбозлиқ усулида иш юритишга бўлган интилишларини жиловлайди, ўз ваколати доирасида ҳаракат қиласди.

Сиёсий-хукукий тизим, хусусан, ҳокимиятларнинг бўлиниш, федерализм ва ўз-ўзини бошқариш муассасалари ҳам ана шу мақсадга хизмат қиласди. Бу эса

Фахриддин МУХИДДИНОВ. ЎзФА Фалсафа ва хукуқ институтининг докторанти.

ҳокимиятнинг бир субъект ёки гурухнинг кўлида тўпланиб қолишига йўл бермайди. Жамиятда айнан ана шундай тартиб ҳукм сурган тақдирда ҳуқуқий давлат, қонун устуворлиги ҳамда фуқаролик жамияти каби тамойилларнинг амалдаги ижроси тъминланади. Шу боис Президент Ислом Каримов бу масалага алоҳида урғу бериб, шундай деган эди. «Ҳуқуқий давлат шунчаки расмий қонунийликни билдирамайди, у инсон шахсини энг олий қадрият сифатида эътироф этишга ва тўла-тўқис қабул қилишга асосланган яхлит амал қилувчи тизимдир».

Бугунги кунда мамлакатимизда бу борада кечачётган туб ислоҳотлар ана шу мақсадга қаратилган.

Инсоннинг шаъни ва қадр-қимматини хурматлаш, унинг ҳуқук ва эркинликларни мустаҳкам ҳимоя этишининг зарур қафолатлари мамлакатимиз Конституциясида ўзининг яққол ифодасини топган. Асосий қонумиз жамиятдаги барча ижтимоий манбаатлар замирада аввало инсон ҳақ-ҳуқуқлари ётажагини белгилаб берувчи бирламчи ва муҳим сиёсий ҳужжат, ҳуқуқий манбадир.

Шуниси эътиборга сазоворки, бу ҳужжат юртимиз фуқароларининг сиёсий партияларга бирлашиш, турли нодавлат ташкилотлари ҳамда ўзини ўзи бошқариш идораларини тузиш, уларнинг мустақил фаолият юритиши учун зарур имкониятлар яратади. Бу эса, бошқарув борасидаги кўпгина вазифаларнинг давлат ҳокимиятига қарам бўлмаган тузилмалар иختиёрига ўтишини кафолатлади.

Конституциямизнинг 11-моддасида ҳуқуқий давлатчиликнинг муҳим шарти бўлмиш ҳокимият тармоқлари бўлинишининг тартиби белгилаб қўйилган: «Ўзбекистон Республикасида давлат ҳокимияти тизими қонун чиқарувчи, ижро этувчи ва суд ҳокимиятларининг бўлиниши тамоилига асосланади».

Мазкур конституциявий тамоил ҳар бир ҳокимият тармоғини мустақил фаолият юритувчи тузилмага айлантириб қолмай, ҳуқуқий давлат куриш жараёнинг асосий тоғаси сифатида ҳам майдонга чикади.

Иккинчи тамоил эса инсон ҳуқуқларини қамраб олади. Инсон ҳуқуқлари, жамият ҳаётидаги турли ижтимоий таъсиirlарга қарамай, озод ва эркин яшашга бўлган

интилишни ифода этади. Зеро, озодлик ва эркинлик — и ж т и м о и й ҳаётнинг туб м о х и я т и н и ташкил этади.

Ана шу тушунчалардан келиб чиқиб, айтиш зарурки, айнан ҳокимият функцияларининг қатъий бўлиниши ҳамда уларнинг мустақил фаолият юритиши, энг муҳими, жамиятда юзага келадиган келишмовчиликлар, баҳс ва тортишувлар фақат ҳуқук ёрдамида ва унинг асосида ҳал этилиши «ҳуқуқий давлат» тушунчасининг асл мөхијитини ифода этади. Яъни, давлат шунинг учун ҳуқуқий давлат ҳисобланадики, унда фақат ҳуқук ҳукмронлик қиласди.

Шу маънода, суд ҳокимияти ҳокимиятлар тизимидаги ўзига хос мавқе ва мақомга эга. Унинг мавқеи ва мақоми жамиятнинг судга бўлган эҳтиёжи билан белгиланади. Келинг, суд қандай ҳокимияти ва у нима учун зарур, деган саволга жавоб излаб кўрайлик.

Судга бўлган эҳтиёж фуқаровий жамиятнинг бюрократияга қарши туриш ҳамда инсон ҳуқуқларини ҳокимиятнинг турли файриқонуний ҳаракатларидан ҳимоя эта оладиган муассасаларни ташкил этиш салоҳияти билан ўлчанади. Суд ҳокимияти, энг аввало, инсон ҳуқуқларини ҳимоя қилиш зарурати туфайли вужудга келади. Шу боис суд ҳокимияти аксарият ҳолларда давлат ўз ҳокимиятини чегаралаш ҳамда ўзини назорат қилишга тайёр бўлган пайтдагина том маънода мустақил ривожланиши мумкин.

Суд тизими алоҳида мустақил ҳокимият тармоғи сифатида шаклланган бўлса-да, унинг тўлақонли фаолият юритиши қонун чиқарувчи ва ижро ҳокимиятлари фаолияти билан бевосита боғлиқ. Улар ўртасидаги мутаносиблик кўйидаги тарзда тартибга солинади:

— қонун чиқарувчи ҳокимият суд тизими шакллантирувчи норматив-ҳуқуқий базани яратади (процессуал



хуқук). Бундан ташқари, қонун чиқарувчи ҳокимият судьяларни (яъни Олий суд судьяларни) сайдайди;

— ижро ҳокимиятининг тегишли идоралари судьялар жамоасини шакллантиришда иштирок этади. Хусусан, мамлакат Президенти нафақат давлат раҳбари, шунингдек, ижро ҳокимиятининг бошлиғи сифатида Ўзбекистон Республикаси Олий судининг тақдимомаси ҳамда Президент хузуридаги судьяларни танлаш ва лавозимларига тавсия этиш бўйича олий малака комиссиясининг тавсиясига биноан вилоятлар, шаҳар ва туман судьяларини тайинлади. У Ўзбекистон Республикаси Олий суди, Олий хўжалик суди ҳамда Конституциявий судининг аъзолари номзодларини сайдаш учун Олий Мажлис сессиясига тақдим этади. Шунингдек, ижро ҳокимияти идоралари судларнинг ўз фаолиятини самарали амалга ошириши учун қонунда кўзда тутилган бошқа ташкилий-молиявий шартшароитларни ҳам яратиб беради. Айни пайтда улар судлар қабул қилган қарорлар ижросини таъминлайди.

Мана шундай мутаносибликни сақлашнинг энг муҳим шарти суд ҳокимияти мустақиллигининг таъминланиши билан бевосита боғлиқ. Хуллас, суднинг мустақил ҳокимият мақомига эга бўлиши доимий равишдаги ижтимоий заруратдир. Зеро, жамиятда айбдорларни, яъни қонунни бузган фуқароларни жазолаш, айrim ҳолларда уларнинг тақдирини қонуний асосда ҳал этиш ваколати факат судлар зиммасига юклатилган.

Шу боис, суд ҳокимиятининг мустақиллигига деярли барча ривожланган ва демократия йўлидан бораётган давлатларда, жумладан бизнинг Ватанимизда ҳам асосий ижтимоий-хуқуқий масала сифатида қаралади. Зеро, бугун мамлакатимизда амалга оширилаетган суд-хуқук ислоҳотларининг пировард мақсади ҳам ушбу ҳокимият тармоғини фуқароларнинг хуқуқ ва эркинликларини қатъий химоя этувчи муассасага айлантиришдан иборатдир.

Шу билан бирга, бу ўринда юртимизда шаклланган суд-хуқук тизимидағи айrim муаммоларни ҳам таъкидлаш лозим, деб ўйлаймиз. Хусусан, бугунги кунда амалда бўлган умумий судларга судьяларни танлаш ва тайинлаш учун тавсия этиш ваколатининг Ўзбекистон Республикаси Олий судига (вилоят судлари ва уларга

тенглаштирилган судларга) берилиши суд ҳокимияти мустақиллигига салбий таъсир этиши мумкин. Негаки, суд мустақиллиги, нафақат яхлит суд идораси бўлмиш суд ҳокимияти мустақиллигини, шу билан бирга, муайян ва аниқ хуқуқий муносабат иштирокчиси бўлмиш судья мустақиллигини ҳам назарда тутади.

Мана шу икки тушунча, яъни суднинг алоҳида ҳокимият сифатида бошқа давлат идоралари ва жамоат ташкилотларидан мустақил бўлиши (умумий), шунингдек, ҳар бир судьянинг ўз ваколатини мустақил амалга ошира олиш кафолати билан таъминланиши (хусусий) — суд тизимининг том маънодаги мустақиллигини ифода этади.

Суд мустақиллигini факат ана шундай тушунмок ва талқин қилмок зарур.

Шундай экан, ҳар бир судья мансаб фаолиятини амалга оширишда ўз раҳбарлари таъсиридан ҳам мустақил бўлиши даркор. Бу талаб Конституциянинг 112-моддасида, жиноят-процессуал ва Фуқаролик-процессуал кодексларида ҳам мустаҳкамлаб қўйилган.

Судьяликка номзодларни танлаш ва тайинлаш учун тавсия этиш ваколатининг Ўзбекистон Республикаси Олий судига, вилоят судлари ва уларга тенглаштирилган судларга берилиши юқори суд идораларига чиқарилган ҳукм ва қарорлар қонунийлигини ҳазорат қилиш ваколатини бериб қолмай, судьяларнинг мансаб тақозосига кўра уларга вертикал-таркибий бўйсуниш тартибининг ўрнатилишига ҳам шароит яратади. Бу эса охир оқибатда жамиятдаги субъектив хуқуқнинг асосий кафолати бўлган суд химоясининг сусайишига олиб келиши мумкин.

Табиийки, барча ҳаёт ҳодисалари каби, суд-хуқук тизими ҳам хумнинг ичига солинган нарса эмас. Бинобарин, уни ҳаёт ва ислоҳот талабларини инобатга олмаган ҳолда, қатъий ва ўзгармас шаклга солиб қўйиб бўлмайди. Бошқача айтганда, суд мустақиллиги биз учун шунчаки мақсад бўлиб қолмаслиги зарур. Балки у жамиятда қонун ва адолат устуворлигига эришишнинг ишончли ва самарали механизмига айланishi лозим.

Ўйлаймизки, бугун юртимизда бу соҳада яратилаетган хуқуқий шартшароитлар ҳамда янги таҳрирда қабул қилинган «Судлар тўғрисида»ги қонун ана шу йўлдаги яна бир салмоқли қадам бўлиб колади.

Бобоқул ТОШЕВ

MUALLIFLIK HUQUQI NIMA?

Қадим-қадимдан хоҳ у оғзаки, хоҳ ёзма тарзда бўлсин, яратилган ҳар бир асар чин ихлос билан қадрланган, ҳар хил тажовузлардан ҳимоя қилинган. Қолаверса, барча соҳадаги муаллифларга алоҳида иззат-икром кўрсатилиб, ҳатто ижод ахлига илоҳий туйғулар соҳиби сифатида қаралган.


Бора-бора ҳуқук тизимида муаллифлик ҳуқуқи деган маҳсус йўналиш пайдо бўлди, шаклланди, ривожланди. Бу соҳа тарихи ва унга риоя этиш борасида олимлар ўртасида турли қарашлар мавжуд. Айримлар муаллифлик ҳуқуқи дастлаб Европа мамлакатларида пайдо бўлган, ўша ерда тараққий этган деса, яна бир гуруҳ мутахассислар муаллифлик ҳуқуқи узоқ ўтмишга бориб тақалади, унинг ривожланишида Шарқ мамлакатларининг алоҳида ўрни бор, деб билади.

Ҳар қандай ёзма асар аввал қўлёзма тарзда яратилади, кейин босма китоб кўрининишини олади. Китоб яратилишининг аҳамияти дунё тарихида моддий маданият қуроллари пайдо бўлишидан кам эмас. Қўлёзма китоб барча замонларда ва барча ҳалқларда, айниска, Марказий Осиёда алоҳида эъзозда бўлган. Буюртма бўйича ёки подшоларга ҳадя сифатида тайёрланган китоб ниҳоятда гўзал қилиб безатилган. Муқовага миниатюра, рангли расм ва нақш чизилган, китоб эгасининг исми шарифи, гоҳо хаттотинг номи, тилаклари битилган. Безакли қўлёзма бир қатор усталар — хаттот, наққош, музахҳиб (зарҳал берувчи), мусаввир ва саҳҳофнинг (саҳифаловчи) ҳамкорликдаги ижодий маҳсули бўлган. XIV-XV асрларда Самарқанд, Ҳирот, Бухоро, Табриз, Шероз шаҳрларида жамоат ва хусусий кутубхоналарда ноёб қўлёзмалар кўп бўлган. Темурйлар даврида хаттот, музахҳиб, наққош,



мусаввир ҳамда саҳҳофларнинг юксак маҳорати безакли кўлёзманинг шу қадар гўзал намуналарини яратдиги, улар ҳанузгача жаҳонни лол қолдириб келади.

ЮНЕСКОнинг китоб ва муаллифлик ҳуқуқи бўлими ходими, профессор Е.И.Герасимовнинг фикрича, муаллифлик ҳуқуқи қадим Шарқ мамлакатларида ноширилик иши билан шугулланиш натижасида юзага чиккан муносабатлар жараённида шаклланган. Китоб чоп этиш-ку асли Хитой ва Кореядга қадим замонларда ёғоч ҳарфларнинг пайдо бўлиши билан бошланган. Лекин, бу усулдан металл ҳарфларга ўтилмагани учун, у ибтидоий ҳолатда қолиб кетилган. Немис мутахассиси И.Гутенберг XV асрда ҳарф босишни ихтиро қилиши натижасида саноат усулида биринчи марта оммавий равишда китоблар чиқарилиши муаллифлик ҳуқукининг пайдо бўлишига замин яратди. Китоб бозорда товар сифатида айирбошланди ва аҳолининг интеллектуал талабини қондиришга хизмат қилди. Дастлаб, асар яратган муаллифнинг ҳуқуқи эмас, балки ки-



батлар натижаси сифатида пайдо бўлган. Муаллифлик хукуки масалалари ҳар хил шархланган. Асосан, жамиятдаги ҳукмрон синф ўзининг эрки-иродасини шу муносабатлар ва ҳукуқларда акс эттирган.

Муаллифлик хукуки фуқаролик хукуки меъёрлари сифатида ривожланиб, қатор давлатларнинг қонунчилигига батағсил акс эттирилган. Киролича Анна ҳукмронлик қилган Англияда муаллифлик хукуки тўгрисида жаҳондаги илк қонун 1709 йили дунёга келди. Бу қонунда муаллиф асарларидан нусха кўчириб кўпайтиришга рухсат бериш ҳукукини олади. Шундан сўнг «Copyright» (нусха олишга рухсат) атамаси пайдо бўлди.

1787 йили АҚШда қабул қилинган Конституцияда интеллектуал мулк масалаларига алоҳида моддалар ажратилган. Шунга асосан, 1790 йили Конгресс ҳариталар, чизмалар ва китоблар ҳимояси ҳақида биринчи федерал қонунни қабул қилди. Бундай қонунчилик келгусида театр асарлари, ашула ва бошқа ижод на муналарига ҳам татбиқ этила бошлади.

Францияда 1791, 1793 йилларда қабул қилинган декретларда муаллиф асарлари «мулкнинг энг муқаддас тури» сифатида тан олинди, муаллиф ҳукуқлари қонуларда мустахкамланди. Француз қонунчилигидаги ўзига хослик шундан иборатки, унда АҚШ қонуларидан фарқли ўларок, муаллифга ўз асаридан бошқалар фойдаланишига рухсат бериш ҳукукигина эмас, балки «шахсий номулкий ҳукуклар»га ҳам кенг ўрин берилди.

Англияning 1709 йили қабул қилинган қонунида асардан рухсатсиз фойдаланиш

тоб чиқараётган ноширнинг ҳукукини ҳимоя қилиш бошланди.

Умуман олганда, муаллифлик ҳукуки интеллектуал мулк маҳсулотлари яратилиши ва ундан фойдаланиш чоғида юзага келадиган муносабатлар ва ҳукуқларда акс эттирган.

Хукуқбузарлик («қароқчилик») деб эълон қилинди. Бу мамлакатда муаллифлик ҳукуки қонунчилиги ривожлантирилиб, 1842 йили янги Муаллифлик ҳукуки қонуни қабул қилинади ва бу қонунда муаллифларнинг ҳукуклари янада кенгайтирилди. Кейинги қонулар 1911, 1956 йилларда қабул қилинган.

XIX асрнинг бошларида Лотин Америкаси мамлакатларида ҳам муаллифлик ҳукукига оид қонунчилик пайдо бўлди ва ривожлантирилди.

Пруссиянинг 1794, 1837, Даниянинг 1741, Испаниянинг 1762, Россиянинг 1830 йиллардаги қонунлари муаллифлик ҳукукини нафақат бир давлат ҳудудида, балки бутун дунёда ҳимоя қилишга қартилган эди. Муаллифлик ҳукукини ҳалқаро миқёсда ҳимоя қилиш тизими сифатида буюк адаб Виктор Гюгонинг ташаббуси билан 1886 йили кўп томонлама Берн Конвенцияси ташкил топди. Оқибатда дунёнинг кўпгина Конвенцияга аъзо давлатларида муаллифлик ҳукуклари бир хilda ҳимоя остига олинди.

Ўзбекистон Республикасида ҳам муаллифлик ҳукукининг ўзига хос тарихи мавжуд. Қадимда шоирлар, рассомлар, ўймакорлар, достончилар ва бошқаларнинг шаъни, қадр-қиммати, улар яратган асарлар маънавий бойлик сифатида ҳимоя қилинган, муаллифлар эса рағбатлантирилган. Илгари муаллифлик ҳукуки шариат меъёрлари асосида ҳимояланган бўлиб, яратилган асарларнинг дахлсизлиги таъминланган.

Одат меъёрлари асосида ҳимояланган, аждодларимиз томонидан яратилган фан, адабиёт, санъат асарлари шу кунларгача етиб келди ва инсоният учун ҳамон хизмат қилмоқда. Айниқса, Соҳибқирон Амир Темур ва бошқа темурийзодалар ҳукмронлик даврида муаллифлик масалаларига катта эътибор берилган. Соҳибқирон ҳазратлари беш тушунча: Оллоҳ, тафаккур, қилич, иймон ва китобни қудрат таянчи ҳисоблаган.

Ёзув ва китоб туфайли дунёвий ва ухровий (охирада кечадиган) ҳаёт ҳақидағи илму донишнинг турли жабхаларида ва ижтимоий турмуш соҳасида жамғарилган бебаҳо маънавий бойликлар кекса авлоднинг оламдан ўтиши билан ном-нишонсиз йўқолиб кетмай, улардан келажак

авлодларни ҳам баҳраманд қилиш имконияти туғилди, узлуксиз маданий юксалиш учун замин яратилди. Саройларда олиму фузало, адабу шуаро, уламою ғақиҳлардан иборат илмий-адабий мұхит таркиб топган, яратувчанлик, бунёдкорлик ва ижодкорлик фаолияти түрли йүллар билан рағбатлантирилған. Одамлар рөвий (ривоятчи), ноқыл (нақлчи) ва қиссанхонлар хизматидан доимо баҳраманд бўлғанлар.

Маълумки, муаллифлик ҳуқуқи инсон ҳукуқларининг ажралмас қисми ҳисобланади. Ўзбекистон Республикаси Конституциясининг 29-моддасида: «Ҳар ким фикрлаш, сўз ва эътиқод эркинлиги ҳуқуқига эга» дейилади. Ҳалқаро ҳужжатлардан «Инсон ҳукуқлари Умумжаҳон Декларацияси» (18-19-моддалари), «Фуқаролик ва сиёсий ҳукуқлар тўғрисидаги Ҳалқаро Пакт» (18-19-моддалари) ва бошқаларда муаллифлик ҳуқуқи масалаларига алоҳида эътибор берилған. Ҳусусан, «Инсон ҳукуқлари Умумжаҳон Декларацияси»-нинг 27-моддасида «Ҳар бир инсон жамиятнинг маданий ҳаётида эркин иштирок этиш ва унинг самараларидан фойдаланиш ҳукуқига эга» дейилган.

Ижод эркинлиги илмий тадқиқотлар ўтказиш, илмий ихтиролар яратиш, адабиёт ва санъатда янги асарлар ижод этиш асосида амалга оширилади. Давлат эса муаллифларнинг бosh ҳомийси сифатида жамиятнинг маданий, илмий ва техникаий ривожланишига замонхўрлик қиласи.

1956 йили 35 давлат вакиллари иштирок этган ҳалқаро муаллифлар ва бастакорлар Конфедерацияси (СИЗАК) томонидан қабул қилинган Хартияда бундай дейилади: «Адабиёт, санъат, бадиий ва илмий асарларнинг муаллифлари жамиятда шундай маънавий ва интеллектуал мавқега эгаки, улар инсониятнинг умумий манфаатлари олдида жавобгар ва цивилизациянинг ривожланишида ҳал қилувчи куч ҳисобланади. Давлатлар муаллифга шахсий ютуқларининг эмас, балки умуминсоний қадриятлар яратишдаги манбаатларни ҳам ҳисобга олган ҳолда янада кенгроқ ҳимоя яратishi лозим. Ҳар қандай давлат миллий қонунчилиги тизимини шакллантираётгандаги муаллифлик ҳукуқига оид юқоридаги ҳукуқий-сиё-

сий меъёрларни қонуний меъёрлар билан уйғунлаشتirmaғи даркор».

Шунга кўра ҳам, ҳар қандай давлатда муаллифлик ҳуқуқи ҳимоясининг мустахкам тизими яратилмоғи лозим. Давлат томонидан муаллифлик ҳуқуқи ҳимоясининг қонунчилиқда Рим ҳуқуқи, Англо-саксония ва шўро қонунчилигига асосланган 3 турдаги тизими мавжуд эди.

Жаҳонда XX асрнинг 90-йилларида йирик ҳалқаро сиёсий ўзгариш юз берди — социалистик тузум емирилди. Натижада муаллифлик ҳуқуқи қонунчилиги мажмусида «социалистик тизими» ҳам ўз таъсир доирасини йўқотди. Ҳусусан, Ўзбекистон Республикасининг «Давлат мустақиллиги асослари тўғрисида»ги 1991 йил 31 августида қабул қилинган Қонуни республикамида мавжуд социалистик мағкурага асосланган қонунчилик тизимини парчалаб ташлади. Жўмладан, муаллифлик ҳукуқига оид янги, мустақил, ҳалқаро ҳуқуқ меъёрларига асосланган қонунчилик замини яратилди.

Мустақиллик йилларида янги «Фуқаролик Кодекси»нинг қабул қилиниши Ўзбекистонда муаллифлик ҳуқуқи қонунчилиги ривожланишининг янги босқичи билан бошланди. Кодекс меъёрлари муаллифлик ҳукуқига оид муносабатларни тартибга солиб, муаллифларимиз ҳукуқларини бутун жаҳонда ҳимоя қилишга қаратилған. Шунингдек, қонунчилик меъёрлари хорижий муаллифларнинг ҳам ҳукуқларини мамлакатимиз ичкарисида ҳимоя қилиш кафолатини беради.

1996 йил 30 августида Ўзбекистон Республикасининг «Муаллифлик ҳуқуқи ва турдош ҳукуклар тўғрисида»ги Қонуни қабул қилинди. Унда муаллифларнинг шахсий номулкий ва мулкий ҳукуқларини ҳимоя қилиш, асарларидан фойдаланиш тартиби ва бошқа шу каби бир қанча мухим қоидалар белгиланган. Республикамиздаги муаллифлик ҳукуқига оид мавжуд қонунчилик инсоният мулки ҳисобланган ҳар қандай асарни ҳимоя қилиш, уларнинг дахлсизлигини таъминлаш инсоният тафаккурини бойитишга хизмат қиласи.

Бироқ ақлий-ижодий тараққиёт қанча кучайса, муаллифлик ҳукуқларини ҳимоя қилишга қаратилған қонунчиликни такомиллаштириш эҳтиёжи ҳам шунча ортиб боради.




3

1. "Илҳом париси".
2. "Ал-Фарғоний".
3. "Сабъаи сайёр".
4. "Абу Али ибн Сино".
5. "Баҳор".
6. Шарқшунослик институтидаги деворий сурат.

1

2

4



Чиниз Аҳмаров ~ 90


Чингиз Аҳмаров — XX аср Ўзбекистон тасвирий санъати тарихида ўчмас из қолдирган буюк мусаввир.

У монументал тасвирий санъат йўналишига асос солибгина қолмай, қадими миниатюра жанрининг қайта тикланиши, бугун етук санъаткор дарајасига кўтарилиган кўплаб мусаввирларнинг вояга етишига ҳам бекиёс ҳисса қўшган.

Тасвирий санъатда халқиллик, ватанпарварлик рухини қарор топтириш, монументал ва миниатюра санъатида асрий анъаналаримизни тиклаш ҳамда ривожлантиришдаги хизматлари эвазига устоз мусаввир 2001 йили "Буюк хизматлари учун" ордени билан тақдирланди.

Рафаэль ТОҚТОШ,
Ўзбекистон Бадий
академияси фахрий аъзоси

6



Баҳодир ЗОКИР

UMRZOQLIKNING**CHORASI BORMI?**

Мен Самарқанд, Бухоро ёки Хева каби қадимий шаҳарларимизга йўлим тушганда ҳар гал бир хил манзарага дуч келаман: бундаги оламга машҳур обидаларни зиёрат қилиш учун дунёнинг турли чеккаларидан ташриф буюрган сайёхлар орасида қора кўзойнак тақиб олган, ёши саксонтўқсонни қоралаб қолган бардам, чайир чолу кампирларни учратаман. Тавба, шунча ёшга етганда олис ўлкаларга саёҳат қилиш шартмикан, деган фикр кўнглимдан ўтса-да, барибир уларга ҳавас қиласман. Демак, тани-жони соғ, белида куч-куввати бор эканки, олис ўлкалар ихтиёр этади. Қизиқ, нима учун бизнинг қарияларимиз орасида сайру саёҳат урф бўлмаган? Нима сабабдан улар бу қадар камҳаракат? Нима, уларнинг бошқалардан кам жойи борми? Аммо ҳарчанд уринмайин Лондон, Париж ёки Токиода сайр қилиб юрган ўзбек отахони ёки онахонини кўз олдимга келтира олмайман.

Тўғри, мустақилликка эришганимиздан кейин кўплаб отахон-онахонларимиз учун Оллоҳ манзили — муқаддас Макка ва Мадина га ҳаж қилиш яна анъянага айланди. Аммо ҳажнинг йўриғи ҳам, ундан кўзланган мақсад ҳам бошқа. Қолаверса, инсон фақат еб-ичиш, фарзандли бўлиш, уй куриш, тўю томоша қилиш ёки тоат-ибодат учун дунёга келмайди. Назаримда, инсон ўзини англаши, ватани, миллати, кўхна анъяналарини қадрлаши учун бошқа халқлар маданияти ва қадриятлари билан яқиндан танишмоғи лозим. Албатта, бунга бадиий адабиёт, санъат орқали ҳам қисман эришиш мумкин. Лекин ўз кўзи билан кўриб келганга нима етсин! Дарвоҷе, узоқ юртларга сафарга бориш учун хоҳишнинг ўзи камлик қиласди. Бунинг учун, аввало, кармонда етарлича ақчангиз бўлиши керак. Аммо, энг муҳими, руҳингиз енгил, танингиз соғ бўлмоғи даркор.

Маълумки, кейинги вақтда оммавий ахборот воситаларида “геронтология” деган сўз тез-тез тилга олинадиган бўлиб қолди. Айниқса, мамлакатимизда 2002 йил — Қарияларни қадрлаш йили деб эълон қилингани геронтология масалаларига диққат-эътиборни янада кучайтирди.

Хўш, геронтологиянинг ўзи нима? Унинг илмий-фалсафий моҳияти нималардан иборат? “Геронтология” (юнонча: gerontos — қария ва logos — фан) — жонли мавжудот, жумладан, инсоннинг қариш жараёнини тадқиқ этувчи фан соҳаси. Ҳозирги вақтда унинг ўнлаб йўналишлари мавжуд.

Гериатрия (қариган жисм касалликларининг хусусиятлари ҳақидаги таълимот), **герогигиена** (кatta ёшдаги кишиларнинг гигиенаси ҳақидаги таълимот), **ижтимоий геронтология** (қариш жараёнининг демографик, ижтимоий-иқтисодий, диний ва бошқа жиҳатлари билан бοғлиқ муаммоларни ўрганувчи йўналиш), **геронтопсихология** (кекса ёшдаги кишилар руҳиятини умум-психологик воситалар, усууллар ёрдамида тадқиқ этувчи йўналиш) шулар жумласидандир.

Геронтология тарихига бир назар

Мана, инсоннинг ҳаёт йўли: йигирма ёшда – товус, ўттизда – шер, қирқда – туя, элликда – илон, олтмишда – ит, етмишда – маймун, саксонда – ҳеч нима.

Бальтасар Грасиан

Инсон ҳаётининг мазмуни, уни белгиловчи омиллар, умброқийлик масаласи азалдан буюк алломаларни қизиқтириб келган. Мелоддан олдинги V-IV асрларда яшаб ижод этган эфеслик (*Юнонистондаги шаҳар* – **Б.З.**) Гераклитнинг “Борликдаги барча жисмлар тинимсиз ҳаракатда намоён бўлади, ҳамма нарса оқади, ўзгаради” деган фоясида ҳаётнинг моҳияти тараққиёт, ўзгириш, борлик ривожи тўғрисидаги таълимотга асосланиши ифодаланган. Шундай экан, нима сабабдан тўхтовсиз ривожланиш, тараққиёт, ҳаётнинг мукаммаллашуви жараёнида унга тамоман қарама-қарши – қариш, емирилиш ҳодисаси рўй беради?

Мазкур ҳодисанинг фалсафий моҳияти, унинг асосий сабаблари илк бор буюк юонон алломаси Арастунинг энтелехия (ҳаётий куч) ҳақидаги таълимотида ўз ифодасини топган. Файласуфнинг назарида, қаришнинг сабаби қарама-қарши ҳодисалар – ҳаёт (ривожланиш ва тараққиёт), ўлим (қариш, емирилиш) ўртасидаги курашда намоён бўлади. Ҳар бир тирик мавжудотга хос “ҳаётний куч”, чеклангани боис, вақт ўтиши билан таъсирини йўқотади. Эътиборли жиҳати шундаки, орадан неча минг йиллар ўтган бўлса-да, Арастунинг ана шу фояси замонавий геронтологик назариялар (хусусан, инсон жисми машина сингари емирилиши ҳақидаги концепциялар ёки емирилишнинг муайян омилларини, хусусан, ген, фермент, тўқима, ҳужайра ва ҳ.к.) излаб топишга уринаётган олимлар учун фоявий асос бўлиб хизмат қилмоқда.

Юон файласуфи Эпикур, римлик аллома Лукреций Карнинг умброқийлик масаласига оид қарашларида моддиюнча ёндашувнинг гувоҳи бўламиз. Масалан, Эпикурнинг назарида, ривожланиш жараёни секинлашуви оқибатида атомларга бўлинниб кетган жисм ҳис этиш қобилиятидан маҳрум бўлади ва шу боис ҳаёт интиҳоси биз учун аҳамиятсизdir. Лукреций эса қариялар ёшларга ўрин бўшатиб беришини ижобий ҳодиса сифатида баҳолаб,



«Оллоҳ умрингизга барака берсин!»

(Марк Туллий Цецерон. М., 1975 йил, 384–385-бетлар). Лекин шу асарнинг бошқа бир жойида муаллиф “Умброкийлик инсонга насиб этмаган экан, у табиат қонуниятлариға биноан ўз вақтида сўнгани маъқул, зеро, қариллик — ҳаёт саҳнасидаги сўнгги фожиадир”, дейди.

Үйғониш давридан бошлаб насронийлик динининг ўлим, умброкийлик ҳамда “қайта тирилиш” мўъжизаси ҳақидаги ақидалариға қақшатқич зарба берган рационалистик foялар майдонга чиқсан. Хусусан, немис мумтоз фалсафасининг кўзга кўринган вакиллари Фихте, Кант ва Гегелнинг фалсафий қарашларида мазкур муаммо маънавий-рухий жиҳатдан теран таҳлил этилган. Масалан, Кантнинг фикрича, борлиқнинг интиҳоси ҳақидаги фоя моддийликка эмас, ахлоқий-маънавий ва руҳий тамойилларга таянади. Аммо Хасрда яшаб ижод этган буюк бобокалонимиз Абу Али ибн Сино бу фояни немис файласуфларидан анча илгарироқ асослаб берган эди. Алломанинг руҳнинг жисмдан ажралганидан кейин мустақил яшashi ва абадийлиги ҳақидаги таълимотида бу фоя ўз ифодасини топган. Айниқса, буюк аждодимизнинг “Тиб қонунлари” асарида турли ёшдаги кишилар учун жисмоний машғулот, массаж (үқалаш), овқатланиш ва ухлаш тартиби ҳақида қимматли тавсиялар берилганини назарда тутиб, уни геронтология фанининг отаси дейишга ҳақлимиз.

XVIII асрнинг иккинчи ярми ва XIX асрда рационализмга қарама-қарши янги оқим — иррационал (файримантиқий) йўналиш вужудга келади. Мазкур йўналишга хос ҳаётнинг мазмун-моҳияти ва умзоқлик масаласини ифодалашдаги тушкунлик кайфияти А.Шопенгауэр, Э.Гартман, Ф.Ницше каби файласуфлар қарашларида яққол намоён бўлади. Чунончи, А.Шопенгауэр назарида, ҳаётнинг интиҳоси иррационал, ўта мавҳум асосда (буни у “ирода” деб атайди) акс этади. Э.Гартман ва Ф.Ницше эса ҳаётнинг мантиқсизлигига келишувчанлик билан ёндашиш лозимлигини таъкидлаган. Шу боис ҳаёт интиҳосини улар табиий жараён эмас, “жисм ва руҳнинг бир доира ичиди абадий айланishi” дея баҳолайди. Бундай ёндашувни кейинроқ экзистенциализм таълимоти асосчилари М.Хайдеггер, Ж.П.Сартр, А.Камю каби алломалар янада ривожлантирган.

Хуллас, ижтимоий-фалсафий фикрнинг бир неча минг йиллик тараққиёти давомида турли-туман ёндашув ва фоялар илгари сурилган бўлса-да,

емирилиш жараёнининг муқаррарлиги ва табиийлигини таъкидлайди.

Римлик машҳур нотиқ ва файла-суф Цицерон ҳам мазкур масала борасида ўз қарашларини баён этган. У “Тускула сұхбатлари”нинг биринчи китоби — “Үлимга нафрат” асарида инсон жисмининг емирилиши асрий ёвузлик экани ҳамда руҳнинг абадийлиги ҳақидаги гояни асослашга уринган. “Катта Катон ёки қариллик тўғрисида” диалогида бу хусусда шундай дейди: “Агар инсон руҳнинг абадийлигига ишониб хато қилаётган бўлсам, мен шуну хоҳлайман ва тирик эканман, бу хатомдан маҳрум этишларини истамас эдим”

ҳаётнинг мазмун-моҳияти, ибтидоси ва интиҳоси масаласининг тугал ечи-ми излаб топилмаган. Эҳтимол, бу ҳол табиат ва унинг энг буюк мўъжизаси — инсоннинг мураккаблиги ҳамда мукаммаллиги билан боғлик бўлса ажаб эмас. Ҳар ҳолда, бу борада изланишлар бугунги кунда ҳам давом эттирилмоқда.

Хўш, файласуфлар ана шу азалий масала юзасидан мавхум жавоб берагетган экан, бу борада табиатшунос олимларнинг нуқтаи назари қандай?

Умрзоқликнинг табиий омиллари

Умрзоқлик масаласига бир оз бўлса-да ойдинлик киритиш учун, аввало, қариш жараёнининг моҳиятини англаб олиш лозим. Айтиш мумкинки, бу борада ўнлаб концепциялар, бир қанча жиддий назариялар яратилган. Камтarona бир мақола доирасида уларнинг ҳар бири тўғрисида тўхталиш имкони йўқ. Фақат мазкур назариялардан келиб чикадиган умумий хулосаларга таянган ҳолда бу ҳодисанинг кўйидаги учта сабабини эътироф этиш мумкин:

1. Табиатдаги барча нарсалар емирилгани, қаригани каби тирик мавжудот ҳам шу қонуниятга бўйсунади.

2. Инсон жисми вақти-соати келиб янгиланиш, қайта тикланиш қобилиятини йўқотади. Ушбу қобилият инсон умрининг биринчи (ёшлик) ва иккинчи (етуклик) даврида яққол намоён бўлса, учинчи (кексалик) босқичида астасекин сўниб боради.

3. Инсон танасининг емирилиши ва қаришига сабаб бўладиган жараёнларнинг тезлашуви.

Энди ана шу сабабларнинг ҳар бири хусусида қисқача тўхталиб ўтамиз.

“Тажовузкор” молекула

Маълумки, “емирилиш”, “қариш” деган тушунчалар ҳам жонсиз, ҳам жонли мавжудотларга нисбатан қўлланади. Яъни, табиатдаги барча жисмлар емирилиш ва қаришга маҳкум. Агар табиатшуносдан “Емирилиш ва қариш деганда нималарни тушунмоғимиз керак?” деб сўрасангиз, у бамайлихотир, “Бу — энтропия (тизим ва жисмлардаги тартибсизлик — **Б.З.**) жараённинг кучайиши” дея жавоб берган бўлар эди. Соддороқ килиб айтганда, бу жараён инсон генларида кўплаб жароҳатлар ҳосил бўлиши ёки улар фаолиятининг издан чиқиши, бузилиши билан белгиланади. Ушбу жараёнда айниқса эркин радикалларнинг салбий таъсири бир қатор биокимёвий ва тиббий изланишлар орқали асослаб берилган. Маълум бўлишича, инсон танасидаги модда алмашинув жараённида ҳосил бўладиган бу каби ўта хавфли хужайралар, боғланмаган электронга эга бўлгани сабабли, тўқималардаги турли моддалар билан қоришиб, уларни емиради (яъни, тўқимадаги ишқорланишни кучайтиради). Шу соҳа олимларининг эътироф этишича, эркин радикаллар инсон умрини бир неча ўн йилларга қисқартирадиган асосий омиллардан бири экан. Бундан ташқари, саратон, юрак-қон томири касалликлари ва бошқа бир қанча хасталикларнинг пайдо бўлиши ҳам ана шу “тажовузкор” молекула фаолияти билан боғлик экани исботланган.

Инсон танасининг емирилишига сабаб бўладиган яна бир омил — тўқима хужайраларининг бир-бири билан тулашиб кетиши оқибатида организмда муҳим вазифаларни бажарадиган хужайралар фаолиятининг бузилишидир. Қолаверса, мазкур жараённинг тезлашуви яна бошқа бир талай, масалан,

радиация, кислород етишмовчилиги, танада заарли моддаларнинг тўпланиб қолиши каби омиллар таъсирида ҳам рўй беради. Бу ўринда шуни таъкидлаш жоизки, инсон танасида ана шу салбий омиллар таъсирини бартараф этадиган, тўқима жароҳатларини тузатадиган ўзига хос таъмирлаш “устахона”си мавжуд. Аммо вақт ўтиши билан у ҳам қисман ёки бутунлай “ишламай” қўяди.

“Таъмирлаш” тизими нима сабабдан ишдан чиқади?

Инсон тўқималарининг ажойиб хусусияти шундан иборатки, умрнинг биринчи бўлагида унда тез бўлинувчанлик, яъни янгиланиш қобилияти яққол намоён бўлади. Бу даврда инсон танасига қандай жароҳатлар етказилмасин, қандай салбий омиллар таъсир этмасин, агарда тўқималар тез-тез янгиланиб турса, тана ёш ва соғлом бўлиб қолаверади. Аммо маълум даврдан бошлаб тўқималарнинг янгиланиш хусусияти сусайиб боради ва кейинроқ бутунлай тўхташи сабабли ҳалокат юз беради. Хўш, нима сабабдан шундай бўлади? Бу жараённинг моҳияти нимадан иборат?

Аввало, табиатдаги барча ҳодиса ва жисмлар муайян тизимлардан ташкил топшини кўз олдимизга келтирайлик. Масалан, атом ядро (ўзак) ва электрондан иборат, атомлар йиғиндиси молекулалардан, куёш тизими эса сайдералардан ташкил топган ва ҳоқазо. Шу билан бирга, барча тизимлар бир-бири билан кескин рақобатда намоён бўлади. Пухтароқ, чидамлироқ тизим яшаб қолади, чидамсиз ва мўртлари эса емирилади ҳамда бошқа нисбатан чидамлироқ тизимнинг шаклланишига замин яратади. Шу тариқа бу жараён тўхтовсиз рақобат шароитида табиий муҳитга энг мослашувчан — жонли организмларнинг вужудга келишигача давом этади. Тирик мавжудотлар эса бир талай имтиёзли жиҳатларга эга. Улардан энг муҳими — атроф-муҳитга бошқа мавжудотларга қараганда яхшироқ ва тезроқ мослаша олиш қобилияти.

Демак, тирик мавжудот олдида турган асосий муаммо — ўзгарувчан атроф-муҳит шароитига мослашиш зарурати. Хўш, бунга қандай қилиб эришиш мумкин? Табиат жинсий кўпайиш механизми орқали масаланинг узилкесил ечимини яратган. Маълумки, ҳар бир тирик мавжудот минглаб хусусиятларга эга. Мавжудотлар тизимида ушбу хусусиятнинг ўзгармаслиги барчасининг ҳалокатига сабаб бўлиши мумкин. Аммо жинсий чатишув орқали минглаб хусусиятларнинг қоришуби оқибатида чексиз белги ва хусусиятларга эга ўзига хос “жонли масса”нинг мавжудлиги барча жонли мавжудотларнинг янгиланиб туриши ва яшовчанигининг асосий омили ҳисобланади. Шу боис атроф-муҳит қай тарзда ўзгармасин, танадаги ҳужайра-лар орасидан авлодни давом эттириш учун лоақал битта ҳаётбахш молекула топилиди. Демак, табиий бўлинеш жараённида шундай мавжудотлар яратилиши лозимки, улар нафақат соғлом, шу билан бирга, сермаҳсул, серпушт ҳам бўлиши шарт. Бу ҳол уларнинг тур сифатида боқий яшаб қолишида асосий омил бўлиб хизмат қиласди.

Тўқималарни янгилаш мумкинми?

XIX асрнинг охири ва XX асрнинг биринчи ярмида генетика ҳамда био-кимё соҳасидаги мутахассислар орасида ДНК молекуласи тўқималарнинг бўлинishi жараённида худди ўзига ўҳшаган молекулани яратади, деган ху-

лоса ҳукмрон бўлган. Аммо кейинги йилларда амалга оширилган изланишлар бу жараён бир оз бошқачароқ кечишини кўрсатди. Яъни, бўлиниш жарайёнида молекуланинг думи узилиб қолиши сабабли у борган сари кичрайиб, охир-оқибат ўз вазифасини бажаролмай қолар экан. Маълум бўлишича, хромосомалар дум қисмида жойлашган ўзига хос пойнак (фандада у “теломер” деб ном олган) ёрдамида ҳимояланар экан. Тўқиманинг ҳар бир бўлинишидан кейин у қисқариб, кейинроқ бутунлай йўқ бўлиб кетар ва шундан кейин тўқима янгиланиш хусусиятидан маҳрум бўлар экан. Олимларнинг фикрича, мазкур пойнактирик жисмлар емирилишининг ўзига хос биологик соати вазифасини ўтайди.

Демак, ушбу муаммонинг ҳал этилиши организм емирилишини тўхта-түвчи ҳамда канцерогенезага (масалан, рак тўқималарининг ҳосил бўлишига) қарши самарали воситалар яратиш имконини бериши мумкин. Жаҳондаги кўплаб илмий лабораторияларда ана шу масала хусусида жиддий изланишлар олиб борилмоқда. Натижалар ҳам чакки эмас. Масалан, Калифорнияда жойлашган “Гeron” ирсий-технологик фирмасида ишлайдиган бир гурӯҳ олимлар ген мұхандислиги усуулларидан фойдаланиб, тўқимага тело-мероза ферментини киритиш орқали бояги пойнакнинг узайишига эришган. Бу — бўлиниш жараёнини икки баробар кўпайтириш, оддийроқ қилиб айтганда, тўқиманинг “умри”ни икки баробар ошириш дегани. Агар тирик тўқима 50—59 марта бўлиниш хусусиятига эга бўлса, “Гeron” тажрибасида бу ҳол 100 марта рўй беради. Тахминларга кўра, ушбу тажрибалар организм емирилишини тўхтатиш масаласини тўлик ҳал этмаса-да, аммо улар орқали инсон умрини анчагина узайтириши мумкин бўлган “халоскор” дорини яратиш эҳтимоли катта.

Қолаверса, миллион йиллар аввал ҳосил бўлган илк молекулалар тез емирилиб, “қарип” қолаверган. Аммо, аста-секин табиий танлов жараёнида ҳимоя воситасига эга бўлган молекулалар ҳам шаклланган. Бу мисол яна бир бор тирик организмнинг емирилишдан ҳимояланиши мумкинлигидан далолат беради. Аммо репродуктив (авлод қолдириш) вазифасини адо этиши билан ўша заҳоти организмнинг тез емирилишига сабаб бўладиган механизмларнинг ишга солиниши ҳақида илмий маълумотлар ҳам кўпаймоқда.

Машҳур жарроҳ, академик Н.Амосов назарида, бу ҳол инсон генларига салбий таъсир этувчи омилларнинг кучайиши билан боғлиқ. Ана шу омиллар инсон танасида кечадиган кимёвий реакцияларнинг, хусусан, оқсил моддаси синтезининг секинлашувига сабаб бўлади. Натижада инсон танасидаги турли тўқима ва аъзоларнинг емирилиши кузатилади. Даҳшатлиси шундаки, бу жараён тоғ кўйкисининг тўсатдан шиддат билан ёпирилиб келиши сингари рўй беради. Яъни, хасталанган бир тўқима ёки аъзо иккинчисини, у



ўз навбатида, учинчисини жароҳатлайди. Мазкур жараён, айниқса, кекса ёшдаги кишиларда хавфли тус олиши мумкин, чунки уларда ҳимоя воситаси-нинг, масалан, микроорганизм ёки ўсмаларга қарши иммунитет табиий равишда сусайган бўлади (Н.Амосов. "Книга о счастье и несчастиях". М., 1984, 150-бет).

Бу хусусда табиатшунос олимлар томонидан бир-биридан қизиқ фикр-мулоҳазалар ҳам илгари сурилмоқда.

Организм емирилишининг давоси борми?

Мазкур фикр-мулоҳазалар табиат тирик мавжудотни муайян репродуктив ёшга етказиб, сўнг у ҳақда "фамхўрлик" қилмай қўяди деган foяга таянади. Аммо бу ҳол емирилиш ёки қаришнинг муқаррарлигидан далолат бермайди. Масалан, табиатда абадий яшайдиган тўқималар мавжудлиги бунга мисол бўла олади. Саратон касаллигини қўзгатувчи хужайралар, айрим бактериялар, қон, эпидермик, ошқозон эпителий тўқималари шулар жумласидандир. Тўқима ҳам гап бўлибдими! Уммонларда гидра, актиния сингари бутун бошли "ўлмас" жониворларни учратиш мумкин. Уларни том маънода "қариш" нималигини билмайдиган умрбокийлик тимсоли деса бўлади. Колаверса, яқинда "Timeslot" деб номланган илмий-оммабоп фильмда медузаларнинг умрбокий тури кашф этилгани хусусида маълум қилинган эди. Бу каби мисоллардан яна бир қанчасини келтиришимиз мумкин. Мазкур мисоллар навқиронлик, умрзоклик табиат қонуниятларига зид эмаслигидан далолат беради.

Хуллас, инсон узоқ умр кўриш иложи йўқлигидан эмас, балки табиат шуни мақсадга мувофиқ этиб белгилагани сабабли нобуд бўлади. Аслида инсон тирик мавжудотнинг бир тури сифатида ўлмасдир. Чунки табиий танлов ҳар бир тирик мавжудотни эмас, инсоннинг тур сифатида яшовчанигини таъмин этувчи белгиларнигина танлаб олади, мустахкамлайди. Яъни, турнинг айрим вакиллари емирилиш ва ўлимга маҳкум этилган бўлса-да, унинг ўзи боқийдир. Зоро, инсоният пайдо бўлганидан бўён қанча-қанча ҳалқлар, миллатлар, элатлар дунёга келиб кетган, аммо "Homo Sapiens" тур сифатида неча минг йиллардан бўён яшаб келмоқда.

Демак, қариш ва ўлим — муқаррар эмас экан-да! Бу хусусда рус олими, Физика-кимё биологияси илмий тадқиқот институтининг директори, академик В.Скулачёв шундай дейди: "Аввало, ҳар бир тирик мавжудот учун ўлим муқаррар эмаслигини таъкидламоқчиман. Масалан, бактерия лаборатория шароитида исталганча яшashi мумкин. Рак тўқималари пробиркада юз йилдан зиёд вақтдан бўён яшаб келмоқда. Бундай ҳолларга ўсимлик оламида ҳам дуч келиш мумкин. Масалан, муртчалар ёрдамида кўпайтириладиган қулуңпай ҳам маълум маънода "боқий"дир ("Наука и жизнь", 2002 йил, 6-сон, 42–46-бетлар). Шундай экан, нима учун инсон тўқималари ўлиши керак?! Ҳамма гап шундаки, бу ҳол улар қариб қолганидангина рўй бермайди. Маълум бўлишича, улар ўзини ўзи "нобуд" этар экан. Биз учун қанчалик ҳайратланарли бўлмасин, инсон тўқимасининг нобуд бўлиши ўсимликдаги кузги хазонрез, итбалик думининг йўқ бўлиши каби олдиндан белгилаб кўйилган.

Илмнинг янги йўналиши — тўқимавий емирилиш биологияси вакилларининг таъкидлашича, тўқима қариганидан эмас, атрофидаги тўқималарга хавф тугдирган ёки уларга кераксиз бўлиб қолган пайтдагина нобуд бўлар экан. Бошқача айтганда, тўқима ундаги жараёнлар бир маромда кечаетга-

ни ҳақида маълумот олиб турса, нормал фаолият юритади, аммо жиддий нуқсонлар пайдо бўлиши билан ўзини ўзи нобуд қилиш ҳақида “буйруқ” олади. Ҳайратланарлisisи шундаки, илмий изланишлар натижасида ана шу “буйруқ” учун “масъул” бўлган оқсил моддаси аниқланган ва у “**р66**” деб номланган. Профессор П.Пелииччи раҳбарлигидаги бир гурӯҳ америкалик ва италиялик олимлар сичқонларда ўтказган тажрибада айни шу оқсил моддасининг ҳосил бўлиши учун жавобгар генни таъсирсизлантириб, жониворлар умрининг 30 фоиз узайишига эришган.

Канадалик бир гурӯҳ биологлар эса танасида атиги мингта тўқимаси бўлган чувалчангнинг иккита генини таъсирсизлантирганда улар баробар кўпроқ умр кўриши исботланган. Бундай илмий натижаларга дуч келган ҳар бир одам ҳайратланиши табиий. Бу борада шундай ажойиб қашфиётлар бўлса-ю, инсон улардан бебахра қолса?! Албатта, бу каби изланишлар инсон умрини узайтириш йўлида қўйилган жиддий қадамлар. Аммо шуни ҳам эътиборга олиш керакки, инсон табиат томонидан яралган энг мукаммал, ўта мураккаб ва сирли хилқатки, унинг битта, иккита ва ҳатто юзта генини таъсирсизлантириб (*инсон танасида бир неча триллион тўқима мавжуд — **Б.3.***) ҳам умрини узайтириш амримаҳол. Шу боис умрзоклик масаласини биргина “мўъжизакор” таблетка ёрдамида ҳал этиб бўлмаса керак. Бунга фақат инқилобий қашфиётлар, туб ўзгаришлар туфайлигина эришиш мумкин деб ўйлаймиз. Ҳар ҳолда, шу соҳа олимларининг аксарияти мазкур муаммонинг оқилона ечимини излаб топиш учун ҳали жуда кўп жиддий тадқиқотларни амалга ошириш лозимлигини эътироф этмоқда. Зоро, мавжуд илмий маълумотлар шундан далолат берадики, инсоннинг саломатлиги, умрининг узоқлиги генгагина боғлиқ эмас.

Инсон ҳаётига глобал тажовуз

Неолит даврида, яъни бундан уч-тўрт минг йил илгари яшаган кишиларнинг умри 25 ёшдан ошмаган. Қадимги Юнонистон, Рим, Миср ва бошқа ўлкаларда ҳам у 30 ёш атрофида бўлган. XIX асрга келиб бу кўрсаткич 34 ёшга етган. Аммо XX асрнинг иккинчи ярмида мўъжиза рўй берди — инсон умри икки баробар узайди. Бу инсоният ҳаётидаги оламшумул воеқа эди. Ҳазилакам гапми, ахир, қарийб беш минг йил давомида умрнинг узоқлиги деярли ўзгармаса-ю, бор-йўғи 50 йил ичida у шундай даражага етса?! Албатта, бу ҳол ўтган асрдаги илмий-техникавий тараққиёт, айниқса, тиббиёт соҳасида эришилган улкан ютуклар билан боғлиқ экани шубҳасиз. Хўш, вазият шу тариқа давом этса, у ёғи нима бўлади, деган савол ўша вақтда аксарият кишиларни ўйлантириб қўйган эди. Аммо геронтологияга оид тадқиқотлар натижаларига кўра, умрнинг узайишига асосан болалар ҳамда балоғат ёшидагилар ўлимининг камайиши туфайли эришилган. Кекса ёшданги кишиларнинг ўлимида эса деярли ўзгариш йўқ. Ҳозирги вақтда ҳам 80 ёшдан ортиқ умр кўриш айрим кишиларгагина насиб этади.

АҚШ Саломатлик ҳисоботи миллӣ марказининг маълумотларига кўра, миллионлаб кишиларнинг ёстигини қуритаётган ўрак ва қон-томир хаста-



“Ҳар қандай манзил бизга писанд эмас!”

ликларидан бутунлай халос бўлганда ҳам инсон умри атиги 6-7 йилга, сараторн касалига даво топилганда эса — бир ярим-икки йилга узайиши мумкин экан, холос.

Сирасини айтганда, ўрта аср алхимикларининг ҳар қандай нарсани олтинга айлантира оладиган, инсониятга боқий умр баҳш этадиган мўъжизавий аралашмани яратиш борасидаги саъй-ҳаракатлари самараисиз якунлангани сингари умрзоқлик масаласи замонавий фан учун ҳам жумбок бўлиб қолмоқда. Мутахассисларнинг фикрича, умрзоқликнинг эллик фоизини — ирсият, эллик фоизини — атроф-муҳит ва турмуш тарзи каби омиллар белгилар экан. Замонавий фан ҳозирча аниқлаб бергани шу.

Ҳозирги вазиятда сўнгти икки омил, назаримда, инсон саломатлиги ва умрзоқликнинг 70-80 фоизини белгилаяти, десам хато бўлмаса керак. Зеро, инсон зоти бугун рўбарў келаётган глобал муаммолар (экологик бўхрон, қирғин куролларининг ортиб бораётгани, иқтисодий инқизоз, очлик, қашшоқлик, гиёҳванд моддалар савдоси, СПИД, маънавий қашшоқлашув ва ҳоказо) унинг саломатлиги ва ҳаётига жиддий таҳдид солмоқда. Ҳатто айрим тадқиқотчилар одамзод умумсайёравий, умумтамаддуний фалокат бўсағасида турганини таъкидламоқда. Дарҳақиқат, айрим олимлар реал воқеликни бир оз чигаллаштириб кўрсатишига мойил бўлса-да, бу гапларда жон бор, албатта. Аммо, инсоният эртами-кечми, мазкур муаммоларнинг ечимини излаб топишига, оқилона ёндашув ғалаба қилишига ишончимиз комил. Бошқача бўлиши мумкин ҳам эмас. Акс ҳолда, доимо мўъжиза излаб яшайдиган инсоннинг ҳаётида маъно қолмайди.

Шу маънода академик Н.Амосовнинг бу хусусдаги фикрлари эътиборга молик. Унинг таъкидлашича, “Қарилидан қутулиш қийин, лекин уни узоқлаштириш кўп жиҳатдан одамнинг ўзига боғлиқ. Табиат биз ўйлагандек шафқатсиз эмаски, етмиш ёшга етар-етмас инсон ҳаётига нуқта қўйса! Аксинча, у тўқима ва аъзоларнинг атроф-муҳитга мослашувчанлик қобилиятини ишга солиб, қариш жараёнини секинлаштиради. Қолаверса, инсон хатти-ҳаракатини бошқариб турадиган онгнинг “олий мослашув” механизми воситасида ҳам бу жараённи секинлаштириш мумкин” (Н.Амосов. Ўша китоб, 150—151-бет).

Н.Амосов узоқ йиллардан бўён ўзига хос фалсафий таълимот — “чеклашлар ва зўриқиши” режимини тарғиб этиб келмоқда. Унингча, бу режим инсон саломатлигини сақлаш, касалликлардан ҳимоя қилишдан ташқари, умрнинг узайишига ҳам хизмат қиласди. Мазкур режим, биринчидан, одам ёшлигиданоқ тинимсиз меҳнат, машқ (жисмоний ва ақлий) ёрдамида танасини чиниқтириб боришини талаб этади. Инсон қаригани сари унинг ҳаракати ҳам кўпайиб бориши лозим. Бундай ёндашув ёш кексайган сари одам ўзини аяши, кўпроқ дам олиши, камроқ ҳаракат қилиши керак, деган тасаввурларга мутлақо тўғри келмайди. Биз аксарият қанча кам ишласак, қанча кам жон койитсак, соғлиғимиз ҳам шунча мустаҳкам бўлади, деб ўйлаймиз. Амосов эса, аксинча, тинимсиз ҳаракат туфайли инсон янада бардам ва бақувват бўлиб боради, деб таъкидлайди.

Дунёнинг бир қатор тоғли минтақаларида (Абхазия, Озарбойжон, АҚШнинг Кентукки штати ва ҳоказо) узоқ умр кўрган кишилар орасида олиб борилган изланишлар натижалари ҳам алломанинг ушбу қарашларини тасдиқламоқда.

Бу тадқиқотларда иштирок этган юз ёш ва ундан зиёдроқ умр кўрган

кариялар умрзоқликни белгиловчи бир қанча муҳим омиллар (соғ төғ ҳавоси, мұйтадил икlim, оқилона овқатланиш тарзи, баҳтли оиласи ҳаёт, кек саларга ҳурмат, руҳий хотиржамлик ва бошқа) қаторида биринчи галда тинимсиз ҳаракат, машқ өз мәхнатни таъкидлагани бежиз эмас (П.Гарб. "Долгожители". М., "Прогресс", 1986; "Феномен долгожительства". М., "Наука", 1982).

Амосов асослаб берган концепциянинг яна бир муҳим жиҳати шундан иборатки, унда инсоннинг руҳиятига алоҳида әзтибор берилади. Ҳусусан, олимнинг назарида муайян даврдан (түғрироғи, маълум ёшдан) бошлаб инсон физиологияси эмас, балки унинг руҳий ҳолати күпроқ аҳамият касб эта бошлайди. Бир қараашда мавхум туолган бундай фикр замирида, жиддийроқ үйлаб кўрилса, ҳақиқат борлиги аён бўлади. Чунки танингиз соғ бўлиши, умрингиз узайиши учун тинимсиз мәхнат қилишингиз, юқори қалорияли овқатдан ўзингизни тийишишингиз, яъни бор иродангизни ишга солишишингизга тўғри келади. Аксига олиб, кексайганда кўпгина эҳтиёжлар табиий равиша сўнади. Аммо улардан иккита заарлиси — тўйиб овқатлашиш ва ётиб дам олиш эҳтиёжи барibir устунлик қилиб туради. Бу эса, ўз навбатида, мәхнат қилиш ва зарур тартиб-интизомга риоя этиш қўникмасини сусайтиради. Айниқса, инсон нафақа ёшига етгач, бекор ўтирганг, яна да кўпроқ ҳаракат қилинг, иш билан овунинг, дейиш ўрнига, марҳамат, энди маза қилиб дам олинг, дейиш ҳар биримизнинг ҳаётга бўлган иштиёқимизни сўндиради.

Шу ўринда мамлакатимизда аҳоли саломатлигини яхшилаш борасида алмалга оширилаётган ишлар, ҳусусан, кўплаб спорт ва соғломлаштириш масканларининг бунёд этилиши келажакда катта самара бериши шубҳасиз. Бу, айниқса, ёшларимизнинг соғлом ва баркамол бўлиб ўсиши, умрзоқлигига хизмат қиласи. Аммо қарияларимиз-чи? Улар умрининг қолган қисми ни чойхонада ўтказиши керакми? Шуни инобатга олган ҳолда, қариялар саломатлигини тиклаш, уларни давлат ва жамоат ишларига кенг жалб этиш, ақлий ва жисмоний фаолиятини кучайтириш, хуллас, жамиятдаги нуфузи ва обрў-әзтиборининг янада оширилишига қаратилган маҳсус дастур ишлаб чиқиса, чакки бўлмас эди. Қарияларимиз қисман давлат хисобидан, қисман ўзлари ишлаб топган маблағлар эвазига ўзга юртларга сайру саёҳатга борсалар, дунёни кўрсалар, бошқа халқлар маданияти ва қадриятлари билан яқиндан танишсалар бунинг фойдаси бекиёс бўлар эди. Худо тинчлик-хотиржамликни берса, юртимиз юксак тараққий этган давлатлар қаторидан ўрин олса, ана шу орзуларимиз ҳам албатта амалга ошади.

Мақолага нуқта кўяётган пайтда "Труд" газетасидаги "Дунё яшаради" номли кичкинагина хабарга кўзим тушиб қолди. Унда бир гуруҳ америкалик олимларнинг умрзоқлик омилларига оид тадқиқотининг натижалари эълон қилинган экан. Мазкур тадқиқотда умрзоқлик мұаммоси паст тана ҳарорати, DHEHS (дегидроэпандростерон сульфати) гормони баланд ва аксинча, инсулин даражасининг пастлиги каби учта физиологик кўрсаткичлар билан бевосита боғлиқ экани исботлаб берилган. Қирқ йилдан кўпроқ вақтдан бўён ушбу тадқиқот жараёнида ихтиёрий равиша иштирок эттаётган бир ярим минг кишида ўтказилган тажриба орқали олимларнинг илмий фарази тасдиқланган. Яъни, бояги учта кўрсаткичга эга бўлганлар бошқаларга қараганда кўпроқ яшаши исботланган. Аммо бу ҳол уларнинг ирсияти ёки турмуш тарзи билан боғлиқми — буниси номаълум...

Ёқубжон ХЎЖАМБЕРДИЕВ

Shahzoda hiyobonidagi mehmonhona

Италия инглизлар учун қай даражада ота юрт ҳисобланса, америкаликлар учун Англия ҳам шундай азиздир. Қадимий Лондон уларнинг наздида, кудратли Рим каби бой тарихи билан гавдаланади.

Вашингтон Ирвинг

Шошилманг. Балки бир-икки саҳифадан сўнг мазкур иншодан ҳафсалангиз пир бўлар. Шу боис иншонинг номланишига қараб, «Бу қандайдир саргузашт ёки жиноятчилар оламига оид нарса бўлса керак, эҳтимол, аллақандай омадсиз муҳаббат қиссасидир» деган холосадан тийилиб туринг.

Тўғрисини айтсам, мазкур иншога сарлавҳа кўйилганига салкам икки йил бўлди. Шунча вақтдан буён мана шу сарлавҳа ёзиб кўйилган саҳифа столнинг бир чеккасида ётади. Ўша саҳифага қачон кўзим тушса, Англияда, ўша Вашингтон Ирвинг улуғлаган қадимий Лондоннинг тарихий обидалари, мулоқотда бўлганим кишилар кўз олдимдан ўтади, Лондоннинг қандайдир ачқимтири, зах ҳавосидан нафас олгандай бўламан. Аммо, на чораки, кўрган-кечиргандарим, ҳис қилганларим, қолаверса, унда-бунда ўқиганимдан олган таассуротларимни қандай қофозга тушириш, сўзни нимадан бошлашни билмай ҳалакман. Сизни, азиз ўқувчи, ушбу қораламаларни ўқишига шошмасликка даъват этганим ҳам шундан.

Хуллас, бизни — ўзбекистонлик саккиз нафар журналистни Лондоннинг Хитроу аэропор-



тида, ярим кечада «Би-Би-Си жаҳон хизмати» компаниясининг ходимаси Кәти хоним кутиб олди.

Кәти, Кәти... Бу аёлни биринчи кўришдаёк ҳаммамиз яхши кўриб қолдик. Лондондек мухташам шаҳарда, мутлақо бегона юртда биринчи учрашган одамнингизни яхши кўрмасдан иложингиз ҳам йўқ-да, деб ўйлашингиз мумкин. Балки шундайдир. Аммо мана шундай катта аэропортда, минглаб одамлар ичидаги таниб, исмларимизни айтиб чақирган (бунинг устига, яна учрашишимиз биланоқ қўлимизга шанба-бозорликни тутқазиб қўйган) аёлни яхши кўрмай бўлармиди! Кәти биз билан бир ярим ой бирга бўлди. Лондоннинг ўнлаб тарихий обидаларини, музейларини томоша қилдирди, қаерга қандай боришимизни тушунтириб берди. Машгулотларимиз чоғида қўлидан келганча тилмочлик қилди. Бунда унинг можор миллатидан бўлгани ҳам кўл келди деб ўйлайман. Можорлар, ҳар ҳолда, биз туркийларга яқин келади. Кәти бизни Бермингэм, Брайтон каби Англиянинг ажойиб шаҳарларида сайр қилдирди. Ўзи Лондондан 150 чақирим узоқликдаги кичик бир шаҳарчада истиқомат қилас экан. Эри, бир ўғли бор экан. Ўғли Дэвид институтни битириб, аллақайси жойда ишлар экан. Оиласда иккита машина бўлиб, биттасини фақат Кәти миниб юрар экан. Биз «Би-Би-Си жаҳон хизмати» компаниясининг бош биноларидан бири — Бушхауздан метро билан борилса беш бекат узоқликдаги Шаҳзода хиёбонида жойлашган меҳмонхонада турамиз. Ана шу беш бекат масофадан ҳам баъзан машгулотга кеч қолиб келамиз. Кәти эса ҳар куни 150 чақирим масофа йўл юриб, соат роппа-роса 9 да етиб келади ва бизни машгулот хонасида кутиб олади. Бугина эмас, келишимиз билан хоҳишимизга қараб чой ёки қаҳва дамлаб беради. Энди айтинг, мана шундай аёлни яхши кўрмай бўладими?..

Воқеалардан бир оз олдинга кетиб қолдим, чоғи.

Начора, аёл киши ҳақида гапиргандা



одам ўзини тўхтатиб қолиши қийин кечади. Хуллас, бизни аэропортдан тўгри меҳмонхонага олиб келишибди. Боя айтганимдай, ярим тун. Бизни ўз машинасидага олиб келган занжи йигит дарвоза тугмасини босиб-босмай ичкаридан «Жаст эминет» деган кўнғироқдай овоз эшитилди ва зум ўтмай бўйчан аёл эшикни очди. Ичкари кирганимиздан сўнг бояги маъмурда аёл компьютернинг тугмаларини босиб, ҳар биримизнинг исми шарифимизни айтиб, қўлимизга хоналаримизнинг калитини тутқазди. Каминага Зқаватдан 27-хона тегди. Калитларни кўлга олгач, зинага олиб борадиган йўлакка юрдик... Юрдигу қўлимиздаги юкларимиз билан йўлакка тиқилиб қолдик. Ҳозирги аҳволимиз катта чорраҳадаги юзлаб машиналарнинг бир-бирига йўл бермай, тиқилиб қолган ҳолатини эслатар эди. Шунда хоразмлик Шуҳратжон бундай деди: «Ёшуллilar, сизлар «Тошкент» меҳмонхонасида эмас, Буюк Британия деган оролдаги меҳмонхонадасизлар. Унутмангларки, бу ерда ҳар бир қарич ер ҳисобли». Ростдан ҳам, меҳмонхона йўлагининг эни бир метрдан сал ошса ошадики, ортиқ эмасди. Зиналар эса бир метрга ҳам етмайди, тор. Аҳвол шу даражадаки, қўлингиздаги жомадонингизни бемалол кўтариб юришнинг ҳам иложи йўқ. Жомадонни елкага ташлаб олиш ёки ўзингиздан олдин тутиб бориш зарур бўлади. Шу тахлитда бир амаллаб хоналаримизга бориб жойлашдик. Хоналарнинг кенглиги ҳам йўлак ва зиналар

дан ортиқ эмас. Аммо мана шу торгина хонада мижознинг яшаб, ҳордик чиқарипши учун ҳамма шароит муҳайё. Ўнгдаги эшикдан хобхонага кирасиз. Кўйилган катнинг бош томонидаги деворда телефон. Этак томонида овқатланадиган айланга хонтахта, битта курси. Унинг ёнида «ошхона» — плита, совутгич, идиш-товоқ ювгич; уларнинг тепасида деворга осифлик идиш-товоқ қўядиган жавонча ва электрпечь. Тўғрида дераза. Деразанинг ёнидаги девор “ичида” эса ҳаммом.

Бир куни хонамга бухоролик ёш журналист Бахшулло кириб келди.

— Ака, бундай батартиблики қаерда кўргансиз? — деб мурожаат этди саломаликдан сўнг.

— Мана, Англияда кўряпмиз, яна кўриб қолармиз, — дедим Бахшуллони ўтиришга таклиф этар эканман. Аммо ўтириш учун ягона курси бўлиб, унда ҳам ўзим ўтирган эдим. Шундай пайтда хонтахта атрофига кўрпачалар солинган кенг уйларнинг қадри ўтаркан.

— Сизни билмадим-у, бундай тор хонада менинг юракларим сиқилиб кетяпти, — деди Бахшулло.

— Қизилқумни соғинингиз, чоғи?

— Э, нимасини айтасиз! Ўласам, юрагим торс ёрилай дейди. Ҳавонинг расволигини айтмайсизми! Кунора ёмғир. Келганимиздан бўён ёлчишиб қуёш кўрингани йўқ. Баъзан ўйлаб қоламан, Ўзбекистонда ҳам шу қуёш чиқармикан ёки юртимизнинг ўз қуёши борми?

Бахшуллонинг юртни соғингани ҳар бир сўзидан, ҳаракатидан сезилиб турар эди. Дарвоҷе, Ўзбекистонда ҳам мана шу Лондонни ёритиб турган қуёш чиқадими ёки...

Инсон табиати қизиқ. Ахир, Ўзбекистонда ҳам шу қуёш чиқади. Лондон ҳам, Тошкент каби, Ер шарининг маълум бир нуқтасида жойлашган. Бундай ҳақиқатларни билсангиз-да, баъзан негадир. Уларни тан олгингиз келмайди. Йўқ, Ўзбекистоннинг қуёши, замини, одамлари бошқача, дейсиз ичингиизда. Нега? Нима учун шундай?

У қандайин кучки, одамни мутлақ ҳақиқатлардан тондиради? Наҳот, бу соғинч юрт соғинчи бўлса...

Буюк Маҳатма Ганди ўзининг «Барча одам — биродардир» деган китобида Англияни қандай «забт» этгани хусусида кўп ҳикоялар келтиради. Жумладан, Англияниг мустамлакаси бўлган Преторияда хизмат қилиб юрган кунларини эслаб шундай деган: «Англияда бўлган одамларнинг кўплари соч-соқолларини ўзлари олишга тезда кўнишиб кетишиади. Бироқ менга маълум бўлган одамларнинг ҳеч бири ўзининг сочини ўзи олишга ўрганмаган. Бир куни Преториядаги инглиз сартарошига соч олдириш учун кирган эдим, у таҳқиромуз оҳангда сочимни олишдан бош тортди. Шундан кейин ўз сочимни ўзим оладиган бўлдим».

Англия бизни ҳам кўп нарсага ўргатди. Соқолимизни ўзимиз олдик. Озиқовқатимизни ўзимиз пиширдик. Кирилизни ўзимиз ювдик. Агар Маҳатма Ганди бу юмушларнинг барчасини кўпроқ ўз руҳи ва иродасини тоблаш учун қилган бўлса, биз ёнимиздаги арзимас пенсларни иқтисод этиш учун қилдик. Чунки Англия дунёдаги ҳамма нарса қиммат бўлган мамлакатлардан бири. Каҳвахонада бир кишининг ўртамиёна тушлик қилиши учун 9-10 фунт-стерлинг керак бўлади. Бу бизнинг пуллимизда таҳминан 12-15 минг сўмга тўғри келади. Бизда 10 минг сўмга 10 киши ичкиликсиз бемалол овқатланиши мумкин. Саноат молларининг баҳоси 80-йиллардаги собиқ шўро мамлакатидаги нарх-навога тўғри келади. Масалан, 150 фунт-стерлингга яхши костюм-шим харид қилиш мумкин. Ҳавонинг намлиги боис бўлса керак, одамларнинг юзи заҳил. Одатда ранги заҳил одамлар тунд, ичимдагини топ дейдиган хилидан бўлади. Инглизлар эса анча қувнок, ҳатто аскияга мойил одамлар экан. Афуски, уларда ўзбекларнинг аскияси йўқ. Шунга қарамай, улар ҳазилни ўрнига қўйишади.

* * *

Англияниң таржимаи ҳоли.

Бир пайтлар 49 давлатни бирлаштирган империя кўп томонлама довруқ таратган. Бугун биз «Англия» деб атайдиган мамлакат аслида Буюк Британия ва Шимолий Ирландия Кўшма Қироллиги деб юритилади. Унинг таркиби Англия (майдони 130,3 минг квадрат километр), Уэльс (20,8 минг квадрат километр), Шотландия (78,8 минг квадрат километр) ҳамда Шимолий Ирландия (Ольстер — 14,1 минг квадрат километр) киради. Буюк Британия Атлантика океанида жойлашган бўлиб, уни Оврупо қитъасидан Ла-Манш ва Дувр бўғозлари ажратиб турди. Пойтахти — Лондон шаҳри. Лондонда 7 миллион аҳоли яшайди. Сиёсий тизими — конституцион монархия. Шу боис қирол ёки қироличанинг хукуклари чегараланган. Давлатни Буш вазир — ҳукумат бошлиғи бошқаради. Давлат расмий конституцияга эга эмас.

* * *

Рабиндрнат Тагор сўнгги китобларидан бири бўлмиш «Тамаддуннинг инқизози» асарида ўз мамлакатининг муаммолари ҳақида фикр юритиб, бундай деб ёзган: «Бугун мен саксон ёшга кирдим. Ортимда жуда узун йўл қолди. Бугун ана шу йўлнинг охирига бораётган эканман, мен бу йўлнинг бошланишига тийрак кўз билан қараш ва ўзимда ҳамда ватандoshlarimda юз берган чукур ўзгаришларни тушуниш имконига эгаман. Зотан, бизнинг бугунги қийинчиликларимизнинг сабаблари ҳам ана шу ўзгаришларда яширинган».

Хинdistон зиёлиларининг дунё билан танишлари Англиядан бошланади. Бу юртга биринчи бўлиб кимлар келгани, нима ишлар қылганини хинdlар инглиз адабиёти орқали билиб олган. Хинdlар ўша пайтлардаги дунёқараши, билим доираси билан ҳам, ижтимоий тарқоклиги билан ҳам анчайин маҳдуд эди. Масалан, улар оламнинг тузилиши ва унинг сир-синоатлари ҳақидаги маълумотлар-

га эга эмас эди. Уларнинг юртида табиий фанлар билан қизиқувчилар бармоқ билан санаарли эди. Р.Тагор эндиғина қўлига қалам ушлашни ўрганаётган даврларида инглиз тили ва адабиётини билган одам саводли саналар эди. Улар ҳам Шекспир драматургияси, Байрон шеърияти, инглиз сиёсатининг инсонпарварлиги ҳақида томоқлари қирилиб кетгунча баҳслашганлар. Ҳинд зиёлилари ҳам миллий мустақилликни унча-мунча жойдан эмас, айни инглизлардан кутишган. Мустақилликни худди мана шу инглизларнинг ўзидан бошқа бирор олиб бермаслигига ишонишган. Чунки Тагорнинг ёшлиқ даврларида инглизлар қалбida кейинчалик тишлиарини кўрсатган ёвуз шовинизм йўқ эди. Ёш Тагор ва унинг ватандошлари инглизларнинг олижаноблигига тўла-тўқис иймон келтиришган. Ҳатто, ҳинд доҳийлари ҳам озодликни зобитлардан кутишар эди. Англияни ўз ватанидан қувилган ва таъқиб этилган муҳожирлар учун бошпана деб билишарди.

Ўша даврларда ўз халқининг озодлиги учун курашган муҳолифат Англияда меҳмондўстлик билан кутиб олинар эди. Бундай қарашларнинг кенглиги, инсонпарварлик оддий одамларда катта хурмат-эътибор уйғотар эди. «Қачонdir, ёшлиқ пайтларимда Англияга борганим ва у ерда Жон Брайтоннинг парламентдаги чиқишини тинглаганим ёдимда, — деда эслайди Р.Тагор. — Ўша нутқ, назаримда, ҳақиқий инглиз руҳи билан йўғрилган эди. Ундаги миллатчиликдан холи бўлган либерализм менда шу даражада чукур таассурот қолдирган эдик, бугун ҳам — улардан даҳшатли радиошда кўнглим қолган дамда ҳам ўша олис меҳрнинг бўлаклари қалбимда акс садо беради...»

Бундай сиғиниш Р.Тагор ҳаётининг биринчи ярми давомида сақланиб қолади. «Кейин, — деб ёзади у, — биз билан инглизлар ўртасида жарлик пайдо бўлганини чукур алам билан сезиб қолдим. Шахсий манфаатлари ҳақида гап кетган-



да уларнинг юзларидаги инсонпарварлик ниқобини бирпасда сидириб ташлашларини кўриб турган ҳар қандай одамнинг ҳам кўнгли қолиши табиий...»

Дунёдаги барча империялар ҳар доим ўзининг оқ томонларини бўрттириб кўрсатишига урининг ва кўпинча бунинг уддасидан чиқиб келган. Жумладан, Рабиндранат Тагордай буюк зот ҳам Англия ва совет империясининг ширин ёлғонларига чиппачин ишонганини кўриб, беихтиёр ёқангизни ушлайсиз. Албатта, Тагорни лақмаликда айблаб бўлмайди. Лекин...

Р.Тагор кейинчалик Москвада бўлганда ҳам советларнинг миллий сиёсати катта таассурот қолдиргани ҳақида илхомланиб ёзди. «Бу мамлакатда, — дейди у, — мусулмонлар ва номуслумонлар ўртасида сиёсий тенгсизлик йўқ, ҳокимиёт ўз бурчини ҳар икка томон манфаатларини ҳимоя қилишда деб билади».

Бундай олиб қараганда, Р.Тагор ўзи билиб-бilmай, мусулмон ва номуслумонлар ўртасида сиёсий тенгсизлик йўқ, деганда ҳақ. Ахир, ҳар иккала тоифадаги одамларнинг диний муассасалари, диний расм-руслумлари вайрон қилиниб, йўқ қилингач, диндорлар таъкиб остига олингач, қандай қилиб улар орасида тенгсизлик бўлсин?

Бугун Тагор йўқ. Бугун Тагор кўкларга кўтариб, сўнг кўнгли қолган Буюк Британия империяси ҳам, совет империяси ҳам парчаланиб кетди. Зотан, бугун бошқа замон. Инсоният XXI асрга қадам кўйди.

«— Кечирасиз, жаноб, — дейди миymanning бир четидаги катакчага жойлашиб олган овоз, — дунёда шундай халқ-

лар борки, улар аллақачон XXI асрда яшамоқда.

— ЙўF-э, — деб эътиroz билдирган бўламан.

— Мана, марҳамат, ўқинг: «Хиндистоннинг кўпгина вилоятларида йил ҳисобини Викрам Самват тақвими асосида юритишади. Мазкур тақвим Кўёш вақтига асосланган. Унга кўра, XXI аср 1944 йил апрел ойидаёт бошланган...»

Аслини олганда, дунёдаги ҳар бир одамнинг ўзи алоҳида бир тақвим. Улардан ҳар бири бир-бирига ўхшамаган анъаналар, қарашларга асосланиб яшайди. Масалан, барча маърифатли американклар учун Италия, Англия ва Миср бугунги кунда ҳам сайру саёҳат маскани ҳисобланади. Улар бу мамлакатларга жон-жаҳдлари билан талпинишиади. Ҳолбуки, инсон тани қаерда бўлишидан қатъи назар, Ралф Эмерсон таъкидлаганидек, рух уйда қолади. Рух — ватанини! Гарчи «шоирлар қишлоқда туғилиб, Парижда ўлсалар»да, рух доим ўша туғилиб ўсган қишлоқда қолаверади...

Биз Лондонда яшаётган бўлсак-да, руҳимиз ўзбекистонда эди. Баъзан мутлақ ҳақиқатлардан тондирадиган нарса ҳам ана шу рух. Ерда бўласизми, кўқда бўласизми, уйқудами ёки бедорликда бўлсин, рух ҳамиша уйғоқ. Ўзга мамлакатларда юрсангиз, у сизни доим ҳимоя қиласди. Айтайлик, сайру саёҳат маскани бўлган юртларда сизни қандайдир хизматкор ёки контрабандист сифатида эмас, мустақил шахс сифатида намоён этади. Албатта, сиз агар шунга муносиб бўлсангиз...

Алқисса, Лондонда чиқадиган газеталарга разм солсангиз, улар инглизларнинг ўй-фикрлари, қизиқишларини аниқлаб берувчи барометр вазифасини бажаришини ҳам англаб қоласиз. Масалан, Лондонда «Сан» деган газета чоп этилади. У фақат олди-қочди воқеалар ҳақида ёзади. Асосан актрисалар, модельерлар, актёрларнинг ҳаёти, уларнинг қизиқишлари, ҳою ҳаваслари, ким ким билан дон олишадио кимнинг жазмани ташлаб кетгани тўғрисида маълумот беради. Газета 4 миллиондан ортиқ нусхада чоп этилади. Эрталаблари метрода чиқсангиз, ўриндиклар устида, вагонларнинг ойна четларида турли газеталарни, кўпинча эса «Сан» газетасини кўриш мумкин. Йўловчилар поездга ўтираётib газеталарни шунчаки вараклашади. Ўқигани ўқийди, ўқимагани жойига ташлаб кетаверади. Бошқача айтганда, камхарж талаба метрода тушиш учун пул топса, бас, манзилига етгунча бутунги янгиликлардан бемалол хабардор бўлиши мумкин. Умуман, Англияда юзлаб газета-журнал чоп этилади. Бу нашрларнинг барчаси хусусий ёки ҳиссадор гурухлар тасарруфида.

Масалан, Буюк Британияда чиқадиган 86 фоиз газетанинг акциялари катта-катта магнатларга тегишли. Жумладан, «Нью-Интернейшль» (тиражи 545 минг) ва «Гардиан» (тиражи 405 минг) либерал газеталар ҳисобланниб, юксак савиядаги ахборот воситаси сирасига киради. «Дели Телеграф» эса энг оммавий газета бўлиб, кунлик тиражи 1 миллион 41 минг нусхани ташкил этади. «Сан», «Мирор», «Дейли Мейли» каби газеталарнинг кунлик тиражи 2-4 миллионни ташкил этса-да, улар олди-қочди газеталар ҳисобланади. Бошқача айтганда, ҳар қандай жамиятда одамлар интеллектуал фикр, воқеа-ҳодисалардан кўра олди-қочди гапларга, бировларнинг шахсий ва оиласиб сирларини билишга кўпроқ қизиқишини юкоридаги газеталарнинг тиражидан ҳам билса бўлади. Бу ҳақда «Гардиан» газетасига мақолалар ёзувчи мустақил журналист Марсел Берлекс бизга шундай деди:

— Малика оиласидаги воқеаларга қизиқиш, таникли кишиларнинг шахсий ҳаётига аралashiш, уларнинг маошлари, таниш-билишлари, жазманлари ҳақида ёзиш муаммога айланиб қолди. Айниқса, Диана ўлимидан кейин бу нарса авж олди. Журналистлар ана шундай нарсалар ҳақида кўпроқ ёзишни истайди. Чунки буларнинг ҳаммаси анъана. Шунга қарамай, журналист одамларнинг шахсий ҳаётига қай даражагача аралashiши мумкин, деган муаммо мавжуд. Масалан, Франциянинг собиқ президенти Миттеран пинхоний равищда жазмани билан яшаган. Ундан қизи бўлган. Аммо бу ҳақда Франция матбуоти лом-мим демаган. Бизда эса бундай эмас. Биз ўзимизни ким бошқараётганини билишимиз керак. Давлат тепасига келган ҳар бир одамнинг ўтмиши ва бугунини жамоатчилик албатта билиши зарур. Нега? Чунки турли мишишлар тарқалгандан кўра, бор гапни газетада ўқиган маъкул. Зотан, англияликлар турли мишишларга, айниқса, эр-хотин ўртасида бўладиган можароларга жуда қизиқишиади. Майли, булар ҳақида газеталар ёзсин. Нима қилипти? Ёлғон бўлса, суд олдида жавоб беради. Катта миқдорда жарима тўлайди. «Сан» газетаси Элтон Жоннинг бачабозлиги ҳақида ёзди. Ахборот нотўрилиги туфайли газета 1 миллион фунтстерлинг миқдорида жарима тўлади... Ёки шу газетанинг ўзи Диананинг жазмани ҳақидаги мақоласи учун 20 минг, суратнинг сохталиги учун 500 минг фунтстерлинг жарима тўлади...

Албатта, Марсел жаноблари айтган юқоридаги гаплар бизнинг матбуотимиз учун мезон бўлолмайди.Faқат биз бир нарсани, барча низолар суд орқали ҳал этилиши лозимлигини ўзимизга сингдира билсак, бошқа кўп нарсалар ўз-ўзидан ҳал бўлади, деб ўйлайман. Оммавий ахборот воситаси биринчи навбатда жарчи! Мабодо жарчи элу юртга ёлғон жар солса, ўша ёлғони учун жавоб бериси керак. Бизда ҳали бу нарсалар одат тусига кирганича йўқ. Тўғри, онда-сонда фалон газетани ёки журналистни судга



беришибди, деган гаплар қулокқа чалиниб қолади. Аммо, бу ишлар охиригача етказилмайди: оқи оқка, қораси қорага ажратилмайди. Англиялик журналист Тереза хоним айтадики, холислик, ростгўйлик журналистнинг биринчи фазилати бўлиши керак. Агар ўша Тереза хоним бизнинг ишимизга, ёзайтган мақолаларимизга, кўрсатув ва эшиттиришларимизга ана шу мезон билан ёндашадиган бўлса, бошини чанглаб қолиши турган гап. Чунки, нафақат Тереза хоним, балки ўзимиз ҳам қайси масалада холисмизу қайси масалада ҳақиқатдан кўз юмамиз — фарқлаб олишимиз кийин. Шу боис, қанчалик зўр бермайлик, энг оммавий газетамизнинг тиражи 50 минг нусхадан ошмайди.

Ҳамонки гап Англия, унинг оммавий ахборот воситалари ҳақида бораётган экан, улар фаолиятининг айрим жиҳатларига кенроқ тўхталиб ўтамиш. Умуман, инглизлар ёки янада тўлароқ айтсак, Англия нимани томоша қилади, нимани ўқиди? Бу саволга «Би-Би-Си» мисолида жавоб берадиган бўлсак, «Би-Би-Си»,

унинг томошабин ёки тингловчи билан мулоқоти учта асосий тамойилга таянади. Уларнинг биринчиси — ахборот бериш, иккинчиси — маълумот бериш, учинчиси — кўнгил очиш. Айтайлик, «Би-Би-Си» телевидениесининг «Бугун» («Тудей») деган дастури бор. Уни фақат вазирлар ва журналистлар томоша қиласи. Унда фақат ахборот берилади. Айтишларича, Маргарэт Тэтчер ушбу дастурда чиқишига қанчалик ишқибоз бўлмасин, бутун сиёсий фаолияти давомида борйўғи икки марта иштирок этган экан, холос.

Агар «Би-Би-Си»нинг тарихи ва таркибий тузилишига разм соладиган бўлсак, у дунёдаги биринчи жамоатчилик телевидениеси ҳисобланади. Ушбу ахборот воситаси учун мустақиллик ҳамма нарсадан устун. Томошабинларнинг манфаатини бутун бошли нозирлар кенгashi ҳимоя қиласи. Бундан ҳам муҳими, «Би-Би-Си» мустақиллигининг бош кафолати нақд қирол хартиясидир. «Би-Би-Си» 1922 йилда кичик-кичик радиостанциялар асосида ташкил этилган. Унинг биринчи директори Жон Риф бўлган. 1926 йилда ана шу радиостанциялар бирлашиб, ягона миллий радиони ташкил этади. Шуни алоҳида таъкидлаш лозимки, «Би-Би-Си» ташкил бўлган даврданоқ, жамоатчилик радио-телевидениеси ҳисобланиб, давлат ҳисобига эмас, айнан жамоатчилик ҳисобига яшаган. Ҳозир ҳам шундай. Бугунги кунда ҳар бир телевизор учун 99 фунт-стерлинг (бир йилда) тўланади. «Би-Би-Си» каналарида реклама берилмайди. Тижорат кўрсатуви, эшиттиришлари йўқ. Унинг бош тамойилларидан бири ҳам тижорат, партия ва бошқа сиёсий тизимлардан эркин бўлишdir. Балки шунинг учун бўлса керак, Овруосиё миңтақаси бўйича катта шархловчиси Мальcolm Хаслетнинг таъкидлашича, Маргарэт Тэтчер «Би-Би-Си»ни хуш кўрмаган. «Би-Би-Си»ни губернаторлардан иборат котибият бошқаради. Улар ҳукumat томонидан тайинланади. Унинг таркибида 21 минг-

дан ортиқ ходим ишлайди. Улар турли миқдорда маош олади. Бири иккинчиси нинг қанча маош олишини билмайди. Умуман, «Би-Би-Си»нинг қисқача тарихи ана шундай. Энди савол туғилади: Британия ахборот воситалари Марказий Осиё республикалари ҳақида нималарни ёзишиді?

Сирасини айтганда, 1991 йилгача мазкур республикалар Россиянинг мустамлакаси сифатида қаралиб, улар ҳақида гап кетганды, асосан ҳарбий соҳалар ёритилганд. Собиқ ССРБ бутун дунёдан «темир парда» билан ўралган эди. Англия журналистлари қай даражада моҳир, тезкор бўлмасин, ўша «темир парда» оркасида нима бўлаётганини ҳар доим ҳам англаб етавермасди. Бу борада мутахассис ҳисобланган Елизавета Радсоннинг айтишича, кейин-кейин атроф-муҳит, масалан, Орол денгизи муаммолари, ундан кейинроқ эса диссидентлик ҳақида ёзиш мумкин бўлди. Лекин ахборот олиш ўта мушкул эди. Инсон хукуқларини ҳимоя қилиш борасидаги 1975 йилги Хельсинки келишувидан сўнг бу борада бир оз силжиш бўлди.

Ахборот воситаларига «тўртинчи ҳокимият» деб ким томонидан ном берилганини билмайман. Аммо инглиз журналистикасининг ота юрти Шотландия экани хусусида ўқиганим бор. Ҳусусан, Вальтер Скотт даврида шотланд (инглиз эмас) журнallари машҳур бўлган. Лондон эмас, балки Эдинбург (Шотландия пойтахти) инглиз журналистикасининг маркази ҳисобланган. Инглизларга шотландлар ибрат эди. Умуман, Англия матбуотининг тарихи жуда узоққа бориб тақалади. XVII асрда бўлиб ўтган Англия буржуя инқилобида жуда кўп табақа иштирок этган. Масалан, индепедентлар ўртаҳол буржуазия ва буржуалашган дворянлар манфаатини ҳимоя қилган. Бу гурухга Оливер Кромвель бош бўлган. Ҳозирда ҳам шу номда газета чоп этилади. «Индепедент» газетаси либерал газета бўлиб, ўртаҳол одамларнинг манфаатларини ҳимоя қилади. Бир кунлик тиражи 281 минг нусха.

Демократик давлатларда ҳамма нарса пулга чақилиб, ошкора айтилади. Жумладан, оммавий ахборот воситалари ҳам пул туради. Масалан, Англияда биргина аудиторияни, яъни тингловчи билан тошабиннинг «ичидаги гап»ни ўрганиш учун ҳар йили З миллион фунт-стерлингдан ортиқ маблағ сарфланади.

«Би-Би-Си»дан ташқари бошқа барча радио-телевидениелар асосан реклама ҳисобидан кун кўради. Масалан, «Капитал» деган радионинг эрталабки рекламаларининг ҳар дақиқаси 6-7 минг фунт-стерлинг туради. «Моника» радиосида 30 сониялик реклама 60 минг фунт-стерлинг. Бир ой мобайнинда битта рекламани икки кунда тўрт марта намойиш этиш учун 250 минг фунт-стерлинг тўлаш керак.

Бошқача айтганда, реклама оммавий ахборот воситаларининг қон томири. Бошқача бўлиши мумкин ҳам эмас. Модомики, радиоэшиттиришлар, телекўрсатув, газета мақоласи маҳсулот экан, уни сотиш керак. Сотиш учун эса хоҳишистакнинг ўзи камлик қиласи. Бунинг учун истеъдодли журналист, моҳир режиссёр, сифатли қофоз, замонавий нашриёт ва студиялар учун илғор техник анжомлар зарур бўлади. Буларнинг барчаси катта пул туради. Журналист жонли мақола ёзмаса, режиссёр кўримли кўрсатув, ёқимли эшиттириш тайёрламаса, уларнинг кимга кераги бор? Демак, бундай ахборот воситаларига ҳеч ким реклама ҳам бермайди. Бундай шароитда фақат бир гурухнинг манфаатини эмас, балки умумнинг манфаатини, қизиқиш ва дардларини, муаммоларини кўтариб чиқсан ахборот воситаларигина яшашга ҳақли. Табиийки, рекламами ҳам ўшаларга берсангиз арзиди. Шу боис ҳар бир мухаррир, ҳар бир журналист биринчи навбатда яхши мақола ёзишга, қизиқарли дастур тайёрлашга алоҳида эътибор беради. Биринчидан, ёмон маҳсулот тайёрлассангиз, сотолмайсиз. Иккинчидан, reklamani bозорга олиб чиқишидан аввал ўзингиз тайёрлаган дастур ёки мақола

шакли ва мазмунини сота билишингиз керак. Учинчидан, бозор — студиянгизнинг харидори, шу боис маҳсулотингиз унинг талабларига жавоб бериши лозим. Сиз ўз харидорларингизни аниқ билишингиз зарур. Тўртинчидан, сизнинг дастур ёки мақолангиз бозор (аудитория) измида бўлиши керак. Ўз аудиториянгизни аниқлай билсангиз, ишингиз енгил кўчади. Бешинчидан, малакали ва иқтидорли ходимларга эга бўлишингиз лозим. Кўп нарса уларга боғлиқ. Олтинчидан, реклама берувчилар учун рекламаларнинг фаолияти муҳим аҳамиятга эга. Бу эса сизнинг дастурингизга боғлиқ. Сиз таклиф этаётган нарсалар ўз мижозларини топсагина реклама ҳам «ишлайди».

Ҳақиқий теле ёки радиожурналист қаршисида ҳар доим янги дастур олдидан «Нимадан бошлаш керак?» деган савол кўндаланг тураверади. Тажрибали журналист ва мутахассислар бу саволга жавоб беришнинг бир нечта вариантиларини ишлаб чиқкан. Масалан, дастур муаллифи биринчи галда ўз аудиториясини аниқлаб олиши лозим. У тайёргланган дастурни кимлар, қандай касбдаги, қайси ёшдаги одамлар кўради ёки тинглайди? Иккинчидан, кўрсатув ёки эшилтириш шаклини топиш лозим. Учинчидан, яна аудиторияга қайтиб, уни чукур ўрганиш керак бўлади. Сиз топган шакл аудиторияга мос келадими ёки йўқми — шуни аниглаш зарур. Масалан, Лондонда жойлашган «Капитал» радиоси ўз аудиториясини мунтазам равишда ўрганиб боради. Чунки ўртага катта пул тикилган. Мўлжалдан озгина оғиш ҳам рақобатчига жой бўшатиб бериш билан барабар. Бу соҳада бир қанча одамлар тингловчи ёки томошабинни айни бугун қандай масалалар қизиқтиради, улар ўз экранларида нимани кўришни истайди, деган каби саволларга жавоб излайди. Бунинг учун турли анкета, саволномалар тарқатилади. Масалан, лейбористлар қандай қилиб ҳокимият тепасига келишган? Бу масалани ёритиш борасида маҳсус саволнома ҳам мавжуд. Айни пайтда

кўрсатув орасида бериладиган reklama-larغا жуда эҳтиёт бўлиб ёндашиш тақозо зо этилади. Рекламани ҳеч қачон кўрсатувнинг бошида бермаслик лозим. Кўрсатувни одамнинг дикқатини жалб қиладиган лавҳа ёки фикрдан бошлаш зарур. Англияда сизнинг аудиториянгизни қандай одамлар ва қанча одам ташкил этишини билмасдан туриб ҳеч ким реклама бермайди. Агар сиз бундай маълумотга эга бўлмасангиз, билингки, рекламадан маҳрумсиз. Бу маълумотлар матбуотда эълон қилинади.

Албатта, «ёзиб ишлайдиган журналист»нинг йўриғи бошқа. У бутун оғирликни бир ўзи тортади. Ўзи материал йиғади, ўзи таҳхил қиласди, ўзи ёзди ва суд олдида (агар зарурат туғилса) ҳам ўзи жавоб беради.

Инглиз журналистлари «команда» йиғиша катта эътибор беришади. «Команда» дегани — жамоа ташкил қилиш дегани. Бирон-бир бўлимда бўш жой (вакансия) пайдо бўлса, ўша жойга одам олишдан олдин шу ўрин умуман телевидениега нима беради, деган масала устидаги жиддий ўйлаб кўрилади. Ҳақиқатдан ҳам бўш ўрин мавжуд бўлсагина ўша жойга одам олиш керак, деган холосага келинади. Энди ходимни вақтингчалик ишга олиш керакми ёки доимий ишга олиш керакми деган масалани ҳал этиш зарур бўлади. Англияда кўпинча бўш ўринларга вақтингчалик ишга олинади. Масалан, «Би-Би-Си»га ишга кириш жуда ҳам қийин. Бунда шартнома фақат маълум муддатга тузилади. Ундан кейин мазкур бўш ўрин учун қанча маблаг ажратишингиз мумкинлиги, одам олгудек бўлинса, қайси пайтда қабул қилиш лозимлиги, сўнг мазкур бўш ўриннинг вазифаси нималардан иборат эканини аниқлайсиз. Бўш ўринга ишга олинган одам маҳсус ном билан аталади. Масалан, муҳаррир, менежер ёки профессор ва ҳоказо. Ана ундан кейингина танлов бошланади. Энг қизиги, бу ишларнинг ҳаммаси, жумладан, танлов тестлари, реклама ва ҳоказолар билан маҳсус гурухлар шуғулланади.



Кўриб турганингиздек, чет элда битта одамни ишга қабул қилиш учун атрофлича тадқиқот олиб борилади. Балки шунинг учун уларнинг газеталари ўқишили, дастурлари кўримлидир. Хўш, бу масалалар бизда қандай? Мен бошқаларни айтиб ўтирамайман, шахсан ўзим гувоҳи бўлган, ўз бошимдан ўтказган «тажриба»лар хусусидагина гапираман. Чунки ўзим ҳам бир қатор газета-журналларда бўлим бошлиғи, бош муҳаррир ўринбосари, бош муҳаррир каби лавозимларда ишлаганман. Тўғрисини айтсам, биз муайян ишхонадаги бўш ўриннинг ўзи керакми, деган масала ҳақида жиддий ўйлаб кўрмаганмиз. Негаки, бизда яқин-яқингача ҳам оммавий аҳборот воситалари давлатники эди. Улардаги ҳар бир ўринни Молия вазирлиги тасдиқлаб берарди. Шу боис юкоридаги масала бизнинг хаёлимизга ҳам келмаган. Бизда журналистика соҳасига қизикувчилар жуда кўп. Аммо журналистлар кам. Бизнинг камчилигимизми ёки касб нуқтаи назаридан фожиамизми, биринчиidan, ўша ўринга қабул қилинадиган ходимни кўпинча касбимизга умуман алоқаси бўлмаган одамлар танлайди. Шу боис ҳам бўш ўринга ҳақиқий журналистлар эмас, шу касбга қизикувчилар, ҳавас-

корлар (дилетантлар) қабул қилинади. Ҳа, десангиз, вақти келиб ўрганади, бизнинг вазифамиз ёшларни тарбиялаш, дейишади. Ваҳоланки, журналистика чўпонлик ёки қурувчилик соҳаси эмаски, ишнинг боришини бир-икки кун кузатиб, ўрганиб кетсангиз. Қурилма устида икки ойтик туриб меҳнат қилса, устанинг андавани ушлашига қараб сувоқчиликни ўрганиб кетаверса. Бу касбнинг нонини ейиш учун журналист бўлиб туғилиш даркор. Яъни бунда фақат ўқиши-ўрганинг ўзи кифоя қилмайди, худо берган истеъдод, дид-фаросат ҳам керак.

Кейинги йилларда, гарчи журналистлар ўз нонларини ўзи топиб ёётган бўлсаларда, аҳборот воситаларимизнинг аксарият қисми ҳамон ҳаваскорлик дараҷасида қолиб кетаётганини англаб етганимизча йўқ. Чунки бугун ҳам кўлгина газеталарда, радио-телевидениеда бир пайтлар ишга шунчаки ҳавас орқасидан келиб қолган ходимлар меҳнат қиляпти. Ҳақиқий журналистлар эса кам.

Шу пайтгача бизда «индивидуализм» тушунчасини «шахсиятпарастлик» деб талқин этилди. Аммо дунёдаги жуда кўплаб воқеа-ходисаларнинг содир бўлиши, улкан қурилишлар, ўлмас асарларнинг яратилиш тарихига назар ташласан-

гиз, уларнинг таг-заминида ўша биз ёмон кўрган «шахсиятпастлик» ётганини англаймиз. Ўша «индивидуализм» замидида, аслида, шахсиятпастликтан кўра юксакроқ тушунчалар яширганини сез- маслик мумкин эмас. Ҳар қандай индивидуализмдаги ҳаракат ботинга қараб интилади. Одам шу тариқа қидирган нарсаларини ўзидан, миллий урф-одатлардан, удумлардан топишга уринади.

Шу маънода, журналистика — индивидуализм маҳсулидир. Ҳар бир журналист — мустақил шахсdir. Индивидуализм эса ҳар қандай кулликни, у хоҳ жисмоний, хоҳ маънавий бўлсин, батамом инкор этади. «Журналист, — дейди Жуля Монтен, — ҳаётдаги жуда кўп ярамас нарсалар ҳақида ёзиши ва ҳатто уларни ёқлаши ҳам мумкин. Албатта, муаммога қайси жихатдан ёндашишга кўп нарса боғлиқ. Аммо кулликни, инсоннинг мутелигини ёқлаган журналист, у ҳар қанча истеъоддли бўлмасин, журналист эмас».

Жуля 28 йилдан бўён парламент мухбири сифатида мақола ёзади. У «Гардиан», «Миррор» газеталарида ишлаган. Парламентдаги аёллар орасида биринчи лобби-мухбир.

— Мухбирликнинг икки тури бор, — дейди Жуля. — Айтайлик, лоббичи мухбирлар кўрган нарсасини ҳикоя қилади, изоҳлайди. Бошқа мухбирлар эса факат бўлган воқеани шарҳлайди. Лоббичи мухбирнинг асосий вазифаси — шарҳ, Жумладан, у парламент аъзоларининг танаффус вақтидаги турли мuloқotлari, парда ортидаги гап-сўзлар, масалан, мажлис арафасида қайсиdir бир палата аъзосининг бош вазир билан учрашгани ўларнинг бирон-бир масала юзасидан ўзаро келишиб олишгани тўғрисидаги тафсилотлар газетада ёзилиши мумкин. Аммо бу ерда бир нарса — ахборот олинган манба қатъян сир тутилади. Албатта, баъзан манбалар ошкора айтилади. Бироқ унинг ўзига хос шартлари борки, лобби-мухбир уларни бажариши лозим. Масалан, қиролича билан бош вазир ҳафтанинг ҳар сешанбасида

учрашади. Лекин бу ҳақда ҳеч қаерда ошкора айтилмайди...

Англия парламенти икки палатадан — куйи палата ва лордлар палатасидан иборат. Парламентнинг 657 аъзоси бўлиб, шундан 140 нафари аёл. Парламент мажлисларида истаган одам, хоҳ журналист, хоҳ сайёҳ ёки Англияning оддий фуқароси бўлсин, қатнаша олади.

Парламент мажлислари ўтказиладиган залнинг энг юқорисида кузатувчилар учун маҳсус жой ажратилган. У ердан парламент аъзоларининг баҳслари, гап-сўзлари бемалол эшлитилиб туради. Масалан, биз борган куни парламент аъзолари Боз вазир Тони Блэр ҳисоботини тинглади. Бир томонда — консерваторлар партиясининг вакиллари, иккинчи томонда эса лейбористлар Боз вазир фалиятини, Англияning ўша пайтдаги ички ва ташқи сиёсатини, иқтисодий масалаларни жиддий муҳокама қилдилар. Мен шу пайтгача асқия факат ўзбек ҳалқига тегишли санъат деб юрардим. Ўша мажлисда қатнашиб билдимки, инглизлар ҳам асқиябозлиқда ўзбеклардан қолишмас экан. Парламент мажлисида иштирок этарканмиз, бир нарсани аниқ ҳис қилиш мумкин эди. Бу — депутатларнинг эркинлиги.

Биз Англия ҳаёти, матбуоти, телевидениеси билан танишар эканмиз, бу ерда матбуот — бетарафа қатламнинг ҳақиқий қобиги эканини кўрдик. Бу қобиқ жамиятда эсадиган ҳар бир эпкинни сезади. Унинг учун майда мавзу, катта мавзу деган гаплар йўқ. Унинг энг муҳим вазифаси — инсонга холис ахборот бериш, жамоатчилик фикрини шакллантириш, уни хавф-хатарлардан огоҳлантириш, маълумотли қилиш ва албатта бўш вақтини мароқли ўтказишга ёрдам беришдан иборат. Масалан, биз Лондонга борган кунларимиз «Гардиан» газетаси саҳифаларида уй ҳайвонлари гўштининг ирсиятга таъсири муаммоси кенг муҳокама қилинаётган экан. Мазкур газетанинг кунлик тиражи 401 минг нусха.

Француз файласуфи Вольтер «Эркин-

лик ва мулк — табиат нидоси» китобида эгаменлик концепцияси хусусида фикр юритар экан, бундай деган: «Эгаменлик манбай миллат бўлиб, хар қандай ҳокимият, жумладан, қирол ҳокимияти ҳам ана шу манбага асосланиши лозим. Жамият ҳар бир мансабдор шахсдан унга топширилган бошқарув фаолияти юзасидан ҳисобот сўрашга ҳақли». Бизнингча, ана шу ҳисобот ахборот воситалари орқали берилиши, муҳокама этилиши керак. Вольтер даврида ҳам, ундан кейин ҳам шундай бўлган. Модомики, юртимизда биз фуқаролик жамияти қурмоқчи эканмизми, ахборот воситалари қонунлардагина эмас, амалда ҳам эркин бўлиши керак. Бунинг биринчи шарти — улар хусусий ёки жамоатчилик асосида бошқарилиши лозим. Жумладан, Англияда матбуотнинг 86 фоизи турли гурухлар кўлида; «Ньюс интернейшнел» тасарруфида бутун матбуотнинг 38 фоизи жам бўлган. Бу гурухни Мердок гуруҳи ҳам деб аташади. «Юнайтед» гуруҳида 15 фоиз, Д.Миррорда 20 фоиз, «Асосштайд» экспресс гуруҳида эса 13 фоиз матбуот нашрлари жамланган. Қолган 14 фоиз газеталар либерал газеталар (масалан, «Гардиан», «Таймс» каби) ҳисобланади. Бу гурухларнинг ҳар бири мустақил ахборот қироллиги мақомига эга. Жамиядта юз бераётган ҳар қандай воқеа-ҳодиса, янгилик, сиёсий-иқтисодий ўзгаришлар уларнинг назаридан четда қолмайди. Бу гурухлар учун ўнлаб ижтимоий институтлар, юзлаб агентниклар, минглаб мухбирлар, журналистлар хизмат қилади. Англияда полиция ходимларини жуда кам учратасиз. Воқеа-ҳодиса содир бўлган жойга биринчи бўлиб полиция ходими эмас, балки газета мухбири етиб боради, десалар, ишонаверинг. Шахсан ўзим Лондонда бир ярим ой давомида икки жойда — қиролича саройи бўлмиш Бункенгем ва Понтобелло бозорида полициячиларни кўрдим, холос.

— Ёлғизлик муаммоси ҳам азалий

мавзулардан ҳисобланади, — дейди Жуля кейинги кундаги машғулотда. — Сизларда билмадим-у, аммо бизда бу мавзу ҳақида кўп ёзишади. Ҳатто «Самаритлар» деб номланувчи жамоатчилик ҳаракати ҳам бор. Бу ҳаракат тахминан ўтган асрнинг 50-йилларидан бошлаб фаолият юрита бошлаган. Ҳаракатни доктор Вар номи билан боғлашади. Эмишки, илк бора «ой кўрган» расида қиз касал бўлиб қолдим деб ўйлаб, кўрқанидан ўз жонига қасд қиласди. Қиз жасадини қабрга қўйиш чогида бояги жамоатчилик ҳаракати пайдо бўлади. Фожиавий ҳодиса доктор Варни қаттиқ изтиробга солади. У қизчанинг ўлимига асосий сабаб унинг ёлғизлиги эканини тушуниб етади. Шунингдек, жамият шу пайтгача ўзи англаб етмаган қандайдир ёрдамга муҳтоҷ эканини ҳам доктор пайқаб қиласди. Бу ёрдам асога сунянганча кетиб бораётган йўловчига кўмак беришдан бошланади...

Жуля ушбу жамоатчилик ҳаракати ҳақида сўзлар экан, газетада чоп этилган ҳар бир ахборот, ҳатто мўъжаз мақола ҳам, одамга фикр бериши, уни янгилиқдан хабардор қилиши лозимлигини үқдириб, кичик бир маълумотни қўшиб кетди: иш кунлари Лондон марказига бир миллиондан кўп одам йўл олади. «Лондон транспорти» топилмалар бюроси йилига 20000 та йўқотилган китоб, 11000 та саквояж ва 5000 дона кўзойнак тўплайди. «Айтмоқчи, сизлар истиқомат қилаётган Шаҳзода хиёбонидаги меҳмонхона мижозлари ҳам буюмларини тез-тез йўқотиб туради. Эҳтиёт бўлинглар. Чунки паспорт тизими жорий этилмаган бу мамлакатда бир марта кўлга тушмагунингизча ҳамма нарса қизиқ туялаверади», деб огоҳлантириб қўяди Жуля гапининг ниҳоясида.

Хайрият, биз буюмларимизни ҳам, бошимизни ҳам йўқотмасдан омон-эсон Ўзбекистонга қайтиб келдик. Шаҳзода хиёбонидаги меҳмонхона бизга вақтинча бошпана бўлди, холос.

Jana foro taronabari

Асқар МАҲКАМ

Доғлар кетмиш мажруҳ кўнгилдан,
Маст васваса қўзғамас туғён.
Мен дардимга Техрон гулидан
Чойхонада тополдим дармон...

Сергей Есенин

«МАҚБАРАТ УШ-ШУАРО»ДА

Табриз шаҳрида Исломга қадар ўтган 407 нафар шоир дафн этилган «Мақбарат уш-шуаро» (Шоирлар қабристони) бор.

Исломдан кейин ва ҳозир ҳам бу ерга фақат шоирлар дафн этилади. Сорбонга ўтиндим: «Наҳот «Мақбарат уш-шуаро»ни кўрсатмайсан? Биз бу мозорни зиёрат килмай Табриздан кетмаймиз». Сорбон шумшайди, посбон ҳайрон. «Вақтимиз зиқ», деди кимдир...

Мозорбонга дедим: «Бу ерга фақат шоирлар дафн этиладими?» У «Ха», деди. «Шоҳ ҳам, гадо ҳам қўйилмайдими?» «Йўқ», деди мозорбон. «Бу ерга қўйилган энг сўнгги шоир ким?» дедим. «Шахриёр», деди мозорбон. «Мен ҳам шоирман», дедим маъюс тортиб.

Эй мозорбон!
Эй мозорбон!
Бунча гамгин мозоринг!
Йўлда ётган тош эмасман,
кўрсат менга барини.
Эй мозорбон!
Эй мозорбон!
Бунча қизгин бозоринг!
Менга кўрсат энг аввало
Шамсиiddиннинг¹ қабрини...

¹ Шамс Табризий назарда тутилади.

Эй мозорбон!
Эй мозорбон!
Даҳмаларинг бунча чўнг,
Шунча шоир қандай сиди
бир мозорнинг бағрига?
Эй мозорбон!
Эй мозорбон!
Нечун зарра ишинг йўқ,
Бошли мени энг аввало
Шамсиiddиннинг қабрига,

Эй мозорбон!
Эй мозорбон!
Гўрковингни бир кўрсат,
Фассолингни чорлагин, кўзларига тикилай.
Эй мозорбон!
Эй мозорбон!
Ранжимагин сен фақат,
Шамсиiddиннинг қабрин кўрсат,
тупрогига ииқилай...

Эй мозорбон!
Эй мозорбон!
Йўлим менинг олисдир,
Оёғимда зарра мадор,
тандা зарра қубват йўқ.
Эй мозорбон!
Эй мозорбон!
Билмадим не боисдир,
Бу дунёда менда ҳам бир
Шамсиiddиндек улфат йўқ...

Эй мозорбон!
Эй мозорбон!
Кўнглимда бир заҳм бор,
У Табризнинг тупрогига жуда-жуда ўхшайди.
Эй мозорбон!
Эй мозорбон!
Кўнглимда бир ваҳм бор,
Қулоқ бергил, сўйламасам уни сира бўлмайди.

Эй мозорбон!
Эй мозорбон!
Айтгил, нечук ҳикматдир,
Бу оламда тоқ ўтганни

хок қаърига жам этдинг?
 Эй мозорбон!
 Эй мозорбон!
 Бахтми бу ё кулфатдир,
 Чориққа зор шоирни ҳам
 ўлгач, муҳташам этдинг?
 Эй мозорбон!
 Эй мозорбон!
 Мен ҳам битта шоирман,
 Гарчи яқом чок эмасдир,
 кўнглимда минг-минг чок бор.
 Эй мозорбон!
 Эй мозорбон!
 Оҳ урсам, бу оҳимда
 «Мақбарат уш-шуаро»ни
 уйготгувчи титроқ бор!..
 Эй мозорбон!
 Эй мозорбон!
 Гарчи келдим бош уриб,
 Неча-неча шоирларга макон берган азизга.
 Эй мозорбон!
 Эй мозорбон!
 Изн бергил,
 бош уриб
 жон берайин
 Шамсиiddинни йўқотган бу Табризга...

ХАЙЁМ

Хайём! Бу масжиднинг зар қуббалари
 Нечун тўнтарилган жомга ўхшайди?
 Нечун шайхулисломнинг турбатлари
 Пишиқ гиштдан десам, хомга ўхшайди?..

Хайём! Хаймаларинг чок-чок бўлдиilar,
 Унда ҷумолилар кезар сарсари.
 Сенга қадаҳ сунгани гуллар сўлдиilar,
 Ҳазон маҳлуқига ем бўлди бари...

Хайём! Бу Ишқ надир? Жонни сўроқлар,
 Қўлда тиги, кесар томирларимни.
 Қандоқ чидар сени қўчган тупроқлар,
 Пароқанда айлар хотирларимни...

Хайём! Қадаҳ сунгилки, оташдаман,
Агар үгум тушса, тошлар қуядир.
Гоҳо лаъл лабда, гоҳо қоиданман,
Бари қоним билан жисмин бўйайдир...

Хайём! Мен ҳам битта ошиғи зорман,
Менга хурросонлик ҳурлардан гапир.
Бошим олиб кетай десам, ноҷорман,
Туркистонда қолиб кетди бу факир...

* * *

Табриз шаҳрида бир оқшом мушоира бўлди. Мушоирада Техрон ва Табризниң забардаст шоирлари, ёш афғон қаламкашлари иштирок этдилар. Мушоиранинг бошланиши хийла оғир кечди. Ҳеч ким биринчи бўлиб шеър айтишга журъат қилолмасди...

Табриз тупрогида оғир кечди тун,
Ҳатто шоирларни босди салобат.
Кел, эй, Мавлононинг ҳурмати учун
Менга Шерозийнинг шеърларидан айт!

Табриз тупрогида чайқаларди тун,
Нилий қуббаларда қуръоний оят.
Кел, эй, Табризийнинг ҳурмати учун
Менга Ширвонийнинг шеърларидан айт!

Табриз тупрогида адашгандек тун,
Юлдуз сачрогида шода-шода байт.
Кел, эй, Фирдавсийнинг ҳурмати учун
Менга Шаҳриёрнинг шеърларидан айт!

Табриз тупрогида энг охирги тун,
Май ичмай шоирлар юради сармасст...
Кел, эй, меҳмонингнинг ҳурмати учун
Менга Навоийнинг шеърларидан айт!..

* * *

Қораяди Табриз шомлари,
дарвеш тоглар аста кўз юмар.
Эртакларда ўлмас шоҳларни
пари қизлар ўниб ўлдирап...
Лаб тутаркан бу маккоралар,
оғу билан бўяниб ранги.

Шаҳанишоҳлар, ҳай бечоралар,
жон бераркан ушлаб юрагин...
Қорайганда қора қасрлар
жимжит ҳарам ичра тўлганиб,
Мана, неча-неча асрлар
шоҳлар ётар ерда булганиб.
Балки эртак, балки чин-ёлгон,
нима дердим, менга барибир...
Паривашлар бўярлар ҳамон
огу билан гунча лабларин...

ҲАЗОРА НОЛАСИ

Мусофирман,
гарибман,
билмам...
Табриз, менга афсоналар айт!
Юриб-юриб бунда келибман,
Табриз, менга афсоналар айт!

Аразладинг ва қаро кийдинг,
Қаро зулфинг, қародир қошинг.
Карбалода йиглаб йиқилдинг,
Ҳусайндек кесилди бошинг.

Табриз, менга афсоналар айт,
Тунлар ҳижоб кийганида тек.
Менинг камтири бувим ҳам бир пайт
ҳижоб кийиб юради сендек.

Табриз, менга афсоналар айт,
қаро қошли қизларинг яшир.
Гавҳар денгиз қаърида фақат,
гавҳар ерда ётмайди, ахир.

Табриз, менга афсоналар айт,
мен-да ғариб,
сен-да ғарибсан
Табриз, менга афсоналар айт,
мен-да Табриз,
сен-да Табризсан...

ЎЛГАН ОҚҚУШ

Албурс этагида юксак чинорлар
қўриқлайди собиқ шоҳ саройларин.

Бу ерда бир замон банд жонороллар
қийратиб ўтганлар Текрон ойларин...
Башанг ҳовузларда оққушлар мисол
юзган паривашлар оқ тутун чулгаб.
Шоҳнинг кўксидаги туклари хиёл
тегса, қасрлар-да кетган зириллаб.
Қайноқ эҳтироснинг жўшган қозони,
олтин рабоқларда ёнган лаъллар.
Шоҳнинг тиззасида ётган Текронни
ҳамон хотирлайди бўм-бўш қасрлар...
Энди ширагоҳлар мўлтирас ёлгиз,
наҳсу ҳирс сўнди от кишинашлариdek.
Қоп-қора булатлар чекинди олис,
малика Фараҳнинг ўйнашлариdek...
Текрон таҳоратсиз тонглар ортидан
масжид минорларин кўтарди баланд,
чиқиб кетди хоин «ёр»лар ёдидан
ва сузик қизларнинг охлари дардманд...
Энди чилим тортиб бунда кечалар
ёд этади босриқ тушдек кечмишини.
Чинорлар негадир сирли чайқалар
қасрлар эслатар ўлган оққушни...

ТАБРИЗ МУСЛИМАСИ

Дедим: «Исминг недир, эй моҳитобон?»
Деди: «Исмим ёлгиз Худога аён!»
Дедим: «Наҳот шунча сирлидиришминг?»
Деди: «Сўрма, мени ғуноҳкор қилдинг!»
Дедим: «Осиylарга тўладир дунё!...»
Деди: «Мен билмасман, билар Кибриё!»
Дедим: «Мен шоирман, ҳофиз наслидан!»
Деди: «Мен Табризнинг муслимасиман!...»

ЙИГЛАЁТГАН КЎК МАСЖИД

Йиртилиб ётибди буюк бир масжид,
саганалар турар ўринидик бўлиб...
Худонинг қаҳрими ё бир мустабид
Оллоҳнинг уйига кирмии ёприлиб.
Тикилдим, кўзимга қон тўлди гўё,
масжид бурдаларин кўтаргим келди.
Ахир, бу ўзингнинг уйинг-ку, эй воҳ,

Худованд, масжидда гуноҳ не эди?..
Эҳтимол, салтанат — наҳс босган уйдир,
Эҳтимол, малика — гар ё зинокор.
Худованд, бу ахир байтул-матъмурдир,
не учун айладинг уни хору зор?
Кошинлар юлингган юракдек ётар,
ўйилган кўз каби девор дарзлари.
Бир умр зикрингдан тинмаган зотлар
изи ҳам тўзгандир гирдибод каби...
Қаёқдан билардим?.. Оёсим титраб,
тиёҳдек чўнг девор остида қотдим.
Бизлар-ку қошингда турибмиз ишлаб,
Кўк масжид не учун ишлар, худойим?..

* * *

Тун эди...
Ва Табриз даҳмаларида
мен девон ушлаган руҳларни кўрдим.
Хонларни еб чўккан қалъалариdek
сўнгаклар кечалар тентиради жим...

Тун эди...
Ва мурғак Имоми Маҳдий
зулматга чўкарди гўё беасар...
Табризда ҳар дараҳт бир шоир эди,
сўнг ҳар бир дараҳтни кесди минг лашкар...

Тун эди...
Фалакда ой парча-парча...
Қилич ва бош бунда мангуга бирдек...
Ёр эмас, девонин қаттиқ қучганча
шоирлар тентирадар Шамс Табриздек...

КАНДУВОН

Табриз шимолида, шаҳардан тақрибан эллик-олтмиш чақирим нарида «Кандувон» деб номлангувчи тоғ қишлоғи бор. Бу қишлоқ аҳли қарийб минг йилдан бўён тоғ ўнгиридаги сунъий форларда яшайди. Бу ерда 950 хонадон бўлиб, аҳоли икки мингдан зиёддир.

Бу дунё аслида Кандувон экан,
ҳаётнинг маъниси шунда жамулжам.
Олами вайронга бир работ деган
машоийх қай ҳолда яшаган, билмам...

Валекин Кандубон бир гордир тамом,
 ўйилган кўзлари — туйнук, тирқишидир.
 Молингни ҳайда, эй аҳли мусулмон,
 дунё бу — охират сари юришидир...
 Мен келдим уялиб энгил-бошимдан,
 термилдим бу ялангоёқларга жим.
 Қачондир фаромуш бўлди ёдимдан
 нур эмас, тупрокдан яралганилгим...
 Тур узра тургандек ҳазрати Мусо
 ўқраяр чўққи даҳр нокасларига.
 Кандубон тўлқиндек тупураг ғўё
 дунёнинг бемаъни ҳавасларига...
 Иштонли-иштонсиз, салла-салласиз
 бу ерга келишар аҳли томоша.
 Бақрайиб, сўкиниб маза-матрасиз
 кетишар олифта шаҳарга шоша...
 Кандубон горларин кўзи чуқурдир,
 тубида азалий ҳикмат намоён.
 Эй катта шаҳарлик, юзларингни бур,
 Кандубон мўминдир, Канду — мусулмон...
 Сиргалиб, туртениб, жеркиб юрганлар
 тикилар горларга: «Тирикми булар?..»
 Бир сариҳ хонимга қораси айтар:
 «Оҳ, Худо, баҳшийлар, нуқул баҳшийлар...»
 Ахтариб юргандим дунё тубини,
 тубсизлик қошига келдим ногаҳон.
 Салмоқлаб чўққининг пок тупугини
 дедим: «Бу дунёнинг туби — Кандубон».
 Бўларкан оқ қаср, кўк қасрдамас,
 горларда яшаса бу фоний одам.
 Бирорвинг бошида, орқасидамас
 яшаса бўларкан ўз ҳолича ҳам...
 Эй дунё золлари!
 Эй тақаббурлар!
 Эй сутда ҷўмилиб, сипқорганилар жом!
 Сизни ҳам емоқча шайдир қубурлар!
 Сизни ҳам ер ютар бир кун батамом!..

Дилфузা РАҲМАТУЛЛАЕВА

O'z davri tafakkuri mahsuli

Маълумки, Алишер Навоий сиймоси кўп асрлардан бери қалам ахлини тўлқинлантириб, янги-янги изланиш ва тадқиқотлар олиб боришга, унинг бадиий тимсолини яратишга ундаб келмоқда. Буюк мутафаккир образини саҳна асарлари орқали гавдалантириш айниқса фоят масъулияти вазифа (чунки асар саҳнага чикса, уни минглаб томошабин кўради) хисобланади. Бу борадаги дастлабки қадамни шоир ва драматург Ўйғун ҳамда адабиётшунос Иззат Султон («Алишер Навоий» драмаси) кўйған эди. Кейинчалик Иноят Махсумовнинг «Навоий Астрободда», Восит Саъдулланинг «Салтанат ларзада», Жўра Маҳмуддинг «Адолат куни» пьесалари дунёга келди. Бу асарларнинг ҳар бири ўзига хос услуби ва жанр талабларига мувофиқ талқини билан ажраби туради. Лекин Ўйғун ва Иззат Султон қаламига мансуб драма узоқ йиллардан бўён саҳнадан тушмай келаётган асар сифатида алоҳида ўрин тутади.

Асарнинг бундай муваффақиятига сабаб — муаллифларнинг Алишер Навоий образини яратишга катта масъулият билан ёндашганларидадир. Адиблар улуғ зот сиймосини бадиий адабиётга олиб киришдан аввал Навоий асарларини кунт билан ўрганганд, драма воқеаларини тарихий манбалар асосида ривожлантиришга интилган. Асар биз билган ҳолга келгунга

кадар бир неча бор қайта ишланган ва ниҳоят, 1945 йилда Ҳамза номидаги театрда (дастлабки намойиши 1 апрелда бўлиб ўтган) саҳналаштирилган. Ушбу намойишдан сўнг авж олиб кетган муҳокамаларда ҳукмрон мафкура нуқтаи назаридан ёндашган танқидчилар, тарих ҳақиқатини бузиб бўлса-да, Навоий ва Ҳусайн Бойқаро муносабатларини кескинлаштириб кўрсатишни талаб қилган. Уларнинг фикрича, ўта идеаллашиб кетган Навоий образи шундай қилинсагина ҳаётий прототипига яқинлашар эмиш. Тўғри, муаллифлар, саҳналаштирувчи режиссёр — Маннон Ўйғур ва театр жамоаси бунга қаттиқ қаршилик кўрсатган. Бироқ қайта-қайта муҳокамалар ва талаблар режиссёрни ён беришга мажбур қилган. Натижада спектаклда Навоий ва Бойқаро ўртасидаги муносабатлар анча кескинлаштириб, зиддиятлар бўрттириб талқин этилган. «Ҳар кече кўйилганда спектакл турли тўсиқларга дуч келар эди. Муҳокамалардан бирида Ойбек қатнашгани ва Навоий билан Ҳусайн Бойқаро ўртасидаги кескинликни юмшатишин илтимос қилгани эсимда», деб хотирлайди Зикир Мухаммаджонов (З.Мұхаммаджонов. «Кўнгил сафари». «Халқ сўзи», 2001 йил, 9 февраль).

Бундан ярим аср илгари саҳна юзини кўрган бўлса-да, томошабин эътиборидан

тushmanai kelaётган ушбу асардаги Навоий билан Ҳусайн Бойқаро муносабатлари ҳаётий ҳақиқатга яқинми, деган саволга ҳали-ҳануз аниқ бир фикр билдирилганийк. Биз ушбу мақолада баҳолиқудрат икки буюк шахс ўртасидаги муносабатларни тарихий манбалар асосида ўрганиб, унинг драматургиядаги инъикоси масаласига ойдинлик киритишини мақсад қылдик.

Адабиётимизнинг буюк асосчиси ҳақида асар ёзишга киришар эканлар, драма муаллифларини шоир ҳаёти ва ижодининг барча тафсилотлари эмас, кўпроқ Навоийнинг ҳокимиятга, шохга бўлган муносабати қизиқтирган. Драматургларнинг меҳр-муҳаббатидан асосан Навоий образигина баҳра олган, Ҳусайн Бойқаро образи эса бундан бутунлай маҳрум бўлган.

Жуда кўп тарихий манбалар Алишер Навоий билан Ҳусайн Бойқаро ўртасидаги муносабатлар ҳақида маълумот беради. Энг муҳим манба, аввало, бу улуғ зотларнинг ўз асарларидир. Алишер Навоийнинг «Мажолис ун-нафоис» асарида шундай фикрлар бор: «Салтанат баҳрининг дурри яктоси ва хилофат сипехрининг хуршеди жаҳонороси, саховат ҳавосининг абри гуҳарбори ва шикоат бешасининг ҳузабр шикори, адолат чаманининг сарви сарбаланди ва мурувват маъданининг гавҳари аржуманди, кўшиш размогоҳининг Рустами достони ва баҳшиш базмогоҳининг Хотами замони, фасоҳат илмининг нукта бирла сеҳрсози ва балофат жаҳонининг диққат бирла мўъжиза пардози — Султон ус-салотин Абулғози Султон Ҳусайн Баҳодирхон —

*Ким мулки, давоми то қиёмат бўлсун,
Зотига бу мулк узра иқомат бўлсун,
Адл ичра тарийқи истиқомат бўлсун,
Оlam аҳли учун саломат бўлсун».*

(Алишер Навоий. «Мажолис-ун нафоис». Муқаммал асарлар тўплами, 13-жилд. Тошкент, 1997 йил, 173-бет.)

Алишер Навоий Ҳусайн Бойқаро шаънига юқорида тилга олинган асарининг бутун бир боби — саккизинчи мажлисини бағишинар экан, унда таҳт соҳиби ҳақида меҳр билан тўлиб-тошиб фикр юритган.

Алишер Навоий Ҳусайн Бойқаро қаламига мансуб «Рисола»дан таъсирланиб,

унга жавобан «Назм ул-жавоҳир» номли асар ҳам ёзган. Унда Ҳусайн Бойқаронинг миллат маданий ҳаётида тутгани ўрни ва марҳаматига алоҳида эътибор берилган. «Навоий Ҳусайн Бойқаронинг ижод ахлига кўрсатган беадад иноят ва марҳаматларини мақтайди, жумладан, ўзига бўлган эътибор, хурмат, «Рисола»даги таърифу баҳоларга шукргузорлик изҳор қиласи. Бу эътирофлар шундайин хокисорлик билан изҳор қилинадики, бу ҳол матн зимнидаги foявий ниятни идрок этиш, шоир руҳиятидаги кўтаринки бир кайфиятни илғаб олишга кўмак бергандек бўлади». (С. Ганиева. «Ҳар бинни тўрт дури гавҳар дегил». «Имом ал-Бухорий сабоқлари», 2001 йил, 3-сон.)

Уйғун ва И. Султоннинг «Алишер Навоий» драмасида Навоийнинг Ҳусайн Бойқарога муносабатида юқоридағи руҳнинг устувор бўлишига эътибор қаратилган. Ҳалқ исенёни бостириша, тож-таҳт учун Бойқарога қарши курашга бел боғлаган Ёдгорбекни тинчтишида, салтанатга қарши бош кўтарган Бадиуззамонни ота билан яраштириша, ўз иниси Дарвешалининг кўзғолонини бартараф этиш юзасидан шаҳаншоҳ Фармонларини бажариш борасидаги хатти-ҳаракатларда ана шундай самимият балқиб туради.

Бироқ асарда Навоий қанчалик сultonга садоқатли бўлмасин, ундан факат жафо кўради. Булар Ҳусайн Бойқаро ҳалқ фаровонлиги йўлида берган ваъдаларнинг пуч эканини англаб етганида, севгилиси Гулининг ҳарамга олиб кетилганида, Жалолиддиндек асл инсоннинг боши олинганида, Мўмин Мирзонинг қатл эттирилишида, иниси — адолат учун курашувчи Дарвешалининг зиндонга солинишида айниқса яққол намоён бўлади. Ҳалқдан олинидиган солиқларнинг кўпайтирилиши, зулмнинг кучайиши, ноҳақ курбон бўлган-





лар — барчабарча си икки дўст орасидаги низони кескинлаштириб, уни авж нуқтага олиб чиқади.

Бу икки шахс ўртасидаги бу қадар кескинликнинг тарихий замини асарда қаламга олинган да-

ражадами? Таниқли тарихшунос Бўрий Аҳмедов Ҳусайн Бойқаро ва Алишер Навоий муносабатлари ҳақида фикр юритар экан, шундай ёзади: «Султон Ҳусайн Бойқаронинг бахти шунда эдик, у то умрини охирига қадар давлат ишларида Алишер Навоийга суюнди, ҳазратнинг маслаҳатларини ерда қолдирмади. Аслида, Султон Ҳусайннинг буюклиги ҳам мана шунда — Навоийдан узоқлашмаганида. Темурийлар салтанатига Ҳусайн Бойқаро подшохлик қилган йиллар тарихи синчилкаб ўрганилган пайтда қай бир зот — Алишер Навоийми ёки Султон Ҳусайн Бойқароми, ҳақиқий подшоҳ эканини билиб бўлмайдиган ҳолатлар анчагина учрайди» (Б.Аҳмедов. Уша китоб, 247-бет).

Навоий Бойқаро саройида аввал мухрдор, сўнгра бош вазир мансабига (1472) тайинланган. Бойқаро Навоийни шунчалик юкори кўяр эдик, машхур тарихчи олим Хондамирнинг «Ҳабиб ус-сияр» асарида таъкидланишича, султон томонидан «Олий дараражадаги амирлардан амир Музаффар Барлосдан бошқа ҳеч ким амир Алишердин аввал мухр босмасин», деган хумоюн ҳукм эълон қилинди» (Б.Аҳмедов. Уша китоб, 248-бет).

Драмада эса бутунлай ўзгача вазият кўзга ташланади. Унда Ҳусайн Бойқаро иродасизлиги туфайли вазир ва бекларнинг Навоийга қарши фитнасига учиб, яъни салтанатдан араб қолиш хавфидан кўркиши натижасида дўстини Астрободга сургун қиласи. Тўғри, Навоийнинг Астро-

бодга ҳоким қилиб юборилиши драматурглар томонидан тўқиб чиқарилмаган. Бу — бор гап.

Навоий паноҳида катта бўлган тарихи Хондамирнинг «Ҳабиб ус-сияр» асарида бу ҳақда қизиқарли маълумотлар учрайди: «892 йилнинг қиши фасли (1487 йил) ... (подшоҳ) султон ҳазратларининг яқин дўсти Низомиддин Алишерни дорулфатҳ Астрободнинг ҳокимлиги билан сарафroz этишга майл қилди. Равшан дилидаги сирни тўғри тадбирли амир олдида ўртага кўйганда, тангрига шукурким, аввал тариқат сулукига муҳаббати ортиклигидан муаттар хотирига хоқонийнинг мухим ишларига кафил бўла олиши ва бу амирни қабул килиши хусусида оғиз очмади. Лекин ўтиниб сўрагандан ва муболагадан сўнг рози бўлди. Олампаноҳ даргоҳининг мулоғимларидан амир Низомиддин Бобо Али ва амир Бадриддинин бирга олиб кетди. Амир Алишер Астрободга яқинлашиши билан амир Мўғул шаҳарни (Журҷонни) бўшатиб чиқди ва азимат байроғини Марвга қараб кўтарди. Адолат хислати Амирнинг ҳашаматли келиши билан Астробод гулзорлари Эрам гулистонининг рашкини келтирадиган бўлди. Сайидлар, уламо, шарофатли кишилар фахрланилар, раият ва деҳқонлар ушбу адолат ва инсоғ нури билан зулму истибоддан најот топиб, эмину омонлик тўшагида роҳат топдилар. Мозандарон, Рустамдор ва Филон вилоятларининг ҳокимлари ул жанобнинг ҳукумат тепасига келганини эшитиб, бўйинларини итоат ҳалқасига солдилар ва Астрободга элчилар юбордилар» (Б.Аҳмедов. Уша китоб, 247-249-бетлар).

Бу эътирофдан очик кўриниб турибидики, Навоийнинг Астрободга юборилиши, драмада кўрсатилганидек, сургун эмас, балки Бойқаронинг раият ишларини йўлга солиши мажбуриятидан келиб чиқкан тадбир эди. Зеро, айнан шу йўл билан сарҳадлар осойишталиги таъминланди, яъни ҳужумга тайёрланаётган амир Мўғул Алишер Навоий Астрободга яқинлашгани хусусидаги хабарни эшитиши билан қўшини олиб Марв томон йўналтириди. Шу пайтга қадар бўйсунишни истамаётган қўшни вилоятлар — Мозандарон, Рустамдор ва Филонлар итоат этиб, ўз элчилари Астрободга юборади. Шу тариқа Сул-

тон Хусайн Бойқаро салтанатнинг шимолий чегараларига хавф солиб турган дашти-қипчоқлардан ва Мулки Ажам томонидан хавф туғдираётган жалойирлардан қутулиш учун энг мақбул йўл танланган. Хусайн Бойқаро эса Навоийнинг нафақат салтанат ичкарисида, балки салтанат ташқарисида ҳам обрў-эътибори жуда юкори эканини яхши билган.

Агар Султон Хусайн Бойқаро 1478 йилда салтанат осоиишталигини кўзлаб Навоийни Астрободга ҳоким этиб тайинланган бўлса, кейинчалик — ҳазрат кексайиб қолган кезларда ҳатто ҳаж сафарига боришига ҳам розилик бермайди, бунинг натижасида ўртда парокандалик бошланиб кетишидан хавфсирайди. Охир-оқибат Навоий улус осоиишталигини ўйлаб, бундай улув сафардан воз кечади.

Бундан кўринадики, Алишер Навоий султон саройида жуда юксак қадрланган.

Биз, албатта, драматургларнинг қаҳрамон яратиш борасидаги маҳоратларини шубҳа остига олмоқчи эмасмиз. Зеро, асар муаллифлари (айниқса, Иzzat Султон) Навоий ижодининг ийрик тадқиқотчи-си эди. Юқоридаги тарихий соҳталаштириш сабабларини эса асар яратилган давр сиёсатидан, унинг ҳукмдорлар — шоҳларга муносабатидан қидирмоқ лозим. Буларнинг натижаси ўларок, драмада Хусайн Бойқаро образи бирёклима акс эттирилди ва у анча иродасиз, калтабин шоҳ сифатида намоён бўлди. Тарихий ҳаётга бундай ёндашув оқибатида нафақат Бойқарога, шу билан бирга, Навоий сиймосига ҳам соя ташланган. Умуман, Навоий ва Хусайн Бойқаро муносабатларини нафис ва нозик муносабатлар эди, десак, хато қилмаган бўламиз. Бизгача етиб келган бир қатор тарихий манбалар ҳам ушбу мулоҳазамизни тасдиқлайди.

«Алишер Навоий» драмасининг 1991 йилги янги талқинида бу икки шахс ўртасидаги сунъий кескинликларни юмшатишига интилишни кўрамиз. Саҳналаштирувчи режиссёр Турғун Азизов таклифига кўра, асар муаллифларидан бири — драматург Иzzat Султон пьеса моҳиятига путур етказмайдиган баъзи бир ўзгартиришлар қилган. Шундан сўнг асаддаги зиддият икки

шахс орасида эмас, балки салтанат билан шоир, эзгулик ва ё вузлик ўртасида ги қара-ма-қаршилик сифатида намоён бўлади. Алишер Навоий ва Хусайн Бойқаро образла-

рининг анъанавий талқинларидан фарқли ўлароқ, бу гал ҳар бир образни иккитадан актёр ижро этди. Бу талқин орқали юқоридаги образларнинг ёшлиги ва кексалиги орасидаги фарқлар, спектаклнинг дастлабки ва сўнгги воқеалари орасида ўтган катта даврни таъкидлаш имконияти туғилди. Тан олиш лозим, янги талқинда Навоийнинг инсоний хислатларини кучайтириш учун бир қатор янгиликлар қилинган бўлса-да, бироқ Хусайн Бойқаро образи ўз холича қолган, у яна иродасиз ва узокни кўра олмайдиган шахс сифатида гавдалантирилган.

Асарнинг янги талқини Уйғун ва Иzzat Султон яратган «Алишер Навоий» драмасига жуда кўп ўзгартиришлар киритиб бўлмаслигини, бир давр тафаккури маҳсули бўлган асарни янги замонга мослаш қийин эканини кўрсатди. Зеро, ҳар қандай жузъий ўзгартириш ҳам унинг бадииятига путур етказади. Асар ўз даврига муносабиб ёзилгани ва ўша замон талабларини ҳисобга олган ҳолда саҳналаштирилгани боис, унга киритилган ҳар қандай ўзгартириш ўзини оқлайвермайди. Демак, Навоий ҳақида энди янги саҳна асарлари ёзилмоғи лозим. Назаримизда, Хусайн Бойқаро ва Алишер Навоий муносабатларининг ўзи бир қатор драматик асарлар учун манба бўлади. Зеро, бу мавзуга қай томондан ёндашманг, у ўзининг янги хусусиятларини намоён қиласеради.



Аҳмад АБДУЛЛАЕВ

RUDAKIYI SONIY


Дунё тамаддунининг қадимий ва бетакор ўчоқларидан бири бўлган Термиз замини буюк алломалари, маърифатли зотлари билан шуҳрат қозониб келган. Шундай мўътабар сиймолардан бири Шаҳобиддин Адиб Собир Термизийдир. Ул зот 1078 йилда кўхна Термизнинг Дуоба маҳалласида таваллуд топган. Отаси Адиб Исмоил шоир ва фозил киши бўлган. Унинг обрў-эътибори баланд экан. Шу боис Адиб Собир ўз даврида Собир бин Исмоил номи билан ҳам шуҳрат қозонган. Адиб Собир Термизий ижоди гуллаб-яшнаган XII асрнинг биринчи ярмида Мовароуннаҳрда истиоралар билан тўла мураккаб ироқий шеърий услугуб расм бўлган эди. Термизлик шоир бундан фарқли ўлароқ ўзининг содда услуби билан машҳур бўлди. Бу халқона услубда ёзиш анъанаси асли Рудакийдан бошланган эди. Шу боис Адиб Собир замондошлари томонидан Рудакийи Соний, яъни Иккинчи Рудакий лақаби билан ҳам ном қозонган.

Адиб Собир даври — форс-тоҷик шеърияти юксак чўққига кўтарилган давр эди. Шунинг учун XI-XII асрларда Самарқанд, Марв, Чагониён, Урганч, Нишопур, Исфахон, Лоҳур, Фазна ва Термизда ўзига хос адабий мактаблар мавжуд бўлган. Кўпгина шаҳарларнинг қози, раис, ноиб ва бошқа амалдорлари ҳамда нақиб-сайидлари ўз қалъа ва саройларига шоирларни таклиф қилиб, уларни ижодга рағбатлантирар эди.

Адиб Собир Термизий ана шундай мухитда мадраса таҳсилини олди ва шоир сифатида машҳур бўлди. Эл назарига тушганидан кейин уни термизлик улуғ сайид Мажидиддин Абулқосим Али бин Жаъфар Мусавий хизматга жалб этади.

Ушбу зот мансуб бўлган сайидлар Термизнинг қадимий хонадонларидан бўлиб, мазкур шажара асосчиси Ҳасан ал-Амир Жаъфар бин Убайдуллоҳ бин Ҳусайн Алидир. Ҳасан ал Амир 850 йилда Арабистондан Самарқандга, кейинроқ Балхга ва сўнгра Термизга кўчиб келади. Умрининг охиригача шу ерда яшайди. Иyllар ўтиб унинг наслидан машҳур термизлик сайидлар сулоласи вужудга келади. Бу орада Арабистондан яна айрим мўътабар сайидлар кўчиб келиб, бу сулола ривожига ҳисса қўшади.

XI-XII асрларда, яъни Адиб Собир яшаган даврда Термизда сайидлар сулоласи ниҳоятда шуҳрат қозонган эди. Шаҳарни бошқариш асосан уларнинг зим-



масида эди. Бу сулола раҳбари “нақиб” деб номланарди. Нақибларнинг баъзилари халифанинг ноиби дараҷасига етган эди. Жумладан, Адип Собир Термизийнинг мамдӯҳи (мадҳ этадиган кишиси) Мажидиддин Абулқосим Али бин Жаъфар ҳам XII асрнинг биринчи чорагида Термиз саййидлари орасида нақиблик мақомига эришган эди. У баланд мартабали инсон бўлгани боис салжуқий ҳукмдорлар томонидан Термиз шаҳрининг ноиби ҳам бўлади. Термиз XII асрнинг биринчи ярмида салжуқийлар сулоласига тобе эди.


Адип Собир мазкур нақиб ва саййид хизматида бўлган. Бунга сабаб, биринчидан, саййиднинг хурматиззати ва шоирнинг саййидларга бўлган ихлос-эътиқодидир. Иккинчи томондан, саййидлар вакили шоирни ўз ҳузурига неча бор ишга таклиф этади. Саййид шу тариқа саройдаги адабий мухитни жонлантириб, маърифат ривожига ўз хиссасини кўшмоқчи бўлади. Адип Собир ноибни меҳр ва садоқат илиа мадҳ этиб, унга сидқидилдан хизмат қиласиди. Унинг фикрича, Мажидиддин Абулқосим Али шу қадар яхши сифат ва эзгу хислатларга эга эканки, ул зот ҳакида шеърлар ёзиш хайрли ва савоб ишлардан эди. Шоирнинг ёзишича, саййидлар вакили замонасининг улуғларидан бўлиб, насл-насад жихатидан пайғамбаримиз Мұхаммад алайхиссалом хонадонига бориб боғланган. Адип Собирнинг қуидаги байтларида бунинг тасдиғини кўриш мумкин:

Вориси Жаъфари Содиқ Али бин Жаъфар,
Он, ки сад шоҳ сазад ноиби як Жаъфари ў.
Он худованд, ки Ҳайдар дилу Зухро наасаб аст
Шайъати Ҳайдару Зухро ҳама хидматгари ў,
АЗ маолио маони чи тамаъ дори аз он, ки
Алию Фотима бошанд падару модари ў.

Яъни: Имом Жаъфар Содиқнинг меросхўри — Али бин Жаъфардир. Юзлаб шоҳлар унинг бир ноиблигига тенг келмайди. У улуғ инсондир, қалб қуввати ила Ҳайдарга (Алига) ўхшаб, наасаб жихатидан Зухрга бориб туташади. Барча тенг мазҳабли Али ва Зухро тарафдорлари эса унинг хизматкорларидандир. Сен маънолар ила олийлик борасида ундан нима таъма қилмоқисанки, Али ва Фотима унинг отаси ва онасиdir.

Адип Собирнинг сўзларидан шу нарса аён бўладики, Мажидиддин Абулқосим Алининг наасби Имом Жаъфар Содиққа бориб тақалади. Ул зотнинг «Ал Мусавий» лақабини олиши эса имом Мусо Ризо ҳазратлари наслидан эканини билдиради. Ҳазрати Али, Фотима ва пайғамбаримиз Мұхаммад Мустафо ул зотга аждод хисобланади.

Мажидиддин Абулқосим Али — Термиз саййидларининг нақиби ва Термиздаги салжуқийлар ноиби — диний, илмий ва сиёсий ишлар билан бирга шоирлик ва ёзувчилик билан ҳам шуғулланган. Адип Собир ноибнинг бу борадаги фаолияти тўғрисида маълумот бериб, ул зотнинг насрุ назм, китобу дафтар соҳиби эканини таъкидлаб ўтади. Шоирнинг изоҳ беришича, мазкур шахс Термизда ноиб сифатида қалья қурдириб ёхуд эски қальъани обод қилиб, унда бирмунча аскар ҳам сақлаган ва ўзи амр-фармон билан машғул бўлган. XII асрнинг биринчи ярмига тааллукли ушбу маълумотлар Термиз тарихи учун янгилик сифатида хизмат қилиши мумкин. Шу боис Адип Собир нақиб ва ноиблик мартабасидаги ҳамشاҳридан ҳақли равишда фахрланган. Адип Собирнинг фикрича, унинг мадҳиялари пайғамбаримиз вориси бўлган ушбу илм ва дин намояндаси ҳакидаги садоқатли кутловлардир. Шунинг учун шоир ўз қасидаларини «пайғамбар аҳли байтининг мадҳияси» деб билади ва бу ҳакда шундай дейди:



*Маддохи аҳли байти пайғамбар мораст ном,
Ман донам аз жаҳон шарафи ҳоли аҳли байт.*

Яъни: мен пайғамбар хонадони аъзоларининг маддохи, мадҳ этувчиси деб ном олдим. Зеро, бу дунёда пайғамбар аҳли байтининг шарафли ишларини фақат мен биламан.

Таъкидлаш керакки, собиқ шўро мағқураси ҳукмронлиги даврида «маддоҳ», ўринсиз равиша, салбий маъно англатадиган сўзлар сирасига кириб қолган эди. Бу динга ва динни тарғиб этувчиларга даҳрийларча муносабат натижаси эди. Ҳолбуки, маддоҳ, яъни мадҳ этувчи деган сўзда ҳеч қандай салбий маъно йўқ. Шу боис Адиб Собир ўзининг маддоҳлигидан фахрланади. Мажидиддин Абулқосим Алининг таъриф-тавсифи, сирасини айтганда, Адиб Собир Термизий қасидаларида ниҳоятда кенг қамровли ўрин тутади. Шоирнинг таъкидлашича, у мазкур саййидга бағишлаб юзта қасида битган. («Ба сад қасида туро хондаам ҳалиму карим — юз қасидада сени юмшоқ табиатли ва ҳиммати баланд киши деб айтганман».) Аммо бу қасидалардан фақат саксонтаси бизгача етиб келган. Булардан ташқари, шоирнинг таркиббандлари, қитъалари ва ҳатто fazаларида ҳам мазкур шахснинг таърифи етакчи ўрин тутади.

Бу мадҳияларда Адиб Собир саййидлар вакилини таърифлашда «Хурросон мулкининг раиси», «имомат давомчиси», «адолат қоидаси», «муҳтожлар ҳомийси», «пайғамбар хонадони арбоби», «шарқ ва гарб саййидларининг сарвари», «айтганлари юононча ҳикматли сўзларга монанд», «нутқи эса Занд-Авесто маъноларини эслатади», «ул зот бузрук инсон, баланд мартабали олим ва сардор», «назм, наср қалам ва китоблар соҳиби», «маҳфилларнинг тождори», «сиёсатшунослик, раҳбарлик қабул қилиш, рад этиш, тұхфа-ҳаджалар бериси борасида тенги йўқ инсон», «мусавийларнинг (Ином Мусо Ризо назарда тутилган) улуғ Махдуми ва йўлбошлиси», «оламга машҳур саййид ва амир», «ислом динининг шарофатли намояндаси», «шарқ ҳокими ва гарб муфтийси», «жамики фозилларнинг ҳожатбарор қаъбаси» каби мактов сўзлардан кўп фойдаланган. Шоирнинг Мажидиддин Абулқосим Алининг фарзандлари, қавм-қариндошлари ва термизлик бошқа улуғ саййидлар ҳақидаги байтларида ҳам бундай иборалар ишлатилади.

Адиб Собир термизлик саййидларни таърифлар экан, муболага санъатига камроқ мурожаат қиласи. У зоти пок ва ҳалол инсонлар ҳақида ортиқча муболага қилиш ножоиз деб билади. Адиб Собирнинг саййидларга атаб ёзган қасидаларида одоб-ахлоқ, тарбия, инсонпарварлик ҳақида ибратли гаплар кўп. Адиб Собир ушбу мадҳиялар орқали илм эгаси бўлган маърифатпарвар инсон тимсолини яратган. Шу тариқа ўз даврида Мажидиддин Абулқосим Алига ўхшаган комил ва қобил инсонлар кўпайишини мулк, давлат ишлари уларнинг кўлига ўтишини истайди. Унинг назаридаги, шундагина мамлакат обод, унинг тинчлиги баркарор бўлиши мумкин эди. Адиб Собирнинг ижодкор ва файласуф сифатидаги орзуниятлари ана шу гояда мужассамлашган. Мажидиддин Абулқосим Али Термиз ва унинг атрофини обод қилишга катта эътибор берган. Унинг ташаббуси билан Термизда бир қанча масжид ва мадрасалар, боғ ва гулзорлар, хиёбонлар барпо этилади. Адиб Собир Термиз шаҳрининг ўша пайтдаги қиёфасини шундай таъриф этади:

*Дар замони адлу динаш Тирмизу атрофи ў
Карху, Бағдод аст пиндорию Мисру Бобил аст.*

Яъни: адлпарварлик ва динпарварлик ҳукм сурган Абулқосим Али даврида Термиз ва унинг атрофи ободонликда Бағдодга, кўркамликда Кархга, тараққиётда Мисрга ва шуҳратда қадимий Бобилга ўхшаб кетди.

Албатта, бу мисраларда бир оз муболага ҳам йўқ эмас. Аммо улар ўша даврда Термизда катта ободончилик ишлари амалга оширилганидан далолат беради. Агар Термиз ҳақиқатан ҳам улуғвор қиёфа касб этмаганида, бу фикрлар юқ

сак пардаларда айтилмаган бўларди. Термиз ноиби Мажидиддин Абулқосим Али XII асрнинг биринчи чорагида шу тариқа ўз она шахрини халифалик пойтахти бўлмиш Бағдод каби обод қилиш истаги билан яшаган. Буларнинг ҳаммаси адид Собирни илҳомлантириб юборган. У ана шундай илҳом билан жўшиб, Мажидиддин Абулқосим Алининг Термиз ва умуман, Мовароуннаҳр тараққиётига қўшган ҳиссасига қуйидагича баҳо беради:

*Баста күшояд инояти ту ба Тирмиз,
Фитна нишонад хитоби ту ба Самарқанд.*

Яъни: сенинг инояting или Термиздаги барча тугунлар бир зумда очилиб кетади, амру фармонинг туфайли Самарқандда кўтарилиган фитналар барҳам то-пиб, у ерда осойишталик ҳукмрон бўлиб қолади.

Мажидиддин Абулқосим Алининг кенг кўламли фаолияти натижасида Термизда расадхона қурилган эди. Бу ҳақда Адид Собир шундай маълумот беради:

*Расад, ки аз хулафову мулук асар монад,
Ба рўзгори ту ўро падид шуд итмом...
Бад-он вилояти Тирмиз, ки ҳаст ҳазрати ту,
Зи бими фитна мусаллам шавад чу дар ислом.*

Яъни: расадхонаким, халифалар ва подшохлардан нишона қолар, сенинг даврингда (сенинг фаолияting билан) бу муҳташам бино барпо этилди... Шундай ишлар ва умуман сенинг мавжудлигинг туфайли ислом даврида Термиз фитналар журлардан ҳамиша эмин бўлиб, омонлик топиб келмоқда.

XI-XII асрларда илминужум ривожланиши ва астрологик ҳукм ва тахминларга бўлган эътибори натижасида Хурросон, Мовароуннаҳр ва Ироку Эроннинг машхур шаҳарларида расадхоналар бунёд этилган. Бу эса ўз навбатида ободончиликка хизмат қилган. Масалан, XI аср ниҳоясида барпо этилган Исфаҳон расадхонаси шулар жумласидан эди. Бу расадхонада Лавкарий, Исфизорий, Умар Ҳайём, Воситий каби даврининг машхур олимлари ижод қилган. Бу академияда Ҳайём раҳбарлигида «Зики Маликшохий» номли жадвал ва астрономик тақвим тузилиб, жорий этилган. (Адид Собир ўз шеърларида мазкур академия ва унинг олимлари ҳақида эҳтирос билан фикр юритади). Шунингдек, XI аср бошида Хоразм ва Бағдодда ҳам расадхоналар фаолият кўрсатган. XII асрнинг бошида Мажидиддин Абулқосим Али томонидан бунёд этилган Термиз расадхонаси ҳам шулар жумласидан эди. Бу расадхонада ён атрофдаги худудлардан олимлар йигилиб, коинот сирларини ўрганиш билан шуғулланган. Адид Собир ҳам бу илмий марказга қатнаган. Бу ҳақда унинг шеърларида ишоралар мавжуд. Шунинг натижаси ўларок, Адид Собир бир қасидасида шоирлик санъатини иккинчи даражали машгулот ҳисоблаб, ўз илмий салоҳияти ва асарларини ундан устун қўяди. Шоир Мажидиддин Абулқосим Алига бағишлиланган яна бир қасида-сида расадхона тўғрисида қуйидагиларни ёзади:

*Расад, ки рост ниҳодий миёни аҳли нужум,
Вужуд ёфт ҳисобе, ки дошт ба адам.*

Яъни: мунажжимлар учун сен барпо этган расадхонада йўқ бўлиб кетадиган барча ҳисоб-китоблар ўз ҳолига келиб, қоида ва низомга киритилди.

Шу тариқа Адид Собир Термиз ноиби Мажидиддин Абулқосим Али амалга оширган кўплаб маданий-маърифий ишларнинг гувоҳи бўлади. Улардан ҳайратланиб, илҳомланиб қасидалар ёзади. Аммо термизлик бу икки инсон — шоир ва ноиб ўртасидаги ҳамкорлик доимий давом этмайди, орада узилишлар пайдо бўлади. Сайид Мажидиддин Абулқосим Али Термизнинг шони учун ҳар нима-ки қўлидан келса, ижро этди. Бу шаҳарда расадхона, қалъа-қўргон, масжиду мадрасалар бино эттириди. Дарё кўрфазини обод қилди, у ерда янги карvonсаной қурдирди. Термиздаги саййидлар маҳалласи Салеҳободни ободонлашти-

ришга катта ҳисса қўшди. Бу маҳаллада бутун Хурросон ва Мовароуннахрга ном таратган улуф саййидлар яшагани боис ён-атрофдаги қишлоқ ва шаҳарлар уларнинг нақиблиги остида равнақ топарди.

XII асрнинг йигирманчи йилларида мана шу файзли муҳитга жаҳолат ва муноғиқлик чанг солди. Аллома Абулқосим Алиниңг бошига тушган фожиалар бунга сабаб бўлди. Бунинг дастидан бу инсон ҳибсга тушди. Адид Собирнинг балхлик (кейинрок хоразмлик) шоир дўсти Рашидиддин Ватвот бу ҳақда маълумот берган. Ватвот Адид Собирнинг ўша кезлари ёзилган бир қасидасига жавоб қайтариб, мазкур воқеага батафсил шарҳ берган ва бу хусусда дўсти Адид Собирга таскин ва тасалли берган. Адид Собирнинг ўзи ҳам шеърларида мазкур ҳодисани алам билан баён этади. Рашидиддин Ватвотнинг бошқа бир қасидасидан маълум бўладики, Мажидиддин Абулқосим Али ҳисбда кўп турмаган, бир неча ойдан кейин озод бўлган. Аммо бу аламли воқеа сабаблари ҳақида Адид Собир ва Рашидиддин Ватвот ҳам, тазкиранавислар ҳам ҳеч нарса демаган. Шу тариқа ҳамманинг ҳурматига сазовор бўлган инсон тўсатдан ҳибсга тушиб қолгани ва нақиблик ва ноиблик мансабларидан бир йўла озод бўлгани сирлигича қолади. Ҳолбуки, бу инсонни салжуқийлар давлатининг улуф шохи — Султон Санжар ҳар доим қўллаб-куватлар ва уни «биродарим» деб эъзозлар эди. Султон Санжар саййидга қаттиқ ихлосу эътиқод қўйганди, ул зотни ўзининг пиру муршиди сифатида ҳурмат қиласарди. Шу боис саййидни гоҳ-гоҳида ўз қароргоҳига таклиф қилиб, тухфаю инъомлар берарди, унинг шарафига катта зиёфатлар уюштиради. Баъзан Термизга ташриф буюриб, ул зотнинг ҳурматини бажо келтиради. Адид Собир ўз қасидаларида бу ҳақда кўп эслаган:

Агарчи беҳтарини ҳалқи оламро писар бошад,
Бузургиро падар шуд, то бародар хонд султонаш...

Қадраш баробари фалаку ёфта ба қадр,
Аз Ҳусрави замона хитоби бародари...

Ёфти бо иқтироҳ аз подшоҳи шарқу фарб
Хильъату ташрифу аспу жомаву тегу силоҳ.

Яъни: гарчи сен бутун олам элининг энг яхши фарзандидирсан, лекин бузрковорлик ва улуғворликда ҳаммага ота ҳисобланасан. Бунга Султон Санжарнинг «биродар» деб хитоб қилиши ҳам гувоҳ бўла олади.

Қадр-мартаба бобида гўёки фалаксен, аммо қадрлашга замонанинг улуф Хисравидан «биродар» сўзини эшитарсан. Шарқ ва фарб подшоҳидан ҳурмату тавозела сен Хильъатлару ташрифлар, кишнаган отлару заррин тўнлар ва ҳамда қилич-қалқонлар топдинг.

Бизнингча улуф аллома Мажидиддин Абулқосим Алиниңг ногаҳон ишдан четлатилиб, ҳибсга олинганининг асосий сабаби мазҳабчилик масаласи билан боғлиқ бўлиши мумкин.

Чунки Мажидиддин Абулқосим Али бин Жаъфар И мом Жаъфар Содиққа эътиқод қиласан. Султон Санжар эса суннийлик мазҳаби асосчиси, И мом Абуҳанифага эътиқод қиласан. Термиз ахолиси XII асрда саййидлар сулоласидан ташқари, ҳаммаси сунний мазҳабда эди. XI-XII асрларда айrim фитначи кучларнинг гарали хатти-ҳаракатлари туфайли мазҳабчилик жанжаллари авжига чиқкан. Айrim извогарлар қонли фожиалар уюштириш учун Хурросоннинг барча шаҳарларида ошкора ва пинҳона изғиб юрган. Бизнинг таҳлилимизча, ўша пайтда Термизда ҳам шундай фитналар уюштирилиб, шиалар ва суннитлар ўртасида низо қўзғатилган бўлса керак. Шу туфайли Мажидиддин Абулқосим Али ноиб ўз лавозимидан четлаштирилиб, ҳибсга олинган бўлиши мумкин.

Биламизки, Адид Собир Термизий саййид Мажидиддин Абулқосим Алиниңг таъсири, имомларга бўлган садоқати туфайли шия мазҳабини қабул қиласан. Лекин шия мазҳабидан ҳамиша озору ранж кўргани унинг шеърларида ҳам таъ-

кидлаб ўтилади. Улардан бирида жумладан, қўйидагиларни ўқиш мумкин:

Аз он, ки мұнтақиди Муртазову Фотимаам,
Бад-ин сұхан зи ҳақиқат гуноҳ дорам ҳак.
Зи рўзгор ба ранжам, зи дўстон маҳрум,
Чу Муртазо зи хилофат, чу Фотима зи фадак...
Хушам ба дўстии Муртазову фарзандон-ш,
К-аз ин ҳусул дуруж бошаду ҳалос дарак.

Яъни: ул ҳақдаким, Муртазо Али ва Фотималарга эътиқод қўйдим, ўзимни уларнинг авлодидан деб билдим, бу сўзларим учун ҳақиқатан, гуноҳкорман. Ҳаёт айёмида ранжу аламли бўлғанман, дўстлар дийдоридан ҳам доимо маҳрумман. Зеро, бу дўстлик ҳосилидан менга даражалар етишиди ва мен барча нотинчликлардан ҳалос бўлиб юрибман.

Бу мисралар ноиб ва нақибнинг ҳибс воқеаси, ҳақиқатан ҳам, мазҳабчилик ихтилофлари билан боғлиқ эканини таъкидлайди. Мажидиддин Абулқосим Али мазкур ноҳуш воқеадан кейин ўз ватани Термизда туришни эп билмайди. У аҳли аъёнлари ва оиласи билан кўчиб, Хурсоннинг Нишопур шаҳрида макон топади. Бу воқеа XII асрнинг йигирманчи йиллари оралиғида рўй беради. Аммо улуғ аллома ўз хоҳиши ва иродаси билан ватанин тарк этгани ёхуд бу узлат бирордари Султон Санжарнинг маслаҳати билан юз берган-бермагани бизга унча аниқ эмас.

Лекин бу ҳол, яъни Термиз шаҳри ноибининг ўз юритидан кетиши Адид Собир ва хусусан, термизликлар учун хийла оғир ва аламли воқеага айланган. Термиз аҳли сайийдга накадар ихлос-эътиқод қўйган экан. Шунинг учун ортидан зор-зор йиглаб қолган. Адид Собир эса бу айрилиқдан бутунлай ўзини йўқотиб қўйган. Буни қўйидаги қитъа мисолида кўриш мумкин:

Бузург оли паямбар, бузург ҳодисае,
Ки чун тue бувад андар кафи замона забун.
Мақарри иззи ту Тирмиз зи дарри рафтани ту,
Ҳамебигирияду он, ки сиришки ў Жайхун.
Агар ду дидай ман аз ғамат на хун гиряд,
Ҳаром бод маро нону неъмати ту чу хун.

Яъни: улуғ пайғамбар сулоласи (бошига) катта фожиа тушди ва ундан ул зот замона кафтида гирифтор қолди. Унинг иззатли макони бўлмиш Термиз айрилиқ аламидан зор-зор йиглади ва кўзёшлари Жайхун сувидек оқиб кетди. Агар менинг икки кўзим бу ғам-аламлардан қон йигламаса, берган нону неъматинг қон бўлсин.

Мажидиддин Абулқосим Али ҳазратлари Нишопурда тез орада яна обрў-эътибор топиб, мол-мулк ва мартаба соҳиби бўлади. Султон Санжар уни бу ерда ҳам эҳтиром билан кўллаб-кувватлайди. Термизлик сайийд шоиру аллома, до-нишманд раҳбар бўлгани боис Хурсонда ҳам маърифатта катта эътибор беради, ўз саройида шоиру олимларни йигиб, адабий ва илмий мухитни ривожлантиради. Бу ерда у аввало қадрдан дўсти, улуғ шоир Адид Собир Термизийни эслайди ва уни яна ўз хизматига таклиф этади. Адид Собир бу илтифотни зўр мамнуният билан қабул қиласи ва Хурсонга жўнаб кетади. Бу воқеа 1121 йили рўй беради ва бу ҳақда тазкиранавис Тақииддин Кошоний «Холосат ул-ашъор» асарида қуйидагича маълумот беради: «Адид Собир Термизий Султон Санжар Сайийд Мажидиддин Абулқосим Али бин Жаъфар сұхбатини ихтиёр этиб, Нишопур шаҳрига йўл олди. Сайийд Мажидиддин салжуқийлар даврида қадр-қиммати баланд инсон эди. Шу боис ул зотни «Хурсон раиси» дея улууглар эдилар. Султон Санжарнинг ўзи ул зотга «бирордар» деб мурожаат қиласи эди».


Шу тариқа Адид Собир Термизийнинг Нишопур адабий мухитидаги фаолияти бошланади. Насиб этса, бу ҳақда алоҳида тўхтalamиз.

Езгүллікка chorlovchi rivoyatlar

Езуучи ва олим Мухтор Худойкулов «Таврот», «Инжил», «Куръон» каби мұқаддас китобларда зикр этилған, оғиздан-оғизга, асрдан-асрга ўтиб келәётган ибратли воқеа, ривоят ва нақларни янгича талқын этиб, бугунғи күн учун зарур хуосалар чиқаради. Улардан айримларини эътиборингиз-га ҳавола қиласыз.

БАЛОНИ БИЛГАН ШАЙТОН

Оллох таоло инсонни тупроқдан яратиби ва бу ижидан ўзи ҳам мамнун бўлиб, жами малоикаларни қошига чорлаб, дебди: «Қаранглар, мен мукаммал бир зотни яратдим, унга таъзим қилинглар». Барча фаришталар инсонга таъзим қилибди, лекин Шайтон Яратганинг амрига итоат этмабди. Шунда Оллох унга буюрибди: «Таъзим қил!» Шайтон эса кеккайганча гап талашибди: «Сен уни тупроқдан яратган бўлсанг, мен ўт-оловдан яралганман». Фазабланган Тангри уни лаънатлаб, ўз даргоҳидан хайдаб юборибди. Шайтон эса қах-қах урганча дебди: «Қўрамиз, сен яратган бу зот айтганингга юрармикан?» Сўнг қаёққадир учиб кетибди.



Мен бу ривоятни ўқидиму узоқ ўйланиб қолдим: Шайтон нега бундай қилди экан? Бу унинг хатти-ҳаракатлари «сендан ортиқ бўлсам ортиқманки, асло кам эмасман» деган кибру ҳаво натижасими ёки уларнинг замираидаги бошқа маъно борми? Масалан, фараз қилайлик, кўпни кўрган, барча малоикаларнинг ақллиси ва етакчиси бўлган Шайтон одамдаги жуда кўп фазилатлар билан бирга, ундаги ожизлик, манманлик, нафса берилиш, пасткашлик каби иллатларни ҳам олдиндан сезган бўлса-чи?.. Айнан ана шу қусурлар, неча замонлар ўтса ҳам, ҳамон инсонда мавжуд-ку!

Ха, Шайтони лаъиннинг акли кўп нарсага етган кўринади.

ШИШ ПАЙГАМБАР ЖУМБОГИ

Ровийларнинг ривоят қилишларича, ҳазрати Одам алайхиссалом ўз ўғлонларидан қирқ минг кишини кўриб, оламдан ўтган эканлар. Ул зотдан сўнг Шиш пайғамбар туғилган экан. Алишер Навоий «Лисон ут-тайр» достонида бу хақда шундай ёзади:

Шишнинг топти вужуди чун вуқуъ,
Ул қуёш қилди жабинидин тулуъ.

Мавлоно Рабгузийнинг маълумотларига қараганда, асли бу зотнинг номи Шиша бўлган. Чunksи шишада уруғлантирилиб, одам ҳолига келтирилган экан. «Шиш пайғамбар тўқиз юз ўн икки йил умр кўриб, жаннат саройиға кетдилар. Шишнинг маъноси Ҳайбатуллоҳ демак бўлур», деб ёзади Абулғози Баҳодирхон «Шажарайи турк» асарида. Ҳайбатуллоҳ — Оллоҳ томонидан яратилган ва кишида кўркув аралаш эҳтиром ва ажабланиш ҳиссини ўйғутвчи одам дегани.

Тарихда-ку инсон ақлинни лолу ҳайрон қолдирадиган воқеалар, турли ривоятлар беҳисоб. Аммо Шиш пайғамбарнинг шишада уруғлантирилиб яратилгани бугунги юксак илм-фан ва технологиялар даври одамларини ҳам ҳайратга солади. Сунъий равишида дунёга келтирилган инсон чиндан ҳам бўлган эканми?

ИЙМОНЛИЛАР КЕМАСИ

Одам Атонинг ilk аждодларидан бўлмиш Нуҳ пайғамбар икки юз эллик ёшга етганларида Оллоҳ таоло уни пайғамбар қилиб, ҳалқни роҳи ростга бошлаш учун юборган экан. Нуҳ пайғамбар етти юз йил мобайнида одамларни Тангрини танишга чакириб, аммо фақат саксон нафар эру хотингина иймон келтирибди, холос. Шунда Нуҳи набий тўғри йўлдан юрмаганига ач-чиқланиб, одамларни қаттиқ дуои бад қилган экан, ногаҳон Яратгандан шундай нидо келиби: «Сенинг тилагинг қабул бўлди. Фалон пайтда ер юзи ни бутунлай сув босиб, одамлар унга фарқ бўлади, сен эса ўзингга кема ясадаб ол». Буни эшитган Нуҳ пайғамбар ўз сафдошлари билан бирга билан кемага чиқибди. Ер юзида даҳшатли тўфон бошланибди, барча сувга фарқ бўлибди, фақат Нуҳ пайғамбар ва унга ҳамроҳ бўлганлар омон қолибди.

Қиссадан ҳисса шуки, фақат иймонлилар, чин эътиқодлиларгина манзилга ета олади.

КАЮМАРС ЁҚҚАН ЎТ

Ҳикоя қилишларича, Ажам подшоҳларининг аввали бўлмиш Каюмарс бир куни ов қилиб юрганида ногоҳ бир сирли илонга кўзи тушибди. Илоннинг бошида тоҷга ўҳшаган нарса бор экан. Каюмарс ҳайрон бўлибдию илонга

қараб ўқ узибди, аммо газанда бир тош орасига кириб кетибди. Подшоҳ отган ўқ эса тўғри тошга бориб тегибди, ундан учқун чақнаб, қуриган хас-хашакларга тушиб, уларни ёндириб юборибди. Одамлар шу маҳалгача ўтолов нималигини билмас экан, шу сабабли унга ҳайрат ва қўрқув билан қараб қолибди. Кейин олов ичида қолган ўлжаларни ейишган экан, мазалироқ туюлибди. Шу-шу одамлар ўтни авайлаб, ўчирмай сақлайдиган бўлибди, ҳатто, унга сифина бошлабди.

Эй, Каюмарс, оловни кашф этганинг учун инсоният номидан раҳмат сенга! Аммо сен одамзоднинг содда фарзанди, бу олов қанчадан-қанча одамларнинг хону монига, жонига хавф солишини билмаган эдинг. Ўт бўлиб ёниб, куйдирадиган, портладиган ўку бомбалар, атом куроллари-чи? Миллатлар, ҳалқлар, давлатлар ўртасида гоҳ-гоҳ ёниб, минг-минглаб кишиларнинг ёстигини куритадиган уруш оловлари-чи?

Агар сен буларнинг ҳаммасини билганингда ўзинг ёқкан ўтни ўша заҳтиёқ тепкилаб ўчирган бўлардинг.

ЗАҲХОК ВА ИБЛИС КИССАСИ

Буюк шоир Абулқосим Фирдавсий «Шоҳнома» асарида золим ва жоҳил Захҳок ўз отасини ўлдириб, унинг ўрнига ўзи таҳтга ўтиради. Ўшанда унга Иблис хизматга келади ва бир юмалаб, инсон қиёфасига кириб, Захҳокка ошпаз бўлиб олади. Ўша пайтгача одамзод фақат мева-чева, ердан чиқсан кўкат — дон еб тирикчилик қилиб келар экан. Иблис биринчи бўлиб Захҳокка жониворлар гўшти ва тухум ейишини ўргатиб, уларнинг қонини ичкиза бошлайди. Захҳок Иблис пишириб келган таомлар — гоҳ тухум, гоҳ гўшт еб, тенгсиз куч-кудратга эга бўлади. Шунда у Иблиснинг хизматидан хурсанд бўлиб, унга дейди: «Нима орзуинг бўлса, айт». Иблис бунга жавобан дейди: «Рұксат берсанг, икки кифтингни ўпиб, кўзларимга суртсан». Захҳок рози бўлади. Иблис унинг икки елкасини ўпади ва шу ондаёқ кўздан фойиб бўлади. Захҳокнинг икки елкасидан эса иккита илон ўсиб чиқади. Очофат бу илонлар одамнинг миясини еб роҳат қиласи, бўлмаса, Захҳокни тинч кўймайди.

Киссадан ҳисса шуки, ўшанда лаънати Иблис одамзод нафсини уйғотиб кетган эди. Бу нафс илонлари ҳанузгача одамзодни тинч кўймайди, уни ўзини ўтга-чўққа уриб, емиш топиш, сувдаги балиқдан тортиб осмондаги қушгача тутиб, ейишга, ҳайвон зотини қиришга ундейди. Ҳатто, инсон нафс кутқусига учиб ўз жинсидан бўлмиш одам қонини тўкишдан ҳам тоймайди...

ИБРОҲИМНИНГ ИЗЛАБ-ИЗЛАБ ҲАҚ ЙЎЛНИ ТОПГАНИ

Маълумки, оламнинг асоси ягона Илоҳ деган пайғамбарларнинг энг аввалгиси Иброҳим алайхиссалом эди. У Намруд деган ҳукмрон даврида туғилган. Унинг отаси Озор деган бут йўнувчи эди. Иброҳим етти ёшга етғанида онасидан шундай деб сўрайди: «Мен йўқ эдим, бор бўлдим. Менинг Тангрим ким?» Шунда онаси жавоб беради: «Менман». Иброҳим эса «Сизнинг Тангрингиз ким?» деб сўрайди. Онаси унга: «Отанг» деб жавоб беради. «Нима учун?» деб сўрайди Иброҳим. «У мендан улугроқ» дейди онаси. «Отамнинг Тангриси ким?» деб сўради Иброҳим. «Намруд» деб жавоб беради онаси. «Ундей бўлса, Намруднинг Тангриси ким?» деб сўрайди Иброҳим. Онаси кўрқиб кетиб: «Жим бўл! Намруд бутун оламнинг Тангриси» дейди. Аммо онасининг бу жавобидан Иброҳим қаноатланмайди.

Бу гаплардан отаси хабар топиб, онасига дебди: «Ўғлингни бу ердан йўқот, бошимизга бало келтирмасин». Иброҳимни тоққа элтиб ташлашибди. Иброҳим тоғда кезиб юрар экан, ўзича ўлабди: «Мени яратган ким бўлди, кимга топинайин?» Коронги тушибди, тонг отиби, шунда Иброҳим

Зуҳро юлдузини кўрибди. «Балки Тангриим шудир?» дебди ўз ўзига. Бироқ кўп ўтмай Зуҳро юлдизи ботиб кетибди. «Чиккан, ботган Тангриликка ярамайди», дебди Иброҳим. Бироздан сўнг ой чиқибди, у юлдузлардан каттароқ эди. «Балки Тангриим шудир?» деб ўйлабди Иброҳим. Қараса, ой ҳам ботиб кетибди. «Бу ҳам бўлмайди» дебди у. Кечани шу тариқа бедор ўтказибди. Тонг отиб, қуёш чиқибди. «Балки Тангриим шудир?» деб ўйлабди Иброҳим унга қараб. Қараса, қуёш ҳам пастга оғиб, охири ботиб кетибди. «Йўқ, бу ҳам Тангриликка ярамайди». Ниҳоят у «Мен мана шу еру осмонни, ою қуёшни ва юлдузларни, бутун оламни ким яратган бўлса, шунга сифинаман» деган холосага келибди ва ягона Оллоҳга иймон келтирибди.

Киссадан ҳисса шуки, ҳақ ва эзгулик йўлини тинимсиз фикрлаб, ўйлаб, ала-му изтироблар чекиб топадилар.

ҚИЁМАТГАЧА ТИРИК ПАЙҒАМБАР

Азроил Илёс пайғамбарнинг жонини олгани келганда у қаттиқ фарёд солиб йиглабди. Азроил унга: «Эй Илёс, сен Тангрининг олдига боряпсан-ку, нега йиглайсан?» дебди. Унга жавобан Илёс дебди: «Мен тоат-ибодатдан маҳрум қоламан, деб йиглаяпман». Оллоҳга: «Илёс деган пайғамбар ўз жони учун эмас, тоат учун йиглаяпманда» деб хабар қилибдилар. Шунда Азроилга шундай амр бўлибди: «Унинг жонини олма, биз унга узоқ умр ато қилдик».

Шундай қилиб, Илёс пайғамбар то қиёматгача тирик қолибди. Ривоятларда айтилишича, у сахроларда йўлдан адашганларга йўл кўрсатиб юрап экан.

Эй улуғ зот, Илёс алайҳиссалом, Сизга ҳавасим келади...

ҲАР ФИРЪАВИНГА – БИР МУСО

Оллоҳнинг Мұхаммад алайҳиссаломга юборган муборак китоби Қуръони карим — мўъжизалар конидир. Мен бу муқаддас битикнинг «Тоҳо» сурасини ўқир эканман, бир ажойиб ҳикоятга дуч келдим ва ушбу ҳикматни сиз билан баҳам кўришни лозим топдим.

Қадим замонда Мисрда Фиръавн деган золим подшо ўтган экан. У шунчалик манманликка берилиб кетган эканки, ҳатто: «Мен худоман» дейишгача борган экан. Барча мунажжимлар Фиръавнга шундай башорат қилибдилар: «Сенинг мулку давлатинг Бани Исроил қавмидан туғиладиган бир бола кўлида хароб бўлади». Бундан ваҳимага тушган Фиръавн ўша қавмдан дунёга келган ўғил болаларнинг барчасини қатл этишга буйруқ берибди. Мусо алайҳиссалом ўша долгали замонда Бани Исроилда таваллуд топибди. Ўз гўдагининг тақдиридан хавотирланган онага ғойибдан фармон келибди. Унга кўра она боласини бир сандиққа авайлаб солиб, Нил дарёсига оқизиб юбирибди. Иттифоқо, ўша пайтда дарё соҳилида ўтирган Фиръавн оқиб келаётган сандиқни кўриб қолибди ва хизматкорларига уни олиб чиқишини бую-



рибди. Улар сандикни тутиб, очиб қарасалар, ичида ойдек бир чақалоқ ухлаб ётган экан. Буни кўрган Фиръавнинг хотини гўдакка меҳри тушиб, уни ўғил қилиб олмоқчи бўлибди. Фиръавн ноилож бунга рухсат берибди. Болани саройга олиб бориб, эмизикили хотинга берибдилар. Лекин Мусо биронта ҳам аёлни эммабди. Шу пайт бир қиз келиб Фиръавнинг хотинига дебди: «Мен сизларга шу болани эмизадиган бир аёлни олиб келаман». Бу қиз Мусонинг опаси бўлиб, уни дарёда оқиб кетганидан фам-андухга ботган онаси Мусо ҳақида бирор хабар топиб келиш учун шаҳарга юборган экан. Қиз Мусони танигач, ўзининг ким эканини айтмай, онасига бор гапни ётказибди ва эмизикили хотин сифатида саройга бошлаб келибди. Чақалоқ аёлни дарҳол эма бошлабди. Бундан хурсанд бўлган Фиръавнинг хотини аёлдан саройда қолишини сўрабди. Лекин она ёш болалари борлигини айтиб, «Майли десангиз, бу болани эмизиб, катта қилиб берсам» дебди. Малика ноилож бу таклифга рози бўлибди ва болани унга бериб юборибди. Шундай қилиб, Парвардигорнинг марҳамати билан чақалоқ ўз онасига қайтарилибди.

Бола вояга етгач, Ҳақ таоло йўлни танлабди ва Фиръавнни ҳам шу йўлга даъват этибди. Жоҳил Фиръавн ҳидоят йўлига юрмагач, Мусо уни барча аскарлари билан бирга денгизга фарқ қилибди.

Шу тариқа Фиръавн қатл этишини истагани — Мусо алайҳиссаломни ўзи асраб қолган. Арабларда «Ликулли Фиръавн Мусо», яъни «Ҳар Фиръавнга бир Мусо» деган нақл шундан қолган.

ХАЛҚКА НОН БЕРГАН – ЎЛМАЙДИ

Ривоят қиласидарки, Мусо алайҳиссалом Фиръавнни роҳи ростга ундейди, аммо у кўнмайди, худолик даъвосини қилиб, дабдабали ҳаёт кечираверади. Фиръавннинг дастурхонига ҳар куни тўрт минг қўй, тўрт юз мол, икки тую сўйиларди. Миср аҳолиси ва лашкари шу дастурхондан ризқ топарди. Фиръавн яна тўрт юз йил шу тахлит ҳаёт кечиришни даъво қиласиди. Буни кўриб турган Мусо алайҳиссалом Яратганга илтижо қиласиди: «Ё Раббим, Фиръавнни ҳалок эт!». Фалакдан нидо келади: «Ё Мусо, мен Фиръавнни ўлдирман».

Орадан бир неча йил ўтади. Фиръавн илгаридагидек дабдабали ҳаёт кечиришда давом этарди. Мусо яна Яратганга илтижо қиласиди, «Эй Раббим, сен Фиръавнни ўлдирман деб ваъда берган эдинг-ку? У ҳали ҳам кофирилиги ва шайтоний дъявларидан қайтмаяпти. Қачон уни ҳалок этасан?» дейди. Шунда Ҳақ таолодан жавоб келади: «Эй Мусо, сен уни тезрок ўлдиришими истисан. Бироқ у минглаб кишиларни бокяпти. Фиръавннинг таомини еган ҳар бир одам унинг умрини узоқ этишимни сўраб дуо қиляпти, шу боисдан уни ўлдиромайман. Халқقا нон берган ўлмайди» деган нидо келади. «Унда берилган ваъдангнинг устидан қачон чиқасан?» деб сўрайди Мусо алайҳиссалом Яратгандан. Тангри шундай жавоб қиласиди: «Қачон халққа нон беришини тўхтатса, шунда ваъдманинг устидан чиқаман. Халққа нон беришини камайтиrsa, билгилки, унинг ажали яқинлашяпти».

Тангрининг айтгани бўлибди. Фиръавн хасисликка ўтиб, халққа берадиган нони ва егизадиган таомининг микдорини кундан-кунга камайтира бошлабди. Мусо алайҳиссалом билибдики, Ҳақ таолонинг ваъдаси яқинлашмоқда.

Илло, хасислик ва зиқналик — завол аломати. Фиръавн денгизга фарқ бўлган куни унинг ошхонасида иккитагина қўй сўйилган экан, холос.

Қиссадан хисса шуки, халққа нон берган одамнинг умри узоқ бўлади, хасислик эса заволга олиб боради.

Tolstoy suygan hikmatlar



Ҳеч қачон касал бўлмайдиган соғлом ва мустаҳкам вужуд, ҳеч қачон йўқолмайдиган бойлиқ ёки абадий турадиган олиймақом ҳокимият йўқ. Буларнинг бари – тез ўтиб кетадиган, омонат нарсалар. Ҳаётини шундай ўткинчи нарсаларга бағишилаган инсон доимо кўркув, ҳаловатсизлик, азоб ва қайғу ичида яшайди.

Эпиктет

Ҳар қандай нарсанинг ибтидоси ва интиҳоси бор. Дунёда бирон бир иш йўқки, боши ва охири бўлмаса. Кимки, ҳар бир нарсанинг боши қаердаю охири қаердалигини тўғри англаб етса, ҳақиқатга яқинлашган бўлади.

Конфуций

Сени ҳурмат қиласиганларнинг сони эмас, сифати қизиқтирсин: аҳмоқларга ёқмаслик – инсон учун мақтовга сазовор фазилат.

Сенека

Ўзингиз ишонч ҳосил қилмаган нарсаларни болаларга ўргатманг; мабодо болаликнинг беғубор онларида унинг хотирасига ниманидир жойлаб қўймоқчи бўйсангиз, ҳушёр бўлингки, бу нарса зинҳор ёлғон бўлмасин.

Жон Рескин

Лев Толстой – “бўйи баробар китоб ёзган”, жаҳоний тамаддун тараққиётига улкан ҳисса қўшган буюқ аллома. Онгли ҳаётини овлоқ бир гўшада – Ясная Поляна қишлоғида ўтказган донишманднинг кундалигида қолган дунё ҳалқларининг ҳикматларини мутолаа этар эканмиз, яна бир бора ул зот чинакам мънода улкан тафаккур соҳиби бўлганига ишонч ҳосил қиласимиз.

Ҳақиқатнинг ўзигина эмас, балки уни ахтариш ҳам кишига ишонч ва хотир-жамлик бағишлайди.

Блез Паскаль

Дунёда инсоннинг асл қиёфасини фош этувчи ҳақиқатдан кўрқишдан баттарроқ баҳтсизлик йўқ.

Блез Паскаль

Донолар сўзлари билан қилаётган ишлари бир-бираiga тўғри келмай қолишидан кўрқани учун қуруқ гапларни ҳеч қачон гапирмайди.

Хитой мақоли

Кимки ўзини улуғласа, тангри уни ерга уради, кимки ўзини хокисор тутса, тангри уни улуғлайди.

“Талмуд”дан

Донишманд одамнинг хатолари күёш ёки ой тутилишига ўхшайди. Бу хатони ҳам, унинг қандай тузатилаётганини ҳам ҳамма кўриб туради.

Хитой мақоли

Адашишнинг минг бир йўли бор, ҳақиқатга эса биргина йўлдан борилади.

Жан-Жак Руссо

Ҳақиқат – ҳамиша ҳақиқатлигича, зулм – зулмлигича қолади. Фақат аҳмоқ одамгина зулм ўtkаза туриб, уни кимнингдир фаровонлиги учун қилияпман, деб айтиши мумкин.

Жон Рескин

Нимани билишингни ва нимани билмаслигинги бил – ҳақиқий илм шу.

Хитой мақоли

Каердаки ҳақиқат излаш бошланса, ўша жойда ҳамиша ҳаёт бошланади; ҳақиқат излаш тўхтаган заҳоти ҳаёт ҳам тўхтайди.

Жон Рескин

Инсон осмону фалакдан келадиган кулфатлардан бир илож қилиб кутулиб қолиши мумкин, аммо ўзини ўзи рўбарў қиладиган кулфатлардан омон қолишининг сира иложи йўқ.

Шарқ ҳикмати

Шундай яшагинки, гўё сен ҳозироқ ҳаёт билан видолашяпсан, қолган умринг гўё баҳтли тасодиф туфайлигина бир сонияга сенга тухфа қилинган.

Марк Аврелий

Туғилганида қандай покиза ва бегуноҳ бўлса, ўлаётган чогида ҳам шундай покиза ва бегуноҳ одамга олқишлилар бўлсин.

“Талмуд”дан

Ўзидан юқори нарсани ўз даражасига тушира олган, ўзидан пастда турган нарсани ўз даражасига кўтара олган, бутун мавжудотни ўзига teng ва қардош билган одамгина ҳақиқий файласуф ҳисобланади.

Карлейль

Илоҳий тафаккур худди ёй ва ўқни қаттиқ тортиб турган инсонга ўшаб ҳарарат қиласди. У кимки юқорида бўлса, ўшани пастга туширади, кимки пастда бўлса, уни юқорига кўтаради, мол-мулки ошиб-тошиб ётгандан олиб, муҳтоҷга беради.

Конфуций

Агар давлатни ақл-идрок бошқараётган бўлса — камбағаллик ва қашшоқликдан уялиш керак; мабодо, давлатни ақл-идрок бошқармаётган бўлса — бойлик ва ҳашаматдан уялиш керак.

Хитой ҳикмати

Агар сўз бир танга турса, сукутнинг баҳоси — икки танга.

“Талмуд”дан

Сени ҳақорат қиласиган ҳукмрон руҳ қайфиятига бўйсунма ва сени ўз йўлига оғдириб олишига сира ҳам изн берма.

Марк Аврелий

Доимо эсда тулинг: билмаслик ҳеч қачон кулфат келтирмайди; фақат адашиш — ҳалокатли. Одамлар билмасликлари учун адашишмайди, бильакс, ўзларини билимдон қилиб кўрсатишлари туфайлигина адашади.

Жан-Жак Руссо

Эзгу иш доимо кучли ҳаракат орқали амалга оширилади, аммо ана шу ҳаракат бир неча марта такрорланса — у одатга айланиб қолади.

Лев Толстой

Донишманд одам уч ўзгарувчан кўринишга эга: узоқдан қарасанг, у жиддий ва шафқатсиз бўлиб кўринади, яқинлашсанг, кўрасанки, у юмшоқ ва хушмуомала, сўзларини эшита бошлишинг биланоқ — у қаттиқўл ва шафқатсиз киши сифати намоён бўлади.

Хитой ҳикмати

Донишмандни кўрганингизда албатта «ундаги эзгу хислатлар менда ҳам бор-микан», ахлоқсиз кимсага рўбарў келганда, «бундаги тубанлик менда йўқмикан», деб ўйлаб кўринг.

Хитой ҳикмати

Ҳар қандай адашишда ҳақиқатнинг кичик зарраси бўлади, ҳар қандай ҳақиқатда адашишнинг уруғи мавжуд.

Рюккерт

Мабодо биз бирор бир кулфатга йўлиқсак ёки қийин ахволга тушиб қолсак, «хўш, қайси гуноҳларим эвазига шу ахволга тушиб қолдим, қандай хатоларга йўл кўйдим», деб ўйлаш ўрнига дарров бошқаларни ёки тақдирни айблашга тушамиз.

Эпиктет

Кўзга кўринмаган, ҳеч ким овозини эшитмаган ва ҳали англаб етилмаган нарса — дунёдаги энг қудратли нарса.

Лао-Тсе


Донишманд ўзига талабчан бўлади, нодон эса бошқалардан талаб қилади.

Хитой ҳикмати

Бошқаларнинг бахти учун қайғуриб, ўз бахтимизни топамиш.

Афлотун

Рус тилидан Жалолиддин САФО таржимаси



Kuchli mafkura kuchli ғ'озадан оғигланади

Мафкура сиёсий ҳаёт тушунчаси сифатида давлатчилик вужудга кела бошлаган даврданоқ пайдо бўлган. Қадимда файласуфлар тоғоялар ҳақида, уларнинг давлат ҳаётидаги ахамияти ҳақида, фуқароларни ватангага садоқат, ҳатто зарур бўлса, ўз манфаатларидан воз кечиши руҳида тарбиялаш зарурати хусусида муфассал баён этганлар.

Инсоният тарихида кучли, теран мафкура давлатнинг юксалишига, мамлакатнинг гуллаб-яшнашига ёрдам берганинги ҳеч шубҳасизdir. Зеро, жамият баҳт-саодати йўлида онгли меҳнат қиляётган кишилар нимага интилаётганликларини биладилар, давлат эришаётган ютуклар халқ фаровонлигига қаратилганини кўриб турадилар, жамият тарғиб эттаётган тоғояларни воқеликка айлантириш йўлида бор куч-ғайратларини сарфлайдилар.

Миллий ғоя ва миллий мафкура ҳақида фикр юритишдан олдин ғоя ва мафкуранинг ўзи нима, уларнинг лугавий маъноси нимани англатади — тушунчаларга қискача изоҳ бериб ўтиш жоиздир. Илмий адабиётларда кўп кўлланаётган бу тушунчаларнинг мазмунинга бир назар ташлайлек. Одатда ғоя, мафкура деган тушунчалар ўрнига жаҳон илмий адабиётида, ижтимоий-сиёсий амалиётда идея, идеология сўзлари кўпроқ кўлланади. Идея — юончча idea сўзидан олинган бўлиб, образ, тушунча, шаклланган илмий фикр деган маънони англатади. Идеология бўлса, тоғоялар, тушунчалар, илмий умумлашган хуносалар тизими, улар ҳақидаги таълимот демакдир. Тарихда «идея», «ғоя» тушунчалари факат сиёсатдагина эмас, балки инсон билимларининг барча тизимларига нисбатан ҳам кўллаб келинган. Умуман, идеология ҳаётий асосланган, муайян мақсад ва манбаатлар билан боғланган илмий, сиёсий, хукукий, ахлоқий, фалсафий қарашлар тизимини ўрганиш билан боғлик бўлган соҳадир.

Идея атамаси ўрнига араб тилида «фикр», «фикрун» сўзи кўлланиб, ақида, андиша деган маънони англатади. Ғоя эса «фикр», «фикрун» сўзлари англатадиган маънолардан бошқачароқ бўлиб, тоғутун, ғоят деган сўзлар билан ифодаланади ва инсон билимлари-

нинг умумий моҳиятини, одамлар олдида турган муштарак мақсадлар тизимини ифодалайди.

Мафкура сўзи эса араб тилида икки хил маънода кўлланади: биринчи маъноси — мутафаккир, чуқур маъноли, теран мазмунли бўлса, иккинчи маъноси — мутафаккиротун, чуқур фикрлаш қобилияти деган маънони билдиради. Демак, араб тилидаги ғоя, мафкура сўзлари ҳозир биз бу тушунчалар асосида англётган мазмунни тўлиқ ифодалай олмайди. Шу сабабли араблар ҳам, форслар ҳам, турклар ҳам илмий ишларда, амалиётда мафкура сўзи ўрнига ideologia атамасини кўлладидалар.

Умуман, ғоя, мафкура тушунчаларининг юқорида қайд этилган моҳияти уларнинг лувавий маъносида ифодаланган мазмундан кенгрок ва чукурроқдир.

Ғоя — ўтмиш сабокларига таяниб, ҳозирги кун эҳтиёжлари ва имкониятларини ҳар томонлама таҳлил этиш асосида истиқболни чуқурроқ, аникроқ, англашга имкон берадиган, жамият тараққиётининг асосий, муҳим йўналишларини ифодалайдиган, одамлар фаолиятини муайян, мўътадил мақсадлар ва манбаатлар асосида бирлаштирадиган, илмий асосланган амалий эҳтиёжлар билан тақозо этилган умумий фикрлар, қарашлар, хуносалар, мақсадлар тизимидир. Ғоя ҳал этилмаган, этилиши лозим ва зарур бўлган муҳим муаммолар, вазифалар тизимини ўз ичига олади ва асосан истиқболга йўналтирилган бўлади. Ғоя моҳиятан муҳим, мўътадил, нисбий барқарор бўлади, шу билан бирга жамият тараққиётни эҳтиёжлари ва имкониятлари асосида ривожланиб, ўзгариб, янгиланиб туради.

И.А.Каримов тоғояни, «одамларнинг минг йиллар давомида шаклланган дунёдаги ҳизматида шу ҳалқ, шу миллатнинг келажагини кўзлашган ва унинг дунёдаги ўрнини аниқ-равшан белгилаб беришга ҳизмат қиласиган, кечаги ва эртанги кун ўртасида кўпприк бўлишга қодир бўлган» маънавий куч деб таърифланган. Мафкура эса муайян тоғояни, тоғоялар тизимини аниқ иқтисодий, сиёсий, ижтимоий

мақсадлар ва манфаатлар, эътиқодий қарашларга таяниб, конкрет шароитлар ва имкониятлар билан боғлаб амалга ошириш, шу мақсаддан келиб чиқсан ҳолда омманинг онига таъсир этиш, фаолиятига йўналиш бериш йўллари, воситалари, усулларини белгилашдир.

Бу борада Президентимиз «Фидокор» газетаси (2000 йил 8 июнь) муҳбира саволларига берган жавобларида: «Авваламбор, ўзининг келажагини қурмоқчи бўлган ҳар қандай давлат ёхуд жамият албатта ўз илмий тоғасига суюниши ва таяниши керак», деб алоҳида таъкидлаган эди. Юртбошимиз ўз фикрини давом эттириб: «Зеро, давлат тизими, уни бошқариш ва олиб борилаётган сиёсат аввало аниқ ва равshan ифодалangan мафкура асосига қурилмоғи лозим. Ўз миллий тоғасига таянмаган жамият инқизотга дучор бўлиши, ўз йўлни йўқотиб кўйиши муқаррар», дейди.

Вақтли матбуот саҳифаларида сўнгги пайтларда миллий тоғя ва миллий мафкура тўғрисида кўплаб мақолалар эълон қилинадиган бўлса-да, лекин миллий тоғя нима, миллий мафкура нима, уларнинг умумийлиги нимада, бири иккинчисидан қандай фарқ қиласди каби саволларга ҳар хил жавоб бериладигани учратамиз, бъязан қарама-қарши жавобларга дуч келамиз.

Бу масалага бирмунча ойдинлик киритиш мақсадида мулоҳаза юритиб кўрилса, фойдадан ҳоли бўлмас эди. Аслида, бу икки тушунча ҳам сиёсий онг тушунчаси билан боғлиқ. Маълумки, сиёсий онг тушунчаси икки босқичдаги сиёсий муносабатларнинг кишилар онгидаги ињикосидир. Сиёсий онгнинг кўйи босқичи ижтимоий руҳият (ижтимоий психология) бўлиб, у ўзида маҳсус тайёргарликдан ўтмаган кишиларнинг кундалик онг даржасидаги сиёсий онг муносабатларнинг акс эттирилишига айтилади. Бу ҳол кишиларнинг фикрлари, қарашлари ҳамда кайфиятлари орқали намоён бўлиб боради.

Аслида, ижтимоий руҳиятда бирон-бир ижтимоий ҳодиса тўғрисида муқим бир тўхтамга келинмайди, келиши мумкин ҳам эмас. Лекин у ёки бу ижтимоий-сиёсий ҳодисалар тўғрисида кўп қамровли яхлит бир тўхтамга келиш учун замин ҳозирланади.

Сиёсий онгнинг юкори босқичи эса сиёсий мафкура бўлиб, у ўзида ижитмоий руҳият асосида шаклланган фикрлар, назарий қарашлар ва кайфиятларни муайян сиёсий мақсад сари йўналирилган, тартибга солинган яхлит таълимот сифатида шакллантирилган дунёкарош ҳисобланади. Ҳар қандай мафкура асосида манфаат ётади. Ана шу манфаатлар орқали дунёни ўзига хос тарзда акс эттиради. Шунингдек, манфаатлар сиёсий-

лашса, яни сиёсий мақсад сари йўналиш етакчи кучга айланиб боргани сари мафкура ҳам сиёсийлашиб боради.

Биз кўзда тутган миллий тоғя ва миллий мафкуралар ўртасидаги муносабатлар ҳам сиёсий онгнинг кўйи ва юкори босқичлари ўртасидаги алоқадорликдан ўзга нарса эмас. Бу тушунчаларнинг ўзига хос томонлари мавжуд.

Миллий тоғя ижтимоий борлиқнинг барча соҳаларида миллий тараққиётни ўзининг туб мақсади қилиб олса, миллий мафкура эса миллий манфаатларга мос келувчи, сиёсий мақсадларни ифода этувчи сиёсий муносабатлар доирасидан ташқарига чиқолмайди. Миллий мафкура миллатнинг туб сиёсий мақсадларининг ифодаси сифатида нағоён бўлиб, ана шу сиёсий жабҳа бошқа манфаатларни ҳам йўналтира оладиган курдатли кучга айланади. Лекин миллий мафкура ўз таъсир доирасига бошқа манфаатларни ҳам ямлаб олса, ўзининг хақиқий функциясини бажариш ўрнига жамиятда ҳукмронлик ролини ўйнай бошлайди ва мамлакатда тазиқ органларининг ғоявий таянчига айланади. Шунинг учун ҳам жамиятда қандайдир бир мафкуранинг ҳукмронлиги таъминланса, охири-оқиби демократиядан четлашиб рўй беради. Бу ҳол бизнинг туб миллий манфаатларимизга мос тушмайди. Зеро, туб миллий манфаатларни тўлароқ акс эттирадиган бир неча турдаги миллий мафкуралар ҳам шаклланиши лозим. Лекин бу мафкураларнинг бош сиёсий мақсади умумий, у ҳам бўлса, миллат равнақи, ривожланган давлатлар қаторидан ўрин олиш, фуқаролар фаровонлигини таъминлаш, бозор иқтисодига асосланган ҳуқуқий, демократик жамият куриш ва ҳоказо.

Мазкур сиёсий мақсадлар нисбий характеристика эга бўлиб, бири иккинчисига нисбатан барқарор ёки аксинча бўлиши ҳам мумкин.

Демак, миллий тоғя миллатнинг барча соҳаларида манфаатларни ифода этувчи қарашлар тизими бўлиб, миллий мафкурандан фарқ қиласди.

Ижтимоий тараққиётнинг тарихий босқичларида у ёки бу дунёкарош типлари музайян минтақа, давлат ва ҳалқларнинг сиёсий истакларини, пировард мақсадларини ўзида акс эттирган мафкура вазифасини бажаради. Тарихда бунга мисоллар ниҳоятда кўп. Жумладан, илк давлатчилигимизнинг шаклланиши босқичида диний мифологик типдаги дунёкарош асосида жамиятнинг сиёсий мафкураси шаклланган эди. Бундай типдаги мафкурага мисол сифатида «Авесто» таълимотини кўрсатиш мумкин.

«Авесто» таълимоти Марказий Осиё ҳалқ-

ларининг ижтимоий, сиёсий, диний, ахлоқий, илмий, фалсафий қарашларини акс эттириган буюк ёзма ёдгорлигимиз ҳисобланади.

Тарихий воқеаликни ёритишда умуминсоний ва миллий манфаатларнинг ўзаро нисбатини аниқлаб олиш ўта мухим масаладир. Бунда фалсафанинг меъёр категорияси алоҳида аҳамият касб этади. Президентимизнинг бу борадаги чиқишиларида мамлакатнинг ички сиёсатда миллий манфаатларнинг устуворлиги эътироф этилади. Айни чогда бошқа мамлакатлар билан муносабатда умуминсоний манфаатлар, халқаро ҳукуқ нормаларининг устуворлиги эътироф эти-

лиши кераклиги тўғрисида ҳам мунтазам таъкидлаб ўтилади. Бундай мезон тарихий воқеаликни ёритишида тарихчи ва файласуфлар учун асосий йўлланма бўлиб хизмат қилиши мумкин.

Хулоса қилиб айтганда, миллий мафкурани шакллантирмасдан туриб, ҳалқимизнинг манфаатларига мос келадиган миллий гояни ҳам, тарихий асосларни ҳам яратиб бўлмайди.

Дилфузা РАҲМАТОВА,

Тошкент Иктисадиёт университетининг аспиранти



Тарбия – излуксиз жаражон



Тадқиқотчиларнинг эътироф этишича, инсон бутун умри давомида ўзлаштирадиган маълумотларнинг қарийб тўқсон фоизини б ёшдан 12 ёшгача бўлган даврда олар экан. Бундан шундай хулоса чиқариш мумкини, бу давр инсоннинг шахс сифатида шаклланнишида бекиё ўрин тутади. Бола ҳәётининг бу даври асосан оила мухитида, ота-она тарбияси остида ўтишини назарда тутадиган бўлсак, яна бир ҳақиқатга ишонч ҳосил қиласиз. Яъни, ота-боболаримизнинг «Куш уясида кўрганини қилади» деган ҳикматли сўзлари бугунги илмий хулосаларга нақадар мос экани билан кишини ҳайратга солади. Ўзингиз бир тасаввур қилиб кўринг, бола б ёшдан 12 ёшгача бўлган даврда билимга, ахборотга шу қадар чанқоқ экан, унинг учун оиласда, боғча ва мактабда кўрган ҳар бир нарсаси ўзига хос янгилик, бетакрор маълумот вазифасини ўтайди. Ота-боболаримиз таъбири билан айтганда, «куш», яъни боланинг ҳар бир кўрган ҳодисаси унинг тасаввури, дунёкараши пойдеворига қўйилган мустаҳкам гиштга айланниб қолади. Шунинг учун ҳам, бизнинг миллий қадриятларимизга кўра, катталар, айниқса, ота-оналарнинг болалар ҳузурида ахлоқ-одоб қоидаларига қатъий риоя этишлари талаб қилинади. Чунки бола қанчалик азиз бўлса, унинг одоби, тарбияси ундан ҳам азизроқдир.

Сирасини айтганда, Шарқ педагогикасида тарбия жараёни ўта мураккаб ва узлуксиз давом этадиган ҳодиса сифатида тушунила-

ди. Бунда тасаввuf таълимотидаги комиллик гояси таъсирини сезиш мумкин. Яъни, шарқ педагогикаси тарбиянинг мақсад ва зифаларига қараб, нафақат тарбияланувчининг, балки тарбиячи устознинг ҳам доимий равишда маънавий-ахлоқий жиҳатдан та-комиллашиб боришини тақозо этади. Бу ўринда беихтиёр бола тарбияси ҳақидаги буюк ҳаким Абу Али ибн Сино билан боғлиқ ривоят эсга тушади. Унда айтилишича, бир одам фарзандлик бўлгач, маслаҳат сўраб, улуғ алломанинг ҳузурига келибди ва сўрабди: «Ҳазратим, мен фарзанд кўрдим, унинг тарбиясига қаёндан бошлаб киришганим маъқул?» Ибн Сино дебди: «Хўш, боланинг туғилганига қанча бўлди?» «Боланинг туғилганига атиги уч кун бўлди, ҳазратим», дебди ёш ота. Шунда ибн Сино бошини сарак-сарак қилиб жавоб бериди: «Сиз уч кунга кечиккисиз, бола тарбиясини туғилмасида-ноқ бошлаш лозим эди». Бу ривоят замирида ҳам бола тарбиясига киришишдан олдин тарбиячининг ўзи тарбияланган бўлиши керак, деган маъно мужассам. Бундай ахлоқий фалсафа ҳалқимиз турмуш тарзига шу қадар чукур сингиб кетганки, биз уларни бугунги кунда ҳам ҳар бир оила ҳаёти мисолида кўришимиз мумкин. Масалан, бироз эркароқ бўлиб ўсган йигитлар оила куриб, фарзандлик бўлса, уларга ота-оналари шундай деб насиҳат қилади: «Ўғлим, мана, фарзандлик ҳам бўлдинг, энди аввалгидек енгил-елпи юришларингни қўй, ўзингни кўлга ол, бо-


лангнинг келажагини ўйла». Бундан чиқадиган ҳаётий хулоса шуки, ўзидан муносиб зурриёт қолдириш, ўз фарзандини ҳақиқий инсон қилиб тарбиялаш зарурати ота-онанинг маънавий-ахлоқий оламида, охир-пировардида эса бутун оилада тегишлича ўзгариши ясашни талаб этади.

Бу масалага жамият миқёсида қарайдиган бўлсак, аслида мамлакатда амалга ошириладиган кенг қароровли ислоҳотлар ҳам кўп жиҳатдан янги инсон, янги авлод тарбиясига қаратилганини кўриш мумкин. Бу ҳақиқат, айниқса, бизнинг юртимизда олиб борилаётган янгиланиши ва ўзгаришлар жараёни мисолида яққол тасдифини топмоқда. Давлатимиз раҳбари нутқ, маъруза, сұхбат ва интервьюларида мамлакатимизда амалга оширилаётган ислоҳотлардан кўзланган бош мақсад инсон манфаатларини рўёбга чиқаришига эришиш эканини доимо таъкидлаб келадилар. Ватанимизда sogлом ва баркамол авлодни вояга етказиш борасида қилинаётган хайрли ишлар янги инсонни тарбиялаш жамиятимиз ҳаётининг маъно-мазмунига айланиб бораётганининг яна бир далилидир. Айниқса, истиқлол йилларида оиласи мустаҳкамлаш, тарбия соҳасидаги миллий қадриятларимизни тиқлаш йўлида амалга оширилган ишлар таҳсинга сазовордир. Зеро, ёш авлод тарбиясига илк даврдан, яъни боланинг оиласидаги шаклланиш йилларидан

эътибор қаратилиши жамиятда келгусида туғилиши мумкин бўлган кўпдан-кўп муаммоларнинг олдиндан бартараф этилишига сабаб бўлади. Масалан, бир нокобил одамни қайта тарбиялаш, унинг жамият учун зарарли бўлган хатти-ҳаракатларига барҳам бериш йўлида қанча куч, қанча маблағ сарфлашга тўғри келади. Бундай нолойиқ одамдастидан жамоатчилик қанча озор чекиши мумкин. Ҳолбуки, ўшанақа одамлар вақтида оила мухитида, яъни ўз «уя»сида тўғри тарбия топса эди, жамиятнинг улардан кўрадиган зараби ҳам камайган бўлур эди. Шунинг учун бугунги кунда мамлакатимизда оиласи мустаҳкамлашга қаратилган катта эътибор келажакда юртимизда ҳамма баҳтли яшайдиган озод ва эркин жамият барпо этишнинг муҳим шартларидан бири сифатида улкан аҳамиятга эга. Японлар энг яхши сармоя — келажак авлод камоли учун сарфланган сармоя, деб ҳисоблар эканлар. Бизнинг мамлакатимизда оила мустаҳкамлиги, соглом ва баркамол авлод тарбияси учун сафарбар этилаётган барча имкониятлар ҳам буюк келажак йўлида сарфланаётган бебаҳо сармоя-дир, десак, сира ҳам хато бўлмайди.

Фарида СОИФНАЗАРОВА,

фалсафа фанлари номзоди, доцент



Ikki manba da ta'yangan q'oya



Маданиятни бир уммонга қиёс қилсан, унинг ҳаётини икки оқим белгилайди: бири — унинг ўзига йўналган, яъни алоҳида олининг ҳар бир маданият ўзига хослик доирасида қолишга интилади; иккинчиси — ташқарига йўналган ёки бошқача айтганда, у ўзга маданиятлар билан мулоқотга интилади. Айни шу икки оқим маданиятларни ҳаракатга келитиради, тарих саҳнидаги умрининг давомийлигини таъминлайди. Бу икки оқим ўртасидаги мувозанатнинг бузилиши миллий маданиятнинг таназзулига олиб келади. XX аср бошларида ҳалқни мустамлака қарамлигидан ҳолос этиш ва юртни тараққиёт сарипетаклаш орзусида яшаган зиёлилар буни яхши англаган.

Қолоқлик ва тарқоқлик ҳолатига тушган юрт ва оломонни жаҳолат ботқоғидан олиб чиқиш ва тараккиёт йўлига бошлаш учун ҳалқ онгини маърифат нури билан ёритмоқ ва энг муҳими, шахс мақомини ўзгартироқ зарурати пайдо бўлди. Шунинг учун ҳам комил инсонни тарбиялаш, баркамол авлодни шакллантириш жадид зиёлиларининг бош мақсадига айланди. Адабиётда янги замон ҳаҳрамони образи шаклланди.

А.Авлонийнинг «Биз ва Сиз» драмасидаги Камол, Ҳожи Муиннинг «Эски мактаб, янги мактаб» пьесасидаги Комилбой, «Мазлума хотин»даги муаллим, Абдулла Бадрийнинг «Жувонмарг» асаридаги Жўракул, Абдулла Қодирийнинг «Баҳтсиз кўёв» пьесаси-

даги элликбоши, М.Бехбудийнинг «Падаркүш» асаридағи Домла ва Зиёли, Чўлпоннинг «Кечава кундуз» романидаги Мирёкуб сафарда танишган жадид йигит каби қатор образлар ана шундай янги замон қаҳрамонларидир.

Хўш, жадидлар наздида замона кишиси қандай бўлмоғи лозим? Қандай сифатларга эга бўлган кишилар ўз миллатини зулм исканжасидан халос этишга қодир? Истиклол ва юрт равнақи қайғуси билан яшаган жадидчилар замон кишисининг сиймосини белгилашда икки манбадан озиқ олдилар, бир томондан, улар миллӣ анъаналарга суюнган бўлса, иккинчи томондан, Оврупо тажрибасига мурожаат этган.

Даврининг илғор кишиларидан бўлган, 1887 йили ҳам сафарига йўл олиб, Шарқ мамлакатлари қатори София, Афина, Рим каби қатор Оврупо шаҳарларида бўлган, ўндан ортиқ тилни ўрганиб, Фарб адабиёти ва маданиятига ихлос кўйган Исҳоқон Ибрат ҳам ҳалқини тараққий топган ҳалқлар илм-фани, адабиёти ва санъатидан баҳраманд этишга кўп куч-қувват сарфлаган. У «Миллатни ким ислоҳ этар?» мақоласида одоб-ахлоқ тарбияси диний уламолар зиммасида эканини таъкидлайди: «Бизнинг фикримизча, мунинг дафъу ислоҳига уламо ҳазрати камари химмат боғлаб, мұқаддас меҳробу минбардан вайз сўйлаб, аҳолига ахкоми шариатни билдируб, Байтуллоҳ ҳукминдаки масжид ва жомеъларда эртаву кеч амри ба маъруф ва нахи аз мункир этиб, ҳалойиқ англайтурғон бир тил илан панду насиҳат этсалар ҳам мунинг ҳеч қўймасдан... доим мухталиф мавзуулардан баҳс этсалар, албатта, таъсирсиз қолмас».

Чўлпоннинг «Кечава кундуз» романидаги «ғоя ташувчи» умумлашма образ хисобланмиш — жадид йигит ҳам Мирёкубга пандунасиҳат қилас, экан, «ибтидоий тарбияни... миллӣ мактабларда бериш керак»лиги, «илгари миллӣ ҳиссини ўстириб, ўз милатини танитиш» лозимлиги ҳақида гапиради.

Туркистон жадидлари томонидан устоз сифатида эътироф этилган Аҳмад Заки Валидий Тўғон эса мусулмон ўлкаларининг истиқболини миллӣ ва диний анъаналардан холи кўрмаган эди. Ўзининг «Хотиралар» китобида рус олими Катанов билан сұхбатини эслаб, ҳалқни руҳий эврилишдан факат исломий маданият, шарқона маънавий қадриятларгина асрай олиши мумкинлигини айтган.

«Маданият тўлқинлари Осиёдан кўчиб, Оврупо қитъасини босган», маҳаллий мутасассиб гурухлар ислоҳотларга тиш-тироқлашри билан қаршилик кўрсатиб, ҳалқни ортга

— жаҳолат ботқогига тортаётган бир даврда жадидлар Оврупонинг илғор тажрибасига, хусусан, Оврупо фалсафаси ва адабиёти талқинидаги инсон концепциясига мурожаат этишга, Оврупо «маданиятига киришмакка» интилади. Улар ўша давр шароитида инсон тарбияси соғ миллӣ замин доирасида колиши миллатнинг равнақини чеклаб кўйиши мумкинлигини яхши тушунгандар. Шунинг учун ҳам ўз изланишларида Фарб таомилларига мурожаат этганлар.

Жадид зиёлилари Оврупо ва рус маданияти билан таниш бўлган. Сиддиқий-Ажзий «Ойина» журналининг 1914 йил 30-сонида эълон қилинган «Орзу ва хаёл» мақоласида миллат истиқболи ҳақида қайғуриб: «Эй мусулмонлар! Хоби гафлат ва жаҳолатдан уйғонингизки, маориф офтоби Мағрибдан чиқа бошлади», дея хитоб қилиши бежиз эмас эди. Оврупо маданияти, Оврупода кенг тарқалган турли назариялар, хусусан, инсон концепцияси турли йўллар билан жадидлар дунёқарашининг шаклнанишига таъсир ўтказа бошлади. Хусусан, Абдурауф Фитрат авлод тарбияси ҳақида фикр юритиб: «Дунё курашнинг умумий майдонига ўхшайди... Ҳар бир киши баркамоллик ёшига етгач, ўз саодатининг таъмини учун шу майдонга кирмасдан иложи йўқдур. Бу курашда голиб чиқиши учун уч хил ўлчов қуролига (салоҳига) эга бўлиш керак», деб ёзади ва бу уч салоҳни — саломатлик, солим фикр, ахлоқи сано деб белгилайди. Фитратнинг «ўз саодатини таъмин этиш» ҳақидаги фикри Фарб маърифатпарварлари орасида кенг тарқалган Локк, Гельвеций, Вольтер каби Оврупо маърифатчилари илгари сурган «онгли эгоизм» тоғасига яқин эканини кўриш қийин эмас.

Жадидлар Фарб мамлакатларининг маънавий ҳаётида миллӣ анъаналаримиз, ҳалқимиз руҳиятига тўғри келмайдиган жиҳатларни инкор этган ва комил инсонни тарбиялашда миллийликни бош мезон деб билгандар. Шу билан бирга, улар ўтмиш адабиёти ва унда ўз ифодасини топган комиллик асосларининг давр талабларига тўлиқ жавоб бермаслигини ҳам англагандар. Хусусан, Чўлпон «Улуғ хиндий» мақоласида: «Навоий, Лутфий, Бойқаро, Машраб, Умархон, Фазлий, Фурқат, Муқимиylарни ўқиймен: бир хил, бир хил» дея хитоб қилас экан, бу улуғ шоирлар ижодини инкор этгани ёки қадрламагани туфайли эмас, қишиларни айни замонавий билимлар билан куроллантириш, жамиятни тараққиёт сари етаклай оладиган инсонни тарбиялаш ниятида эканини ва бунда уларнинг нафи озлигини кўрсатади.

«Миллатнинг маънавий отаси» Мунаввар

Қори ҳам «Бизни жаҳолат — жаҳли мураккаб» мақоласида таълим тизими ҳақида фикр юритар экан, Фузулий, Навоий, Хўжа Ҳофиз ва Бедил кабиларнинг «мушкул манзума» китобларини болалар учун «дунёни ва охиратга фойдаси ўлмағон» деб баҳо беради ва дарҳол: «Мани бу сўзимдин... бу улуф зотларни таҳқир қилди, деб гумон қилмасун» дега оғоҳ этади ва ўтмишнинг улуф зотларни инкор этмаган ҳолда: «Фузулий ўрнига илми қироат, Навоий ўрнига масоили эътиқодия, Хўжа Ҳофиз жойига масоили амалиёт, Бедил бадалига илми хисоб ўқутулса, дин ва дунёси учун қанча фойдалар ҳосил қилиб мусулмон ўлур», деб ёзади.

Фарб ва Шарқ инсоншунослигини пайванд қилишга интилган жадид ёзувчиларнинг биргина ижобий қаҳрамонларига берилган таърифларида комилликнинг замонага мувофиқ «сөврупча андоза»си яққол кўзга ташланади.


Маҳмудхўжа Беҳбудий ўзининг «Падар-күш» драмасидаги зиёли тили билан давр қаҳрамонини тарбиялаш хусусида шундай фикр юритади: «Олимни замоний бўлмоқ учун болаларни аввало мусулмоний хат ва саво-

дини чиқаруб, зарурияти диния ва ўз миллатимиз тилини билатурдан сўнгра ҳукуматимизни(нг) низомли мактабларига бермоқ керакдур... сўнг Петербург, Москов дорил-фунунларига юбориб, доктурлик, закунчилик, инженерлик, судьялик, илми санъат, илми иқтисод, илми ҳиммат, муаллимлик ва бошқа илмларни ўқитмоқ лозимдур».

Хулоса қилиб айтганда, жадидлар замон кишисининг комиллик сифатларини белгилашда икки манбадан озиқ олдилар: бир томондан, миллий ва исломий анъаналарга, хусусан, мутасаввуф алломаларнинг комил инсон ҳақидаги таълимотларига таянган, уларни замон талабларига мувофиқ тарзда ривожлантирган бўлсалар, иккинчи тарафдан, Оврупо фалсафаси ва адабиётида ўз талқинини топган инсон концепциясидан давр ва ўзига хос маҳаллий мухит, халқнинг турмуш тарзи хусусиятларини эътиборга олган ҳолда унумли фойдаландилар.

Улубек САИДОВ,
Ўзбекистон Республикаси Президенти
хуzuридаги Давлат ва жамият
курилиши академиясининг ўқитувчisi

Тenglikda kenglek bu'lsoin!



Аёллар ўртасида турли соҳада етук мутахассислар кўпайиб бораётир. Улар ўз ҳукуқлари учун тинмасдан курашмокдалар. Лекин дунё миёсида хотин-қизлар ҳар куни камситилади, жисмонан таҳқирланади. Жинсий таҳдид, тенгсизлик, кимларгадир бўйсуниш, сабабсиз дўйпослашга чидаш ва шу каби бошқа ҳолатлар аёлларни ижтимоий, иқтисодий ва ҳуқуқий жиҳатдан муштипарчўри, мақомига тушириб қўяди.

Оила — жамиятнинг асосий таянчи хисобланади. Оилани мураккаб ижтимоий институт дейиш мумкин, чунки ҳар бир оиласда бошқасига ўхшамаган ўзига хос муносабатлар қарор топади. Ҳар бир оиласидаги гендер муносабатлари кўп жиҳатдан тарихий, маданий-ҳуқуқий мухит, ижтимоий-иктисодий шартлар билан белгиланади.

Гендер тенгсизлигининг энг кўп учрайдиган ҳолати ҳам, афсуски, оиласда бўлади. Лекин мазкур муаммони ҳал қилиш қи-

йинрок кечади. Оила муносабатларидаги тенгсизликни аниқлаш ва экспертиза қилиш мумкинлиги мазкур муносабат билан оила аъзоларининг шахсий ҳаёти ўртасида чегара ўтказилишини тақозо этади. Гендер тенгсизлигини бартараф этиш инсонларнинг бошқа ҳукуқларига путур етказмаслиги лозим.

Ўзбекистон Республикаси Конституциясининг эркак ва аёл тенглиги ҳақидаги 46-моддаси, «Оила Кодекси» ҳам, аслида, тенгликни таъминлашга қаратилган қонун ҳужжатларидир. Лекин, шунга қарамай, қонунчилик даражасида белгилаб қўйилган аёл ва эркак тенглиги билан реал ҳаётдаги ҳолат ўртасида узилиш бор. Бу ўринда қонунчилик ҳужжатларлари қай даражада гендер тенглиги нуқтаи назаридан ҳаётга татбик этилаётгани мухим аҳамиятга эга.

Оиласидаги гендер тенглиги ҳақида гапириш бизнинг жамиятимиз учун одатий ҳол

эмас, шунинг учун бу масала ниҳоятда эҳтиёткорликни талаб этади.

Аёлларнинг эмансипация учун (ўз озодлиги ва эркинлиги учун) курашиши бизга гайритабиий туюлиши турган гап. Чунки ўзбек аёллари табиатан исёнкор бўлсаларда, кўп асрлик оиласавий мутелик уларни ўз дардини ичига ютиб яшашга ўргатиб кўйган.

Хар бир давлатнинг аёл ҳуқуқларига муносабати, аёл ҳуқуқларининг тараққиёти бир-биридан фарқ қиласди. Оврупода аёл ҳуқуқлари учун мунтазам курашиб келинган. Бу кураш иккى даврга бўлиб ўрганилади: биринчи давр 1850-1920 йиллар бўлса, иккинчи даври XX асрнинг 60-йилларидан бошланади.

Шарқ билан Фарб ўртасида инсон ҳуқуқлари тушунчасига ёндашиб масаласида ҳам тафовут мавжудлигини эътироф этишимиз лозим.

Агар Оврупода гендер тенгликка аёлларнинг саъй-ҳаракатлари, турли хил тўқнашувлар, қурбонлар эвазига эришилган бўлса, 1917 йилги Россиядаги давлат тўнтаришидан кейин «дунёнинг олтидан бир қисми»да қоғозда бўлса-да, аёл ва эркак тенглиги эътироф этилган. Уша пайтдан бошлаб янгича оила муносабатлари ва уларни тартибга солиб турадиган янги меъёрлар пайдо бўлган.

Лекин шўро тузумининг «ура-ура»чиликка асосланган аҳмоқона кампаниялари (масалан, 30-йиллардаги «Хужум» ҳаракати) кўп ҳолларда ижтимоий-маишӣ ахлоқиниздан чиқариб юборади: фоҳишабозлик, ичкиликбозлик, маишатпарастлик каби иллатлар кундалик ҳодисага айланиб қолади. Қолаверса, шўравийларнинг соҳта ташвиқотларига чиппа-чин ишонганд юзлаб соддадил нурхонлар, гулсаралар нобуд бўлди.

Бугунги кунга келиб мустақил Ўзбекистонда аёл ва эркакнинг тенг ҳуқуқли эканлиги барча қонунчилик ҳужжатларида ўз аксини топган. Яъни, гендер тенгсизликни келтириб чиқарувчи ҳолатларга қонуний зарба берилган. Лекин бу қонунни тўғри кўллай билиш лозим, акс ҳолда яхшилик категорияси беихтиёр ёмонлик категориясига айланиб кетиши мумкин. Айниқса, бу ҳолатни инсонларнинг репродуктив ҳуқуқлари соҳасида тўғри татбиқ этиш муҳим аҳамиятга эга.

Ўзбекистон ҳуқуқшунослигига гендер ҳуқуқи билан бир қаторда репродуктив ҳуқуқлар тушунчаси ҳам анча янги бўлиб, ҳали унча ўрганилмаган соҳа ҳисобланади. Бу борада илмий-назарий ишлар, таҳлилий фикр-мулоҳазалар деярли йўқ. Аёлларнинг репродуктив ҳуқуқлари кўпроқ Фарб социологлари томонидан ўрганилган.

Репродуктив ҳуқуклар — бу инсон ҳаётининг ҳеч ким, ҳатто энг яқин кишиси томонидан ҳам назорат қилиниши мумкин бўлмаган жиҳатларидир.

Репродуктив ҳуқукларга етарли аҳамият берилмаслиги оқибатида Овруп мамлакатларида, Россиядаги тугилиш ҳалокатли даражада камайиб кетган бўлса, Хиндистон ёки Хитой каби мамлакатлarda бунинг аксини кузатиш мумкин. Бу масалаларни таҳлил қилиш нафакат ҳуқук соҳасининг, балки ахлок фанининг ҳам долзарб муаммоси саналади.

Аборт қилишга қараш ҳаракатларнинг хаддан ташқари шов-шув бўлиши оқибатида яширинча abortларга эҳтиёж пайдо бўлди. Бу, ўз навбатида, оилани режалаштириш, тугиш ёши ва ҳомиладорлик ўртасидаги муддатни белгилаш каби масалаларни келтириб чиқарди.

Кези келганда Ўзбекистон ҳуқуқшунослигига умуман ўрганилмаган «тиббий ҳуқук» соҳасини ҳам четлаб ўтиб бўлмайди.

Репродуктив ҳуқук соҳаси яхлит мажмуудан иборат бўлиб, ҳуқук соҳаларидан биронтаси ҳам уни тўлиқ камраб олган эмас. Репродуктив ҳуқуқларни инсон ҳуқуқининг таркиби қисми сифатида ҳуқук назарияси, ҳалкаро ҳуқук, конституцион ҳуқук, оила ҳуқуки ва бошқа соҳалар таркибида ўрганиш лозим.

Тиббий ҳуқуқнинг ўрганилмагани аёл ва эркак репродукциясини тўлиқ акс эттиришга йўл бермайди. Энг жиддий муаммолар қаторида аборт қилиш, она ёки ота бўлиш ҳуқуқларини кўрсатишмиз мумкин.

Аборт ёки тугишига мажбур қилиш аёл репродуктив ҳуқуқларининг бузилиши сифатида қаралса, назаримизда, аборт ва тугишига рухсат бермаслик ҳам ҳуқуқбузарлик деб қаралиши лозим.

Бизга маълумки, католик черкови ҳар қандай abortни қатъий қоралайди, унга расмий тақиқ қўяди ва биомедицина ютукларини, яъни янги репродуктив технологиялар ёрдамида эмбрион ҳосил қилиши табиат қонунларига қарши бориш билан баробар, деб баҳолайди. Шу ўринда эмбрионнинг ҳуқуқи мақоми ҳақида айрим мулоҳазаларимизни айтиб ўтмоқчимиз.

Аборт қилиш масаласи қай йўсунда ҳал қилинишдан қатъи назар, эмбрионнинг ўз онтологик мақоми мавжуд. Аёл қорнида ривожланётган эмбрион бирмунча вақт аёл таҳасининг таркиби қисми деб қаралиши, аёл эса ўз танасига нисбатан қандай муносабатда бўлиш ёки бу борада бирор карор қабул қилиш масаласида эркин бўлиши керак. Чунки abort қилиш учун эрнинг рухсатини олиш аънъаси аёлни исталмаган ҳомилани кўтириб юришга, мажбурий тугишига сабаб бўлади.

Мазкур ҳолат инсон ҳуқуқлари, айниқса,

аёлларнинг репродуктив ҳуқуқларининг бузилиши хисобланса-да, бироқ айрим мамлакатларнинг қонунларида «ижобий» ҳал этиляпти. Масалан, 1993 йили Польшада тиббий abortlarni takiqlash haqidagi qonun qabul qiliindi.

Янги репродуктив технология ривожланиб бораётган бир даврда «*in vitro*» ҳосил қилинган эмбрионлар, консерваланиб сақланаётган эмбрионлар, сунъий йўл билан уруғлантирилган эмбрион сонининг керагидан ортиқ тайёрланиши, онанинг биологик ва юридик мақоми, шунингдек, ортиқча тайёрланган эмбрионлар тақдирини ҳал қилиш, уларнинг ҳуқуқий мақомини белгилаш каби ўнлаб янги муаммолар пайдо бўлади.

Афсус билан қайд этиш лозимки, ўзбек ҳуқуқшунослигига бу масалалар ҳали кўтарилигани йўқ ва гендер ҳамда репродуктив ҳуқуқлар соҳасидаги ўнлаб муаммолар ўз ечи мини кутиб турибди.

Гендер тенглик категорияси бир жойда қотиб турмайди. У жамиятнинг ижтимоий-иқтисодий, ҳуқуқий ва сиёсий ҳолатига қараб доимо ўзгариб бораверади. Шунинг учун гендер симметриясининг бузилиш ҳоллари кузатилиди. Гендер тенглик мавжуд бўлиши учун репродуктив ҳуқуқларни мукаммал ўрганиш, таҳлил қилиш, оиласи режалаштириш каби йўналишларни ҳуқуқий тадқик этиш талаб қилинади.

Хулоса қилиб айтиш мумкинки, ҳуқуқшунослар олдида турган долзарб вазифалардан бири — гендер тенглиги ва репродуктив ҳуқуқлар таъминланишининг ҳуқуқий базасини яратиш ва ушбу ҳолатларнинг мақомини белгилашдан иборат. Аёл ва эркак тенг ҳуқуқга эга бўлиши билан бирга, тенг имкониятларга ҳам эга бўлмаса, адолат бузилади.

Бундан ташқари, жамиятда, айниқса, эркаклар орасида кенг тарқалган қонунлар бўйича аёллар эркаклар билан тенг ҳуқуқка эга, ҳатто айрим ҳолатлarda алоҳида нормалар уларнинг имкониятларини эркакларни кидан юқорироқ кўйган, уларга нисбатан турли енгиллик ва имтиёзлар берилган, деган фикрларни инкор этиб, жамиятдаги гендер ва репродуктив ҳуқуқлар борасидаги сийкаси чиқкан қолиллардан Фарқли ўлароқ, янги дунёқарашни шакллантириш мухимdir.

«Аёллар ҳуқуқи масаласида муаммо йўқ, уларнинг барча ҳуқуқлари таъминланган» қабилидаги соҳта ваъзхонликдан амалий ҳаракатларга ўтиш керак. Энг аввало, бу борадаги таълим ва тарбия кўнгилдагидек йўлга кўйилиши лозим:

Бир сўз билан айтганда, тенгликда кенглик бўлсин!

Гулчехра МАТКАРИМОВА,

Тошкент давлат Юридик институтининг доценти

Jazoning muqarrarligi



Мамлакатимизда бозор иқтисодиётига асосланган демократик ҳуқуқий давлат қуриш йўлида амалга оширилаётган туб ислоҳотлар бугунги кунда жиноячилликка қарши кураш шакл ва усусларининг ўзгартирилишини тақозо этмокда. Жамиятдаги айрим салбий ҳолатларни бартараф этишда маънавий-маърифий ишлар кўлами ва таъсирчанлигининг ортиб бориши ҳам жиноячиллик ҳамда ҳуқуқбузарликнинг олдини олишда муҳим восита сифатида хизмат қилаёт.

Масаланинг ана шу жиҳатларини назарда тутиб, Президент Ислом Каримов Олий Мажлиснинг иккинчи чақириқ бешинчи сессиясида шундай деган эди: «Жиноячилликнинг олдини олиш, унга қарши курашиши самарадорлиги жазонинг оғирлиги ва шаф-

қатсизлигига эмас, балки биринчи навбатда, қонунни бузган шахснинг жазонинг муқарарлигини нечоғли англашига боғлиқ.

Жазонинг муқарарлиги жиноячилликнинг олдини олишда самарали таъсир кўрсатувчи омиллардан хисобланади. Шу билан бирга, миллий анъаналаримиз руҳида тарбияланган кўпгина фуқароларимизга содир этган жинояти учун сўроқ ёки тергов ишлари бошланишининг ўзиёқ тегишли хулоса чиқариб олиш ва қонунни бошча бузмаслик учун кўп ҳолларда кифоя бўлади» (Каримов И.А. Адолат — қонун устунлиги. «Халқ сўзи», 2001 йил, 30 август).

Жиноячиллик ва ҳуқуқбузарликнинг олдини олиш жиноячилликка қарши кураш наzáriyasi ва амалиётининг марказий муаммо-

си бўлиши билан бир қаторда шу ишга барча давлат органлари ва ижтимоий бирлашмаларнинг асосий мақсади ҳамdir.

Ушбу мақолада давлатга қарши фаолият, жумладан хоинлик жиноятининг олдини олиш масаласининг айrim жиҳатларига тўхтамоқчимиз.

Давлатга хоинлик қилишнинг олдини олиш чоралари турли белгиларига кўра таснифланиши мумкин. Унинг мухим таснифи белгиларидан бири — таъсир этиш усули ва механизми ҳисобланади. Мазкур чоралар рағбатлантириш, жазолаш, олдинги ҳолатни тиклаш ва хавфсизлик кабиларни қамраб олади. Бинобарин, улар мақсад ва вазифаси, мазмун ва моҳияти, кўлланиши муддатига кўра бир-биридан фарқланади.

Масалан, қонунда кўрсатилган ҳолатлар мавжуд бўлганда кўлланиладиган хавфсизлик чораси жисмоний ва юридик шахслар фаолиятини мажбурий чеклаш ҳам ҳисобланади. Аммо ушбу таъсир тури иммий адабиётда жуда ҳам кам ўрганилганига қарамасдан амалиётда кенг кўлланилади. Жумладан, ҳозирги вақтда халқaro террористни факат муайян хавфсизлик чораси натижасида кўлга олиш мумкин. Зеро, бундай ҳолларда жазо кўллаш натижа бермайди.

Бошқа ҳолларда, жумладан, Ўзбекистон мустақиллиги қарши фаолият юритувчи айrim экстремистик кучларга ёрдам берувчи шахсни жазолашдан кўра, унга маънавий-руҳий жиҳатдан таъсир этиш (ватанпарварлик, ўз-ўзини англаш, сиёсий хушёрлик, давлатга хоинлик қилувчиларга муросасиз бўлиш руҳида тарбиялаш) яхши натижа беради (Уголовный кодекс Республики Узбекистан: научно-практический комментарий. Т., 1996, 195-бет).

Бизнингча, мазкур масала ижобий ҳал этилиши учун ахборот-таҳлил ва криминологик тадбирларни ўтказиш, давлатга хоинлик қилишга қарши курашнинг стратегияси-

ни ишлаб чиқиш, жиноятичиликка қарши курарш режасини амалга ошириш, мамлакатдаги мавжуд вазиятдан келиб чиқсан ҳолда уни ўз вақтида ўзгартириб бориш, бу каби жиноятиларни иммий асосда кенг ўрганиш ва унинг натижаларини амалиётга жорий қилиш лозим.

Шу маънода, мамлакатимиздаги ҳуқуқни муҳофаза қилиш органлари тузилмалари зимисага кўйидаги вазифалар юклатилган:

— давлатга хоинлик қилиш жиноятини содир этишга таъсир кўрсатувчи сабаб ва шароитларни аниқлаш ҳамда уларни бартараф этиш учун тегишли чоралар ўтказиш; турли вазирлик, идора ва ҳокимликларда, тижорат тузилмаларига оид таҳлилий ахборотларни тўплаш ва криминоген ҳолатлар ҳақида хабардор бўлиш;

— давлатга хоинлик қилиш жинояти бўйича бевосита аҳоли ўтасида ва оммавий ахборот воситалари орқали ҳуқуқий тарғибот, тушунтириш ишларини ташкил этиш;


— давлатга хоинлик қилиш жинояти бўйича ҳуқуқни муҳофаза қилиш органларига оператив ва методик жиҳатдан раҳбарлик қилиш; халқ посбонлари, маҳалла қўмиталари ва бошқа ўз-ўзини бошқариш органлари билан чамбарчас алоқада бўлиш;

— вояга етмаганлар иши бўйича комиссия ва бошқа манфаатдор ташкилотлар билан ҳамкорликда болалар назоратсизлиги ва жиноятичилигига қарши тадбирлар ўтказиш, ҳуқуқбузарликка мойил бўлган ўсмирларни аниқлаш ва улар билан тегишли тушунтириш ишларини юритиш;


— жазони ўтаб чиқсан шахсларнинг ишга жойлашишига ва жамиятга мослашишига ёрдам бериш ва улар устидан доимий назорат олиб бориш.

Азиз МИРЗАЕВ,

Тошкент давлат Юридик институтининг тадқиқотчиси



Shahar ekologiyasi



Маълумки, 1900 йилгача урбанизация (шаҳарлаштириш) жараёни асосан Фарб мамлакатларида жадал ривожланган. Ундан кейинги даврда, айниқса XX асрнинг иккинчи ярмида ривожланаётган мамлакатларда ҳам бу жараённинг кучайиши кузатилган.

Умуман олганда, шаҳар аҳолиси сайёра-

миз аҳолисига қараганда тезроқ кўпайиб бормоқда. БМТ маълумотларига кўра, 1975 йилда дунё аҳолисининг 39 фоизи шаҳарларда яшаётган бўлса, 2025 йилга келиб бу кўрсатич 65 фоизни ташкил этиши кутилмоқда.

Таъқидлаш жоизки, ҳозирги вақтда йирик шаҳарларга хос техникавий ва техноло-

гик тараққиёт, саноат корхоналарининг кўпайиб бориши, аҳолининг тобора зич жойлашви мазкур ҳудуд экологик ҳолатининг кескинлашви билан бир қаторда ижтимоий инфратузилма фаолиятига ҳам салбий таъсир этмоқда. Шу боис экологик ҳолат йирик шаҳарлар — мегаполислар яшовчанигининг асосий омилига айланни бормоқда.

Сирасини айтганда, «экология» тушунчалиги ўсимлик ва жониворларнинг атроф-муҳит шароитига мослашувини англатади. Хўш, ноограник тизимда бу жараён қандай кечади? Масалан, мегаполиснинг атроф-муҳит ҳолатига мослашуви ҳақида сўз юритиш мумкинми? Ўтган асрнинг 20-40-йилларида шаҳар социология илмий йўналишига асос солган америкалик олимлар Р.Парк, Э.Бёрджест ва Л.Уэрт мазкур масаланинг ўзига хос ечи мини таклиф этган.

Барча йирик мавжудотларнинг табиий ҳудудда муайян тарзда жойлашуви туфайли ҳар хил биологик турларининг гармоник үй-ғунашувига эришилишини кўпчилик яхши билмайди. Америкалик олимларнинг фикрича, ана шу үйғунликнинг мазмун-моҳияти ва тамойилларини ўрганиш орқали йирик шаҳар — мегаполисда бунёд этилаётган тураржой, корхона, муассаса ва ташкилот ҳамда дам олиш масканларини оқилона жойлаштириш мумкин.

Р.Паркнинг таъкидлашича, шаҳар биоэко-логияда бўлгани каби, табиий танлов жараёни орқали атроф-муҳитга мослашиб боради. Масаланинг моҳиятига ойдинлик киритиш учун чўй шароитига яшаётган ҳайвонот оламининг табиий муҳитга қай тарзда мослашиши ва муайян ҳудудда жойлашишига назар солайлик. Табиийки, чўлнинг яшаш учун энг қулай, ўт-ўланга бой қисми — кучли, мавжуд шароитга тез мослашувчан жониворлар томонидан эгаллаб олинган. Ўша ҳудуднинг чеккарогида жойлашган жониворлар эса ҳар жиҳатдан ноқулай шароитда яшашга маҳкум. Аммо ҳайвонот оламида қулай табиий шароит учун кураш, бир дакиқага бўлса-да, тўхтамайди. Ўз-ўзидан аёнки, бу курашда кучли, тез мослашувчанлик қобилиятига эга жониворгина устунлик қилиши мумкин.

Шунга ўхшаш жараёнларни йирик мегаполисларда ҳам кузатиш мумкин. Мисол таракқиасида маълум маънода мегаполис макомига эга бўлган мамлакатимиз пойтахтида рўй берадиган жараёнларга мурожаат этайлик. Маълумки, Тошкент шаҳрининг туманлари маъмурий-ҳудудий ҳолати, ижтимоий-жўғорфий жойлашуви ҳамда иқтисодий имкониятлари жиҳатидан анчагина фарқланади. Ма-

салан, Чилонзор, Акмал Икромов, Юнусобод туманлари асосан аҳоли истиқомат қиласидан турар-жойлардан ташкил топган бўлса, Мирзо Улуғбек, Ҳамза, Миробод туманлари йирик саноат корхоналари жойлашган ҳудудлар хисобланади. Эътиборли жиҳати шундаки, илгарилари шаҳар атрофида кўплаб работлар жойлашган бўлиб, уларнинг ҳар бири хунармандчиликнинг муайян соҳасига ихтисослашган. У даврларда саноат корхоналари хомаёш келтириш ҳамда тайёр маҳсулотни олиб кетиши учун қулай жойда, асосан йўллар ёқасида курилган. Бугунги кунда эса аҳоли тифиз истиқомат қилаётган туманда, ҳатто маҳалланинг қоқ ўртасида кўплаб корхоналар ишлаб турганини кузатиш мумкин. Бу ҳол ана шу ҳудудда яшаётган ва муайян корхонада ишләётган аҳоли учун қуайлик тудиради. Аммо унинг фаолияти оқибатида атроф-муҳитга ҳамда одамлар саломатлигига қандай зарар етказилаётгани таҳлил этилганмискан? Зоро, тараққиёт этиган мамлакатларнинг бу борадаги тажрибасига таянадиган бўлсак, уларда йирик ишлаб чиқариш корхоналари шаҳарлардан ташқаридағи ҳудудларда ташкил этилаётган гувоҳ бўламиш.

Кейинги йилларда Тошкент шаҳрида ҳам шунга ўхшаш янын аҳолининг имкон қадар саноат ҳудудларидан узоқлашуви ҳамда бозорлар атрофида жойлашуви кўзга ташланмоқда. Шаҳарнинг марказий кисмida эса йирик корпорациялар, банк, хизмат кўрсатиш корхоналари ҳамда кўплаб кўнгилочар, дам олиши масканларининг жойлашгани боис, бу ерда мулк сотиб олиш учун рақобат тобора кучайиб бораётганини кузатиш мумкин.

Илмий адабиётда шаҳарларнинг ижтимоий ҳаётдаги таъсири хусусида турли фикрлар мавжуд. Айрим олимлар шаҳарни инсоният тамаддуни яратган буюк маданият ўюғи, тўхтовсиз ҳаракат ва яратувчанлик омили деб баҳолайди. Уларнинг фикрича, шаҳар иқтисодий ва маданий тараққиёт, муносиб турмуш кечириш учун барча шароитларни яратиб беради. Яна бошқа бир гурух олимлар шаҳар тимсолида бир-бирига ёт, жиноятичлик авж олган тажовузкор одамлардан иборат жойни тасаввур қиласи. XIX—XX асрларда, шаҳарлаштириш жараёни кучайиб боргани сари бир-бирига қарама-қарши бу икки ёндашув орасидаги кураш ҳам зўрайиб келган.

Шаҳарлардаги табақалашув жараёнининг кучайиши урбанистик экологияга оид социологик тадқиқотларнинг амалга оширилишига туртки берган эди. Ана шундай тадқиқотлар дастлаб акл бовар қилмас тараққиёт суръ-

ати ва шу билан бир қаторда кескин ижтимоий зиддиятлари (ишсизлик, жиноятчилик каби) билан машхур бўлган Чикаго шаҳрида амалга оширилгани ҳам диккатга сазовордир. Эътиборли жиҳати шундаки, урбанистик экологиянинг Чикаго мактаби вакиллари Р. Парк, Э. Бёржест томонидан шаҳар ресурсларига эгалик қилиш учун ижтимоий кураш жараёни биринчилардан бўлиб теран таҳлил этилган эди.


Мазкур изланишлардан келиб чиқадиган

хуолоса шундан иборатки, шаҳар қурилишида лойиҳалаш ишлари режа асосида амалга оширилиши баробарида атроф-муҳит муҳофазаси тегишли қоида ва талабларга зид бўлмаслиги лозим. Бу, ўз наубатида, «инсон — шаҳар — жамият» тизимининг барқарорлашувига хизмат килади.

Гулчехра ТЎЛАМЕТОВА,
Тошкент Автомобиль йўллари
институтининг ўқитувчisi



Ku'zgularidan biri



Тафаккур равнақини таъминлайдиган бадиий иход, илму фан, хусусан, тилшунослигимиизда ҳам янгиланиша жараёни давом этмоқда. Мисол тариқасида филология фанлари доктори Фани Зикриллаевнинг («Фан нашриёти, 2000 йил») «Истиқлол ва она тили таълими» рисоласини кўрсатиб ўтиш мумкин.

Мазкур рисоладаги битта муҳим нуқтага диккатингизни жалб этмоқчимиз: «Отга берилган таърифдаги предмет сўзини ўзбек тилининг хусусиятига мос келади деб бўлмайди. Негаки, от инсон номини ҳам англатади, инсонни эса предмет деб бўлмайди. Буни олим эмас, талаба ҳам билади. Шунинг учун таърифдаги мазкур сўз мавжудот сўзи билан алмаштирилса тўғри бўлади. Отни жонли ва жонсиз предмет деб икки турга бўлиш ҳам рус тилининг хусусиятига мос келади. Чунки славянлар (рус халқи) назарida инсон ҳам, ҳайвон ҳам, курткумурска ҳам тенг. Шунинг учун фақат инсонга эмас, чумолига нисбатан ҳам «ким» (кто) сўроғи ишлатилади» (ўша рисола, 11-бет).

Фани Зикриллаев биргина сўз туркуми — фақат отдагина эмас, балки тилимиздаги деярли барча сўзлар, гаплар халқимизнинг ўзига хос миллийлигини таъминлашини янгича нуқтai назардан ёртишига ҳаракат қиласиди, собиқ шўро замонида тилимиз сиёсий куролга айлантирилиб, аксарият ҳолларда рус тили қонун-қоидаларига мослаштирилганини ишонарли далиллар асосида исботлаб беради.

Ўзбек тили ижтимоий ҳаётда қандай ўзгарышлар содир бўлаётганини кўрсатиб турадиган ўзига хос кўзгулардан бири эканини Фани Зикриллаевнинг рисоласини ўқиб чиқкандан кейин янада теранроқ ҳис этамиз.

Айни пайтда ўша кўзгуда, масалан, Солиҳ Қаҳхор қаламига мансуб «Дайди қизнинг дафтари» романининг тил хусусиятлари қандай акс этиши тўғрисида тўхтамоқчимиз.

Мана, биринчи мисол: «Мен Суннатовнинг эгнидаги оҳори тўклиб бўлган пўримирга, кийимидағи тугмаларни ҳолдан тойдирив турган йўғон гавдасига, силлиқ қилиб таралган сийрак оқ сочию, ҳорғин қадам ташлашига зимдан назар ташлаб жим ўтирибман» (6-бет). Энди иккинчи матнни кўздан кечираильик: «Ана шу тарзда тузоққа тушиб, катта-катта тўловлар эвазига қутулиб қолгандар орасида шаҳар умумий овқатланиш трести директори Ҳаким Саматов деганлари ҳам бор эди» (7-бет). Ниҳоят, учинчи мисолга диккат қилинг: «Бирмунча кексайиб қолганига қарамай, баланд ва барваста жуссасини ғоз тутиб юрадиган, қиёфаси жиддий, бироқ күш табиатли шаҳар прокурори Мирзаматовнинг иш кабинетида ўтирибмиз» (8-бет). Тўртиччиси қўйидагича: «Қайрилма қошлар, ўнг ёногига кўнган нўхатдай тим қора холини кўриб, уч кунлик ҳилол билан йўлдаги турган Зухро юлдузи кўз олдимга келди» (ўша ерда).

Мана, мазкур роман муқаддимасидаги иккиси сахифасидан ўрин олган тўт мат парчаси билан танишиб чиқдик. Тил курилиши, сўзлар, иборалар, гапларнинг тузилиши нуқтai назаридан келиб чиқиб, мулоҳаза юритсангиз, ҳеч қандай эътиroz туғилмайди. Эга кесиму иккинчи даражали бўлаклар — аниқловчи, тўлдирувчи ва ҳол грамматика талабларига тўлиқ жавоб беради. Айтайлик, биринчи мисолда Суннатов исмли қаҳрамоннинг пўрим, чиройли кийиниши, йўғон гав-

даси, сийрак оқ сочи қайд этилганки, буни сўз санъатига хос тасвир деса бўлади. Бироқ, бу тасвир инсоннинг факат ташки кўриниши — суратининг айрим белгиларини камраб олади. Бу, албатта, тўғри, аммо етарли эмас. Чунки, сўз санъати қаҳрамоннинг кўринишини эмас, ички дунёсини ҳам ёритиши керак. Бадиий тафаккур ижодкорнинг мустақил мулоҳаза юритиш салоҳиятини ҳам акс эттириши лозим.

Юқорида келтирилган иккинчи ва учинчи матн парчаларида ҳам Ҳаким Саматов, Мирзаматов деган шахсларнинг ташки қиёфаларига ургу берилади. Тўртинчи матнда эса бир жононнинг қайрилма қошию қора холига диккат қаратиладики, бунга эътиroz билдириш мумкин эмас. Айни чокда уларнинг асл сийрати, ички дунёсида рўй берадётган ўзгаришлар бевосита тасвирланмайди, шунчаки қайд этилади, байн қилинади. Бироқ бу нарсалар қаҳрамонларни тирик инсонлардай гавдалантириш учун етарли эмас.

Негаки, куруқ баён, таърифу тавсиф инсон, уни ўраб олган атроф-мухитнинг асосан ташки кўринишларини намоён қиласи, холос.

Чинакам салмоқли, ҳаққоний ва фоятда таъсиридан бадиий тафаккур ёзилмайди, факат кашф этилади. Бунга эса нодир истеъдод сохибларигина мусассар бўлади. Улар чинакам бадиий тафаккурни дунёга келтиради. Бу шундай тафаккурки, унда истеъдоднинг бетакрор хусусиятлари, фазилатлари, ҳатто айрим ожизликлари ҳам ўз ифодасини топади.

Афсуски, тил билан тил, тафаккур билан тафаккур фарқланади. Улар ҳам ўзига хос кўзгуга эга бўлади. Бинобарин, ҳал қилувчи омил қандайдир кўзгу эмас, балки кўзгу акс эттирган мазмун, ҳақиқатидирки, бошқача бўлиши мумкин ҳам эмас.

Зулфия МАМАРАЖАБОВА,

ЎзФА Тил ва адабиёт
институтининг аспиранти

Ranglar ifodasi



Америкалик киношунос Жеймс Монаконинг “Фильмни қандай тушуниш керак?” китобида фалати сурат эълон қилинган. Тасвирдаги аёл санъаткор ҳам, қаҳрамон ҳам ёки тарихий шахс ҳам эмас. Лекин унинг сурати тасвирий /визуэль/ санъатнинг фалсафий сироноатларидан бир қатламини англаб етиш воситаси бўлиб хизмат қиласи.

Назаримда, ушбу сурат, айниқса, кино санъатини таҳлил қилиш жараёнида параллел қизиқлар ўтказишида кўл келади.

Бу суратда кимdir юзини ўғириб турган, оврупуча русумдаги патли бош кийим кийиб, унинг устидан ҳарир парда билан бе занган ёш аёлни кўради. Яна кимdir бунда қовоқлари салқиган, “кампирдаҳан”, бурни катта, бош кийимига патни беўхшов танғиб, устидан рўмол ўраб, мўйна ёқага бурканиб турган ёши ўтиб қолган жувонни танийди. Суратнинг сири ҳам шунда. Унга кўчма маънода ҳам “оқ”, ҳам “қора” ранглар сингдириб юборилган. Мисоли шатранж таҳтаси. Лекин киши суратга қараб, дастлаб бир “ранг”ни кўради.

“Оқ ранг” тарафдорлари, сиз бошқа бир назар билан аёлнинг бежирим иягини, бу-

рун ва унинг сал кўриниб турган бурун учини, кулоғини, нури анча сўнган кўзларини, бўйнини, суяги туртган иякни кўришга характерати қилиб кўринг. Кўз қорачигида “кора ранг” аксланганди киши суратга “оқ”ларнинг назари билан қарасин. Ўйлайманки, энди Фикрлар иттифоқи қарор топди. Бир вақтнинг ўзида ҳам “оқ”лар, ҳам “қора”лар билан “шоҳни мот қилган” рассомнинг заковатию маҳоратига кўпчилик тан беради. Ўз ҳолича нодир саналган мазкур сурат америкалик В.Хилл томонидан 1915 йил чизилган бўлиб, Нью-Йорк Умумий кутубхонасида сақланади. Суратни муаллиф “Менинг рафиқам ва қайонам” деб номлаган. Рассом ўз асари орқали аёл келажагига ёки унинг ички дунёсига назар ташламоқдами, ёки бу орқали бошқа бир субъектив маънонианглатмоқ ниятида бўлганми — бу бизга маълум эмас. Биз учун бу сурат “ёшлик ва кексалик” уйғунлашган, маҳорат намунаси бўлган санъат асаридир. Шунингдек, зоҳирий аломатлар асосида юқорида “ёшлик ва кексалик” учун “оқ” ва “қора” деб танлаб олинган шартли атамаларимиз ёрдамида биз таҳлил қилмоқчи бўлган киноасар билан боғлиқ фикрла-

римиз баён этилади. Бу асар кинорежиссёр Шухрат Аббосовнинг "Маҳаллада дув-дув гап" фильмидир.

Ўзбек киноижодкорлари яратган фильмлар орасида бу киноасар ҳалқимиз томонидан севилиб, қайта-қайта томоша қилинади. Вахоланки, шуро даврида яратилган аксарият фильмлар бугунги кун томошабини талашибига жавоб бермайди, уни қизиқтирумайди. Бироқ каттаю кичикнинг "...дув-дув гап"га меҳри бошқача. Бунинг сири нимада? Қоловерса, фильм билан сурат орасида қандай муштарақлик бор?

Ш. Аббосов "Маҳаллада дув-дув гап" фильмини ижодининг ilk палласида (1960 йил), ўзининг жиддий киноасарлари бўлмиш "Сен етим эмассан" (1962), "Тошкент — нон шархи" (1967), "Абу Райхон Беруний" (1974) кинотасмаларидан олдин, А. Рамазонов ва Ю. Рестларнинг сценарийси асосида "Ўзбекфильм" киностудиясида суратга олган. Ўз даврида фильм матбуотда куйидагича баҳоланган: "Замонавий материал асосига курилган кинокомедия ўзбек ҳалқининг ўзгариб бораётган ҳаёт тарзи, турмуши билан бир қаторда одамларнинг руҳияти ҳам ўзгариб бораётгани ҳақида ҳикоя қиласди. Фильм ёшларнинг тақдирини ҳал қилишда ўз таъсирини ўтказмоқчи бўлаётган, куни битиб қолган хурофот дунёси устидан кулади..." Ёки: "Фильм қаҳрамонлари — комсомоллар ночор гўдакларга айланиб қоладилар. Отаналарининг оила тўғрисида эскириб қолган қарашларига ҳеч қандай эътироz билдиримадилар. Улар оила куриш ҳукукларини амалда исбот қилиш ўрнига турил айланма йўллар ахтариб, алдов усулларидан фойдаланадилар..." Бу фикрларни холисона умумлаштирадиган бўлсан, фильм ўз даврининг мафкурасига содиқ бўлган ижтимоий-маиший мавзудаги экран асариди.

Юқорида кеletирилган таҳлилимизга суюнган холда бу таснифларни "оқ талқин" деб оламиз. "Қора" эмас, "оқ". Вақт нуқтаи назаридан ёшлик даври бирламчи экан, фильмага яратилган пайтда берилган баҳо ҳам, шу асостга кўра, "оқ"ликка даъвогар. Ўринли савол пайдо бўлади: "Маҳаллада дув-дув гап" фильмининг "қора талқин" и қандай? Саволга жавоб беришдан аввал фильмдаги "пат", "рўмол" каби безакларга тўхталсан.

Киноасар, шубҳасиз, унинг номидан бошлаб ҳалқимиз феъл-авторига хос кўпгина инсоний хусусиятлар, маиший турмушдаги икир-чикирларни кашф этади: гўллик билан чегарацош соддалик, ўзига хос муғомбирлик, болажонлик, бағрикенглик, сархил овқат ва буюмга учлик, тўй тарааддути ва мажаролари томошабин эътиборини тез жалб этадиган омиллардир. Натижада "миллий

характер" номли "рўмол" ҳар қандай ғояни яширадиган, томошабин кўзига тутилган ҳарир пардага айланган. Кўпчилик орзиқиб кутадиган Раҳим Пирмуҳаммедов (киноқаҳрамон) томонидан айтиладиган "Ўғлим, овқатингни ейсанми?" жумласи нафакат кўзга ташланадиган "пат", балки фильмнинг ҳақиқий тохи ҳисобланади.

Бизнингча, фильмнинг "қора талқин" и чекига ёшларнинг ҳаётий ҳукукларини ҳимоя қилиш ниқоби остида асрлар давомида шаклланган ҳаёт тарзига бирёқлама назар билан зарба бериш тушади. Айниқса, ота-она учун фарз ҳисобланган фарзанд бошини "иккита" қилиб қўйиш вазифасининг фильмдаги ифодаси қандай иллатларга туртки бўлгани ва бўлиши мумкинлиги ҳақидаги ўларга сабаб бўлиб, кишини сергаклантиради. Фикрий изчиллик ва холисликни сақлаган холда яна айрим жиҳатларга эътиборни қаратмоқчимиз:

1. Ҳалқимиз одати бўйича, эъзоз маъносида, аёл киши жисмонан ожизроқ, шу боис у жисмоний куч талаб этадиган юмушлардан асралган. Фильмда эса касбий баҳтини консерва заводидан топган Сайёра образида тескари тарғиботни кўрамиз.

2. Кексалар ерни, ҳовли-жойни қанчалар қадрлаши маълум. Уларнинг "дом"ларга муносабатини ҳам биламиз. Лекин фильмда кўпқаватли "дом" ва деворлари уваланаётган пастқам ҳовлилар "ёруғлик" ва "қоронгулик" рамзларида шундай талқин этилганни, томошабин беихтиёр бетон уйга чиқкан Лутфихоним Саримсоқованинг киноқаҳрамони Меҳри хола билан бирга суюнади.

3. Фильми томоша қилган ҳар қандай, айниқса, кейинги авлод вакили, шубҳасиз, 60-йиллар ўзбек ёшлари, катталарни жуда "хурмат" қўлганлари туфайли, алдов йўллари — бирлари билдиримай туриб, яна бегонаядай "квартирант" мақомини эгаллаши, яна бирлари тўйнинг авжиди масалани кўндаланг қўйиб, сўйганига уйланиши билан оиласий миаммоларни ҳал қилган эканлар, деган хулоса чиқариши табиий. Энг қизиги ва ачинарли томони шундаки, ёшидан қатъни назар, бундай ҳолатлар мажмуи бўлган мазкур "нимкоса"ли асарни кўпчилик олқишилаган, ҳамон олқишилаб келяпти.

Ўйлашимизча, бунинг сабаби фильмда "оқ ранг"дан жуда усталик билан фойдаланилганида. Профессионал режиссура, актёrlар ансамбли, жўшкин мусиқа, динамик драматургия томошабинни маҳлиё этади. Шу ўринда Жеймс Монако кеletириган кўйидаги фикр ўринли бўлса керак: "Биз идрок этаётган тасвирга бериладиган баҳо кўзларимизнинг физиологик вазифасига эмас, балки миянинг қабул қилинаётган ахборотга

бўлган муносабатига боғлик" (Ж.Монако. "Фильмни қандай тушуниш керак". Нью-Йорк, "Оксфорд", 1981, 123-бет). Мазкур фикрга суюнган ҳолда, аксарият томошабин бу фильмда ва умуман кинода, санъатдағоявий "ранг"лар таҳлилига эмас, балки, худди "Келинлар қўзғолони", "Тоғлик күёв", "Тоҳир ва Зуҳра" каби кино-видеофильмлардагидек, фильм эстетикаси, ундаги бетакрор ижрочилик санъатига асосий ахборот деб қарайди, деган холосага келиш мумкин. "Маҳаллада дув-дув гап" киноасарининг вақт синовига бардош бериб, кўп йиллардан бўён машҳурлик шоҳсупасидан тушмай келаётгани ҳам шу билан изоҳланади.

Бир сурат сабаб "Маҳаллада дув-дув гап" фильмига қилган мурожаатимизда балки вақт асосий омилдир. Бадиий фильмнинг экран юзини кўрганига ҳам 40 йилдан ошиди. Суратдаги аёллар ёшидаги тафовутни ҳам шунча деб айтиш мумкин...

Кинорежиссёр Шухрат Аббосов маҳоратига чуқур эҳтиром изҳор қилган ҳолда, фикр эркинлиги шиори остида оқ қоғозга қора қалам юргизганимизни таъкидламоқни истардим. Зоро, мураккаб тўқима бўлмиш миллионлар санъати — кино, ҳам амалий, ҳам назарий жиҳатдан катта эътиборни талаб этади. У "кенжатой" санъат бўлса-да, куввати зўр, воситалари нишонга бехато тегадиган психологик, ижтимоий қурол ҳам эканини унутмаслик керак.

Сўзимиз сўнгига яна бир лисоний амални бажариш зарур деб хисоблаймиз. Яъни, агар "оқ талқин" атамасини давр талқини, "қора"ни эса асл талқин деб қайта номласак, мантиқ юзасидан масала шарти тўғри белгиланган бўлади.

Иродохон НАРИМОНОВА,
тадқиқотчи

"Figh ilm - oley va beshuk bir imlder"



Халқнинг ижтимоий-сиёсий ва ҳуқуқий тафаккурини бойитишга бекиёс ҳисса қўшган атоқли мутафаккир, қомусий олим Абдура-уф Фитрат қонунлар ва уларнинг моҳияти, фикр илми ва унинг жамият ҳаётида тутган ўрни борасида қимматли мерос қолдирган, бу борадаги долзарб муаммолар ҳақида ўз фикрларини билдирган.

Фитратнинг "Рахбари нажот" асарида зикр қилинишича, инсонлар жамиятда, жамоа бўлиб яشاшига мажбурдир. Биргина оиласининг озиқ-овқат, кийим-кечак ва бошқа эҳтиёjlари учун кўп инсонларнинг меҳнати сарф бўлади. Эҳтиёж туфайли инсонлар биргаликда, ҳамкорликда яшашига интилади.

"Барча мамлакатлар, миллатлар, ҳукуматлар айнан мана шу табиий қонун натижасида вужудга келгандир, — деб ёзади Фитрат, — инсонлар мамлакат ва шаҳарларда жамоат бўлиб яшаганларидан сўнг, қавму жамоаларга бўлинib кетдилар".

Шундай экан, инсонлар ўтасидаги муносабатларни тартиба соладиган қонунлар зарур. У ёзади: "Қуръон"нинг бъази ҳукмлари ва Набий (С.А.В.) ҳадислари одамлар-

нинг ўзаро муносабат ва муомалаларини тартиба соладилар. Бунинг мажмусини "муомилот" дейдилар".

Фитратнинг кузатишича, инсон, табиат қонуниятларининг ҳукми сабабли, ҳамиша шахсий манфаатларини ўйлади, ўз манфаатини таъминлаш учун ҳаракат қилади.

Инсоғли ва диёнатли, иймонли ва юқсан тафаккурли инсонлар ўз манфаатларини қонуний йўл билан таъминлашни хоҳлайди. Аммо, бაъзи инсонлар ўз манфаатларини тўғри йўл билан эмас, балки жаҳл, ўғрилик ва ноқонуний воситалар билан амалга ошириб, ахлоқа ва шариатга зид ишлар билан машгул бўлади.

"Қайси бир миллат ичди шундай инсонлар кўп учраса — деб ёзади Фитрат "Рахбари нажот"да, — бундай миллат ҳалокатга маҳкумдир". Олимнинг уқтиришича, ислом аҳли, сахобалар ва тобеинлар даврида тўрт қонун, яъни муомилот, уқубат, манокиҳот ва ибодат Куръон оятлари ва Набий (С.А.В.) ҳадисларидан келиб чиқиб тузиғлан эди.

"Маълумки, вақт ўтиши билан аҳли исломнинг ижтимоий аҳволи ўзгариб кетди,

олимлар замон эҳтиёжидан келиб чиқиб, зарур бўлган ҳукмларни Куръон ва ҳадиси шарифдан “Қиёс” ва “ижмо” усулида ўрганиб, китоблар ёздиilar, натижада “Фиқҳ илми” юзага келди”, деб таъкидлайди у.

“Фиқҳ илмини билмоқчи бўлган одам фиқҳ усулини ҳам яхши ўрганмоғи зарур, — деб ўқтиради Фитрат — зоро, фиқҳ ҳукмларини, фиқҳ усули қоидаларини ўрганмасдан туриб тадбиқ этиши, бу кўр-кўронга тақлиддан бошқа нарса эмас”.

Бу тўғрида у “Оила” асарида ҳам ёзади: “Фиқҳ илми — олий ва буюк бир илмдир, уни ўрганиш ҳам зарур, ҳам савобdir. Лекин баъзи жоҳил муфтийлар ва золим қозиллар бу илмни пора олиш ва хонадонларни бузиш йўлида қурбон қиладилар. Аммо уларнинг бу ишлари фиқҳ илми шарофатига ва ўрганилиши лозимлигига умуман зарар етказа олмайди”.

Шуни таъкидлаш керакки, Фитратнинг “Раҳбари нахот” асарининг “Карам” (саҳоват) сарлавҳали қисмида дунёвий илмларни ўрганиш жамият ривожланишида жуда катта аҳамиятга эга эканлиги, бу илмлар воситаси орқали фан ва техника тараққиётiga йўл олиш мумкинлиги мисоллар билан баён килиб берилган.

Шу билан бирга, Фитрат инсоннинг маънавий ва маданий ривожланиши учун зарур бўлган илм олиш ҳуқуқи тўғрисида ҳам ўз карашларини баён этган.

Инсон ҳуқуқларининг ҳақиқий ҳимоячи-

си, жадидчилик ҳаракатининг раҳнамоси Абдурауф Фитрат Бухоро амирлигига ҳалқнинг ночор аҳволи, беҳад жабр-зулмга дучор бўлаётгани, ҳақ-ҳуқуқларининг оёқости қилаётганига сабаб — унинг илму маърифатдан узоқлигига деб билади.

“Мамлакатни таназзулдан, фуқарони оғир аҳволдан кутқариш учун илм-фанни ривожлантириш зарур, деб ўқтиради у, — жамиятни янгиламасдан, илм-маърифатни юксалтиримасдан туриб, тараққиётга эришиб бўлмайди”.


Абдурауф Фитрат мамлакат ва ҳалқ келаҷаги маориф, маънавият ва маърифат тараққиёти билан боғлиқ эканини кўрсатиб бепар экан, илм-фан ривожи учун кўпроқ шарт-шароит юратиш зарурлигини, дунёвий билим масаканлари — жадид мактаблари ташкил қилишга эътибор берилиши, шунингдек, уларда серманфаат ва тез фойда берадиган илмларнинг ўқитилиши тўғрисидаги фикрларни илгари суради.

Абдурауф Фитратнинг барча фуқароларнинг билим олишида тенг ҳуқуқга эга бўлиши, илм-фани ривожлантириш тўғрисидағи форя ва хуласалари мантиқан кучли бўлиб, юртимизда туб маърифий ислоҳотлар олиб борилаётган ҳозирги даврда мухим аҳамият касб этади.

Мавлуда ЭРГАШЕВА,

Бухоро Давлат университетининг
ўқитувчиси

Hadislarning she'riy talqini



Келажак авлод нафақат дунёвий билимларни, балки диний билимларни ҳам эгаллаши зарур. Сабаби — жамият ҳаётининг бир қисми ҳисобланмиш дин ижтимоий ҳаётнинг бошқа соҳалари билан извий муносабатда бўлади. “Дин, шу жумладан, ислом дини ҳам минг йиллар давомида барқарор мавжуд бўлиб келганлигининг ўзиёқ у инсон табиитида чуқур илдиз отганлигидан, унинг ўзига хос бўлган бир қанча вазифаларни адо этишидан далолат беради. Энг аввало, жамият, гурӯҳ, алоҳида шахс маънавий ҳаётининг муайян соҳаси бўлган дин умуминсоний ахлоқ меъёрларини ўзига

сингдириб олган, уларни жонлантирган, ҳамма учун мажбурий хулқ-атвор қоидаларига айлантирган. Маданиятга катта таъсир кўрсатган. Инсоннинг одамлар билан баҳамжихат яшишга кўмаклашган ва кўмаклашмоқда. Бинобарин, дин одамларда ишонч хиссини мустаҳкамлаган. Уларни поклаб, юксалтирган. Ҳаёт синовлари, муаммо ва қийинчиликларни енгib ўтишларида куч бағишилаган. Умуминсоний ва маънавий қадриятларни сақлаб қолиш ҳамда авлоддан авлодга етказиша ёрдам бериб келган” (И. Каримов. “Ўзбекистон буюк келажак сари”. Т., “Ўзбекистон”, 1998, 440-бет).

Тарбиянинг ҳар қандай услубида адабиёт кенг ва муҳим ўринин эгаллар экан, унинг дин билан чамбарчас боғлиқлигини инкор этиб бўлмайди, адабиётнинг динни тарғиб этишдаги роли ҳам бекиёсдир. Мустақиллик даврида бадиий адабиёт диний фалсафадан ҳам озиқланмоқда. Бунга қатор мисоллар келтириш мумкин: А.Ориповнинг “Ҳаж дафтари”, Ш.Курбоннинг “Сизни Худо етказди” шеърий тўпламлари, С.Аҳмаднинг “Қоракўз Мажнун”, Т.Маликнинг “Шайтанат” асарлари шулар жумласидандир.

Дин, тасаввуф илмининг адабиётда тутган ўрни асрлардан бўён ўрганиб келинади. Мустақиллигимиз шарофати билан кўпгина олимлар бу борада илмий тадқиқотлар олиб борди ва қатор ишларни амалга оширяпти.

Ислом динининг асосий манбаи Куръони карим бўлиб, пайғамбаримиз Муҳаммад алайҳиссаломнинг ҳаёти ва фаолияти ҳамда уларнинг диний, ахлоқий кўрсатмаларини камраб олган ҳадислар эса ундан кейин турдиган энг мўтабар ва бебаҳо манбадир. Ҳадисларда шариат аҳкомлари, Куръонда ифода этилган барча илму амалиётларга доир ғоялар атрофлича талқин этилиб, ба-тағсил изоҳлаб берилган. Бугунги кунда муборак ҳадисларнинг мазмуни айниқса шеъриятимизга чукур сингиб бормоқда.

Хусусан, Абдулла Ориповнинг Ҳаж сафари давомида битган шеърлари дикқатга сазовор. Бу шеърлар бизга илоҳий “ҳикматлардан садо беради”.

„Расулulloҳ деди: — Кўхнадир жаҳон,
Турфа хил куч-кудрат бордир одамда.
Лекин ўз жаҳлини енголган инсон
Ҳақиқий паҳлавон эрур оламда.

Бу сатрлар шоирнинг “Паҳлавон” номли шеъридан олинган бўлиб, унда “Ораларингизда энг кучлilarинг кимлигини айтами?! У ғазаби келганда ўзини тутиб тура оладиганингиздир” деган ҳадиснинг маъно-мазмуни моҳирона акс этирилган.

Бундай шеърий ҳадис намуналарини шоирнинг “Рўза” шеъридаги қўйидаги сатрлар мисолида ҳам кўриш мумкин:

Рўздан чиққанлар, Сизга ҳам раҳмат,
Фарзингиз синовли саодат эрур,
Расулulloҳ демиш: — Сабр қил уммат,
Мўъминлик белгиси қаноат эрур.

Ушбу мисралар “Имоннинг афзали — сабр ва бағрикенглиқдир” деган ҳадиснинг ўзига хос шеърий ифодасидир. Шоир мусулмон оламидаги урғ-одатлар ҳақида сўз бошлаб, ана шу тўртлик орқали ўзи айтиши зарур деб билган гапни ниҳоятда таъсиран ифода этган.

“Отанг вафотидан кейин унинг дўстлари билан алоқани давом этти, акс ҳолда Оллоҳ Таоло сенинг нурингни ўчиргай (обрў-эътиборингни кетказди)” дейилган ҳадиснинг мазмуни эса “Ота” номли шеърда қўйида-гича баён этилган:

Расулulloҳ деди: — Ўлим муқаррар,
Энди иродангни бардош томон бур.
Отангнинг тинчини ўйласанг агар
Унинг дўстларидан хабар олиб тур.

Шоир Шукур Курбоннинг “Сизни Худо етказди” тўпламига киритилган “Расулulloҳ айтурлар...” деб номланган туркумида, ўзи айтмоқчи, “ҳадислардан шеърий гулдаста” тузилган.

Ҳикмат — йўқотган азиз нарсасидир
мўъминнинг,

Ўзлаштирса ҳақлидир — қайд, кимдан
эшитса.

Ҳақи кетмас кимсанинг: ўтаётган умрини
Боқий битта ҳикматни ўрганишга сарф
этса.

Бу мисралар одамларни умрини бехуда ўтказмасдан илм-маърифатга интилиб яшашга даъват этади. Ҳадиси шарифда илм ўрганиш зарурати ҳақида шундай дейилган: “Ҳикматли сўз — мўмин кишининг йўқотган нарсасидир. Уни қаердан топса, ўзлаштириб олишга ҳақлидир. Гарчи Ҳитойда бўлса ҳам, илмга интилинглар, чунки илм олишга ҳаракат қилиш ҳар бир мўминга фарзదир”. Шоир ҳадисларнинг асл моҳиятини шеърий мисралар воситасида узвий боғлиқлиқда келтириб, уни одамлар онига образли тарзда сингдиришга ҳаракат қилган. Қўйида-гича тўртликда ҳам мұқаддас ҳадис ҳикматларининг акс садосини кўрамиз:

Кўнгил билан обдон кенгаш курганмиз,
То улуғ бу йўлга кўйгунча қадам,
Ўзимизга нени раво кўрганмиз,
Раво кўрдик дўсту биродарга ҳам.

Бу тўртликка пайғамбаримиз Муҳаммад расулulloхнинг “Ўзингга ёқкан нарсани бош-қаларга ҳам раво кўр” деган ҳадиси шарифлари асос бўлган. Тўртлик яна шуниси билан гўзалки, унда ички үйғунлик мавжуд, мисраларни бир-биридан узиб олиб бўлмайди.

Маълумки, ҳадисларда ибодат тартиб-қоидалари ва уларни мукаммал бажаришга даъват этиш билан бирга инсоний фазилатлар ҳам кенг тарғиб қилинади, инсон шаънига дод туширадиган разил сифатлар қораланади. Булар ҳам шоирларимиз шеъриятида ўз ифодасини топган. Абдулла Ориповнинг “Фийбат” шеъри бунга мисол бўла олади:

...Йўлнинг канорида, шундоқ сарҳадда
Ўлимтик ер эди аллакандай зот...

...Ўлимтик егувчи бул банда эса
Умрин гийбат билан ўтказган холос.

Шукур Курбон эса бу борада ўзига хос сўз
ўйини килиб, маънони янада кучайтиради:

Кимсани ноҳақдан-ноҳақ ўлдирмоқ,
Ўлганнинг устига чиқиб ўлтироқ
Ва емок гӯштини ўша ўлганнинг...
Гуноҳи шунга тенг – гийбат қилганнинг.

Баён этилган ҳар икки мисол ҳам “Гуноҳнинг каттаси: тангрига ширк келтирмоқлик,
ноҳақ қон тўқмоқлик, ота-онага оқ бўлмоқлик
ва ёлғон гувоҳлик бермоқлик” деган

ҳадиснинг гўзал шеърий ифодаси бўлиб,
шоирларимиз унга ҳалқ ҳикматларининг мағзини
сингдириб юборади.

Ватанимиз мустақиллигидан сўнг шоирларимиз ижодида яққол кўзга ташлана бошлаган бундай шеърлар кишини жиддий ўйга толдириши, ҳадислар мағзини теранроқ англашга ёрдам бериши билан катта аҳамиятга эга.

Муҳайё ЯҲЁЕВА,

Тошкент Ислом университетининг
тадқиқотчиси

Отабекнинг ушалмаган оғзи



Истибодд тўғрисида гап кетса, улуғ адабимиз Абдулла Қодирийнинг тарихий романлари беихтиёр эсимизга тушади. Бу табиий ҳол. Чунки истибоддонинг сабаб ва оқибатларини миллатларвар адабимиз нафақат бадиий жиҳатдан, ҳатто тарихий нұктай назардан ҳам ниҳоятда ҳаққоний кўрсатиб берган. Хусусан, биз ёзмокқа ният қилганимиз мавзуда “Ўткан кунлар” романининг “Хон қизига лойиқ бир йигит” фаслида дикқатга сазовор фикр-мулоҳазалар айтилади.

“Отабек Шамай (Семипалат) хотиротини сўзлаб берди. Ўрисларнинг сиёсий, иктисадий ва ижтимоий тараққиётини эшитгувчиларни тонг қолдириб, ортиқ тафсилоти билан айтиб чиққач:

— Шамайга бормасимдан илгари ўз ҳукмдорларимизни кўриб, бошқалар ҳам шундайдир деб ўйлар эдим, — деди бек. — Лекин Шамай маним Фикримни ост-уст қилиб, ўзимни ҳам бутунлай бошқа киши ясади. Мен ўриснинг идора ишларини кўриб, ўз идорамизнинг худди бир ўйинчоқ бўлганини икрор этишга мажбур бўлдим. Бизнинг идорамиз бу кунги тартибсизлиги билан кетаберса, ҳолимизнинг нима бўлишига ақлим етмай қолди. Шамайда экманнан, қанотим бўлса, ватанга учсан, тўппа-тўғри хон ўрдасига тушсам-да, ўриснинг ҳукумат қонуларини бирма-бир арз қўлсан, хон ҳам арзимни тингласа-да, барча элга ёрлиқ ёзib ўриснинг идора тартибини дастуриламал этишга буюрса, мен ҳам бир ой ичидага ўз элимни ўрисники билан бир қаторда кўрсан. Аммо ўз элимга қайтиб кўрдимки, Шамайда ўйлаганларим, ошиқанларим ширин билан

хаёл эмиш. Бу ерда сўзимни эшитгувчи бирор ҳам бўлмади, бўлсалар ҳам “Сенинг орзунгни шу ҳонлар эшитадими, шу беклар ижро қиласдими?” деб мени маъюс қилдилар. Илгари мен уларнинг гапига бовар килмай юрсан, кейинчалик тўғри сўзни айтганларини билдим. Дарҳақиқат, мозристонда “ҳайя алалфалах!” хитобини ким эшитар эди” (“Ўткан кунлар”, Тошкент, 2000 йил, 22-бет).

Маълумки, “Ўткан кунлар” романидаги қаламга олинган воқеалар XIX асрнинг 50-йилларидаги кечади. Яъни, чор Россиясининг зобитлари Туркистон ҳонликларининг шимоли-ғарбий худудларини бирин-кетин забт эта бошлаган давр эди. Кўён ҳонлиги ҳам, Бухоро амирлиги ҳам, Хева ҳонлиги ҳам ичичидан чириб, батамом инқирозга юз тутади. Агар Кўён ҳонлигига тоҷ-таҳт учун кураш қонли тус олган бўлса, Бухоро амирлигига бошқарув тизимида бошбошдоқлик ҳукм сурарди. Отабек ибораси билан айтиганда, “ўз идорамизнинг худди бир ўйинчоқ бўлганини” шахсиятпаст ҳукмдорлар пайқамайди, пайқаса-да парво қилмайди. Ваҳоланки, “ҳукумат қонунларини” тубдан ўзгартириш лозим эди. Акс ҳолда мисли кўрилмаган фожиа рўй бериши мукаррар эди. Охир-оқибат ҳалокат содир бўлади — мустақиллик бой берилади: Бухоро амирлиги билан Хева ҳонлиги чор Россиясининг вассал ўлкаларига айлантирилади, Кўён ҳонлиги эса янчидан ташланади. Тўғри, Туркистон забт этилгандан кейин ҳам гоҳ-гоҳида миллий озодлик ҳаракатлари бўлиб туради. Лекин бундай ҳаракатлар шафқатсиз-

лик билан бостирилади, уларнинг раҳбарлари аёвсиз жазоланади.

Албатта, фақат кўзғолонларни бостириш билан ҳеч нарсага эришиб бўлмаслигини чор ҳукумати яхши биларди. Шу боис дарҳол бошқарув тизими — сиёсий-маъмурй ҳаёт ислоҳ қилинади. Бухоро амирлиги ўз худудининг катта қисмини Россия тасарруфига бериб вассалликни расман тан олгач (1868 йил), дарҳол маъмурй-худудий тартиб-қоидалар ўрнатилади. Аввало, Зарафшон округиги ташкил қилинади. Сўнг Туркистон генерал-губернатори томонидан тасдиқланган “Зарафшон округини бошқаришнинг муваққат қоидалари” жорий этилади. Зарафшон округи маъмурй жиҳатдан Самарқанд ва Каттакўрон бўлимларига ажратилади. Округни мутлақ ҳокимиятга эга бўлган вилоят ҳарбий губернатори бошқаради. Округ қароргоҳи Самарқанд шаҳрида жойлашган эди. Бўлим бошлиқларининг ҳуқуqlари уезд бошлиқлари — туманбошиларга тенглаштирилади.

Агар ўша пайтлардаги Зарафшон округи худуди харитадан белгилаб кўрсатилса, тахминан, чўчка тумшугуни эслатадиган “пона” ҳосил бўлади. Бу “пона” Туркистоннинг юрагига қоқилган эди: мухим стратегик аҳамиятга эга бўлган ҳудуд чор ҳукумати томонидан исфол этилади. Шу жиҳатдан олиб кўрилса, юксак мартаబали бир рус амалдорининг қўйидаги фикр-мулоҳазалари асослайдир: “Биз Ўрта Осиё ҳаритасига синичиклаб назар солсак, Зарафшон округининг нақадар катта аҳамиятга эга эканига ишонч ҳосил қилишимиз мумкин. Фарб ва жануб йўналиши бўйлаб ўтган чегарамиз Бухоро амирлиги худудига ёриб кирган. Бу мухим форпост (постхона) сифатида бекиёс ҳарбий аҳамиятга эга. Демак, Зарафшон округига эгалик қилган музaffer рус армияси бемалол Бухорога ҳукмронлик қиласи. Зотан, ҳаёт манбаи бўлмиш Зарафшон дарёси бизнинг ихтиёrimizдадир. Бу дарёнинг сувидан Бухоро ҳам фойдаланади. Биз истаган пайти-мизда дарё сувини камайтириб ёки бошқа томонга буриб юбориб, Бухоронинг ям-яшил боғларини қовжиратиб қўйишими мумкин. Яни, улар бизнинг измимизга бўйсунишга мажбур”.

Сиёсат — мавжуд имкониятлардан муайян даражада оқилона фойдаланиш санъатидир. Калтабин Худоёрхон 1876 йилда Туркистон генерал-губернаторига таслим бўлгач, дастлаб Зарафшон округи ўрамида бошланган маъмурй ислохотлар бутун ўлкага жорий этилади. 1886 йили Россия императори “Туркистон ўлқасини бошқариш ҳақидағи Низом”га имзо чекади. Шу Низомга мувофиқ Жиззах, Каттакўрон, Хўжанд, Самарқанд уездлари ташкил қилинади. Ана шу

уездларни ўз ичига олган Самарқанд вилоятини эса шахсан император тайинлайдиган ҳарбий губернатор бошқарадиган бўлади. У айни чоқда вилоят ҳудудида жойлаштирилган ҳарбий кучларнинг қўмандони хисобланарди. Ижро ҳокимияти ҳам, суд ҳокимияти ҳам батамом вилоят губернатори измида эди. Яни, у томондаги диктатор эди. Губернатор хузуридаги бошқарма эса сиёсий, ҳарбий, суд, хўжалик жабҳасига алоқадор масалалар бўйича қўмакчи вазифасини бажарарди. Қўмакчи — бошқарув йўли билан тобеланиши таъминлайди. Бошқарувчи губернаторнинг унвони генерал-майордан паст бўлмасди. Чунки у зарурат туғилган кезларда ҳатто Туркистон генерал-губернатори вазифасини ҳам бажариб турган. Масалан, 1896 йилда генерал-лейтенант Ростовцев Туркистон генерал-губернатори вазифасини вақтинча бажарган.

1886 йилдан 1917 йилгacha Самарқанд вилоятини 8 губернатор бошқарган. Ўрта ҳисобда тўрт йилдан губернаторлик қилган шахслар қаторида А.Яфимович, Н.Ростовцев, М.Фёдоров, В.Мединский, А.Гескет, А.Галкин, Н.Ликошин ва бошқалар бор эди. Ўз-ўзидан равшанки, уларнинг ҳаммаси олий маълумотли, аслзода дворянлар бўлиб, айримлари ҳатто мустамлака ўлканинг тарихи бўйича жиддий илмий тадқиқот ишлари билан машғул бўлган.

Самарқанд вилоятининг губернатори Россия ҳудудида жойлашган губернияларнинг губернаторларига нисбатан деярли икки баробар кўпроқ миқдорда маош оларди. Бу пулга ўша замондаги баҳо бўйича энг камидаги уч минг бош қўй ҳарид қилиш мумкин эди. Самарқанд вилоятини бир йил бошқарган амалдорнинг кейин умрбод Оврупонинг Карлово-Вари, Баден-Баден каби курорт шаҳарларида тарааллабедод қилиб яшашига имкон туғиларди.

1898 йили мазлум Туркистон тарихида мухим ижтимоий ҳодиса рўй беради. Яни, ўша йили суд ҳокимияти билан ижро ҳокимиятини бир-биридан ажратиш тўғрисида қарор қабул қилинади. Аслида, Россияда 1864 йили бошланган суд ислоҳоти Туркистонга хийла кечикиб етиб келади. Ҳеч бўлмагандан кўра, кеч бўлгани ҳам яхши, дейдилар. Сирдарё, Самарқанд, Фарғона, Тошкент вилоятларида округ судлари ташкил этилади. Тошкент суд палатаси Туркистондаги барча суд органларининг фаолиятини назорат қиласи эди.

Мўйжаз мақоламизда рақам этилган воқеалар, албатта, Отабекнинг орзуси рўёбга чиққанини англатмайди. Тўғри, ўлкамизда жиддий ижтимоий ўзгаришлар содир бўлади. Аммо бу ўзгаришлар асосан русларнинг


манфаатини ҳимоя қиларди. Сиёсий ҳаётдан четга суреб ташланган маҳаллий ҳалқ эса ҳамон шариатни дастак қилиб олган чаласавод, пораҳўр қозиларнинг оғзини мойлаш билан овора эди (маҳаллий ҳалқнинг аянчли аҳволи Абдула Қаххорнинг "Үғри" хикоясида ишонарли тасвирланган). Боз устига, жамиятда рўй берадиган ижобий ўзгаришлар мазлумларга эмас, зўравонларга хизмат қилаҗаги алоҳида таъкидланар, имо-ишоралар билан авомга маълум қилинар эди. Жумладан, Тошкент, Самарқанд, Андикон каби йирик шаҳарлар атайлаб икки қисмга ажратилган эди: нисбатан хийла фаровон, обод бўлган Янги шаҳарларда руслар ёки руслашган "янгибоялар" истиқомат қиласа, ўрта асрларни эслатадиган Эски шаҳарларда қашшоқ маҳаллий аҳоли ҳаёт кечирарди. Шаҳарларнинг марказидаги хиёбон дарвозаларига эса "Саклар ва

сартларнинг кириши ман этилади!" деган лавҳа осиб кўйиларди.

Хуллас, XIX асрнинг охирлари билан XX асрнинг бошларида нафақат Самарқанд вилоятида, балки бутун Туркистон ўлкасида муҳим сиёсий-маъмурӣ ўзгаришлар рўй бераради. Бирок бу ўзгаришлар жафокаш ҳалқимизнинг азалий орзу-умидларини рўёбга чиқармайди. Аксинча, Юсуфбек ҳожининг аччиқ гаплари ("Иттифокнинг не эл эканини билмаган, ёлғиз ўз манфаати шахсияси йўлида бир-бирини еб-ичган мансабпаст, дунёпаст ва шуҳратпаст муттаҳамлар Туркистон тупроғидан йўқолмай туриб, бизнинг одам бўлишимизга ақлим етмай қолди...") ҳақиқат бўлиб чиқади.

Шаҳодат МУРОДОВА,
тадқиқотчи

Mir Izzatullonning Qu'yon xonligiga sayohati



Ҳарбий Европанинг ҳукмрон доиралари Буюк географик кашфиётлар даврида Янги дунё Американи, Африка ва Осиёнинг денгиз бўйи мамлакатларини истило қилиш ва мустамлакага айлантириш ҳаракатлари билан банд әдилар. Марказий Осиё бу даврда хаҳоншумл ҳарбий ҳаракатлар гирдобидан четркда эди.

XIX аср бошларида ҳарбий тоифага мансуб европаликлар ёки уларга ёллаган сайдхлар марказий Осиёга ҳар хил қиёфаларда кириб келади. Улар ўлканинг ҳудудлари акс эттирилган хариталарни чизиб беради. Лекин фақат сайдхлар харита тузган экан деган хуолосага келмаслик керак. Ҳарбий Европанинг йирик шаҳарларида жойлашган тадқиқот марказларида ҳам Марказий Осиёнинг хариталари тузиленган.

1812 йилда Ўрта Осиёнинг бир қатор ерларига Мир Иzzатулло ташриф буюради. Унинг саёҳати 1812 йил 20-апрелдан бошланиб, 1813 йил 16 декабргача — бир йилдан кўпроқ вақт давом этади. У Ўрта Осиёнинг Кўқон, Самарқанд ва Бухоро йўналишлари орқали ўтиб ўз саёҳатномасини ҳам ёзib қолдирган. Бу "саёҳатнома" ўлкага оид кимматли тарихий-географик ва тарихий-этнографик маълумотлар беришини хисобга олиб, унинг тафсилотларига тўхталишини лозим кўрдик. Чунки айнан Мир Иzzатулло-

нинг Ўрта Осиёга саёҳатидан сўнг XIX асрда Ост-Индия компаниясининг зобит ва хизматчилари ўлкани ўрганиш мақсадида кўплаб саёҳатлар уюштиради. Ана шундай саёҳатчилар сафида Мир Иzzатуллонинг саёҳатни уюштирган В. Муркрофт ҳам бўлган (Амударёнинг юқори оқимини шахсан ўзи тадқиқ этган эди).

Мир Иzzатуллонинг таржими ҳоли ҳақида маълумотлар жуда ҳам кам. У Хинди斯顿нинг мусулмон аҳолиси яшайдиган ҳудудларидан бўлиб, инглизлар хизматига кирган. Саёҳатномаси анъанавий Шарқ адабиёти йўлида, соддороқ форс тилида ёзилган. Саёҳатномасига илова тарзида харита тузганини билмаймиз. Аммо саёҳатнома қўлёзмаси 1826 йилда Парижда француз картографи Г.Клапрот томонидан нашр қилинди. Агар Клапротнинг картограф эканини инобатга оладиган бўлсак, Мир Иzzатуллонинг нашр қилинган француз тилидаги саёҳатномасига аслиятда ҳам харита илова қилинган бўлса керак деб фараз қилиш мумкин. Афсуски, бизда ўша нашр нусхаси йўқ. Шу боис, рус олими А.П.Федченконинг 1870-71 йилларда тузган "Туркистон картаси" асосида Мир Иzzатуллонинг Кўқон хонлигидаги бўлган манзиллари акс эттирилган харитаси ёрдамида унинг саёҳат йўналишини ўрганишимиз мумкин. Боз устига, ўша саёҳат таф-

силотлари асосида Ю.А. Соколов ҳам битта харита ҳам тузган ва уни "1812 йилда Мир Иззатуллонинг "Кўқон хонлигига саёҳати" номли мақоласига илова қилган. Харитада А.Федченко харитасида Кошгардан Оқсувга-ча бўлган катта-кичик кўйидаги манзиллар кўрсатиб ўтилади:

Кичик Андижон, Кошгар, Кўхна Қоравул, Шўрбулоқ Кўроғошин, Ўқсолар (салур), Шўрбулоқ ясси кечик, Тўқайбоши, Кўксув, Дарвозаи довон терак, Терак довон, Аргали, Мозори гумбаз, Фўлжа, Лангар, Ўш, Мингтепа, Марғилон, Қорахитой, Кўқон, Бешарик, Конибодом, Махрам, Хўжанд, Оқтепа, Оқсув.

А. Федченко харитасига тушмаган, аммо Мир Иззатуллонинг саёҳатномасида кўйида-ги манзиллар қайд этилган:

Қанчили, Божхона манзили, Қизил овули, Шўрбулоқ мулла чап, довони мозори, Ясси кечик, сариқамиш, Семиз хотин, Ёнгин (Янгин), Бекат, Даҳнаи довон эгизак, Бекат, Ёмон қиз, Чуғурчак, Зартепа, Бекат, Йўлхона, Кўприк, Шоҳберди.

Мир Иззатулло ўзи кезиб ўтган барча ман-зилларга алоҳида тавсиф берган. У қайд этган бекатлар деганда номи йўқ манзиллар тушунлади. У ерда ёқилги, ем-ҳашак ва сув заҳиралари мавжуд бўлиб, карвон йўллари бўйида жойлашгани боис йўловчи, саёҳатчилар тўхтаб, ўзларига керакли озиқ-овқатни ғамлаб олишган.

Сайёхнинг Кўқон хонлигига қарашли Ўш, Марғилон, Кўқон шаҳарлари ҳақидаги маъ-лумотлари қимматлидир. Масалан, Кўқон шаҳри, унинг сиёсий ҳаётини ҳақида бундай деб ёзади: "Деворлар билан ўралмаган бу йирик шаҳарнинг шаклланиши Норбўтабий даврига бориб тақалади; аввал унча катта

бўлмаган. Сувлар шаҳарнинг барча кўчала-ри бўйлаб оқади (хар бир уй олдидан). Ҳозирги ҳукмдорнинг номи Умархон. Икки йил аввали, 1228 ҳижрийда (1813 йил январ) унинг акаси Олимхоннинг (собиқ хон) бутун мамлакат бўйлаб зулми ва зўравонлиги кучайиб кетганидан норози бўлган зобитлар унинг Тошкентдалигидан фойдаланиб, ўрнига Умархонни хон этиб кўтаришиади. Шундан сўнг Олимхон тож-тахти қайтариб олиш мақсадида пойтахтга йўл олади. Бироқ ша-ҳарга етмасдан йўлда ўлдирилади. У ҳам ука-си Умархон ҳам Норбўтабийнинг ўғиллари эди" (История Узбекистана в источниках. Известия путешественников-географов и ученых XVI, первое половина XXI века. Составитель Б.В. Лунин. Т., Фан, 1988, 159-бет).

Шунингдек, Мир Иззатулло Кўқон армияси, ахолиси, тили, уларнинг диний эътиқодлари, пул муносабатлари ҳақида ҳам маълумот берган. Кўқон хонлигига қарашли ша-ҳарларни Ўш, Наманган, Косон, Чуст, Анди-жон дея тўғри қайд этган


Мир Иззатуллонинг саёҳатномаси билан танишиб шунга амин бўлишимиз мумкини, у асосан маълум мақсадлар учун тузилган. Яъни, Кўқон хонлигининг ҳарбий ҳолати, ахолиси, дарёлари, ем-ҳашак, ёқилги ман-балари, қулаги йўлларини батафсил ёрита-ди. Бундай маълумотлар ҳарбий-разведка тадбирлари учун қулаги тудиради. Айни чоғда унинг саёҳатномаси Марказий Осиё тарихи учун ҳам қимматли илмий аҳамиятга эгадир.

Зокиржон САЙДБОЕВ,

ЎзМУ аспиранти

Жаҳонгир САПИЕВ,

ЎзМУ талабаси



Davondan

Farg'onaqacha



Ҳар бир жой номининг келиб чиқиши ўзи-га хос тарихга эга. Жой номлари мухим маъ-лумотларни мужассамлаштирган бўлиб, мұ-айян худуд тарихи билан чамбарчас боғла-ниб кетади. Хоразм, Самарқанд, Бухоро, Тош-кент, Термиз каби оламга машҳур номларнинг келиб чиқиши ҳақида кўплаб илмий тадқиқотлар эълон қилинганини яхши би-ламиз.

Бу борада Фарғона водийсида ҳам ҳозир-

гача сақланиб қолган ва узоқ ўтмишимиздан дарап берувчи жой номларини учратиш мум-кин. Улар орасида водий номини берган "Фарғона" атамаси алоҳида ажralиб туради.

Маълумки, Фарғона водийси атрофи тоғ-лар билан ўралган улкан ҳавза хисобланади. Қадимдан водий кўхна маданият ўчқола-ридан бири бўлган. Археологик жиҳатдан Фарғона водийси 100 йилдан зиёд вақт мобайнида ўрганиб келинмоқда. Хусусан, энг

қадимги тош даври (мил. авв. 1 млн. — 30-35 минг йиллик), бронза ва илк темир даври (мил. авв. II-I минг йиллик), антик даври (мил. авв. IV — мелодий IV асрлари) ва ўрта аср даврлари тўғрисида муҳим маълумотларга эгамиз. Масалан, тош даврида аҳоли яшаган маконлар Қадамжой, Тошкўмир, Қапчиғай, Ўш атрофидан топиб ўрганилган. Яхши ўрганилган ёдгорликлар қаторига Далварзинтепа (Андижон вилояти), Чуст (Наманган вилояти), Жӯрабашот (Ўш вилояти), Эйлатон (Андижон вилояти) кабиларни келтириб ўтиши мумкин. Далварзинтепа водийдаги, қолаверса, республикамиздаги энг қадимги илк шаҳарлар қаторига киради.

Фарғона водийси Марказий Осиё ҳалқлари тарихида ўзига хос мавқега эга. Шунчалик кўхна тарихга эга бўлган “Фарғона” атамаси қаҷон, қай тарзда ва нима сабабдан келиб чиққани кўпчиликни қизиқтиради. Боз устига, кейинги пайтларда эълон қилинаётган айрим мақолаларда “Фарғона” номининг келиб чиқиши тўғрисида саёз ва асоссиз фикрлар ҳам билдирилмоқда. Ҳусусан, у ахомонийлар даврида Эрон таркибига кирган “Пархон” ҳудуди ёки “Паркан” (парканлар) каби номлар билан боғланмоқда. Ҳўш, булар қанчалик тарихий ҳақиқатга тўғри келади? Дастлаб, парканлар (парканы), париканлар, париканийлар сўзларига тўхталиб ўтсан. Буларни Фарғона номи билан боғлаш анъанаси Геродот асарларида кўрсатиб ўтилган “париканлар”га бориб тақалади. Ҳусусан, Геродот ахомонийлар подшоси Доро I тасарруфидаги ўлкаларда (сатрапликлар) яшаган ҳалклар қаторида париканийларни ҳам бир неча бор тилга олиб ўтган. Аслида, париканларни Фарғона билан боғлаш тарихий ҳақиқатга зид эканини ўша пайтда ҳам, кейин ҳам кўплаб олимлар алоҳида утириб ўтганлар. Жумладан, проф. В.А. Лившиц шу асосда “Фарғона” сўзини париканийлар билан таққослаш хотўри, Парканы — парконларнинг Фарғонага алоқаси йўқ деб асосли хуласа берган.

Маҳаллий аҳоли тил хусусиятларида “Ф”нинг “п”га айланиши кўп кузатилган. Шундан бўлса керак, маҳаллий аҳоли, асосан ўзбеклар, Фарғонани баъзида “Паргона” ёки “Парғона” деб ҳам талаффуз этади. Ҳатто Қадамжой, Новқат қирғизлари Фарғонани ҳозиргача “Паркан” деб атар экан. Айни чоғда Хитой ёзма манбаларида бир ҳамоҳангликни албатта келтириб ўтиш зарур. Сун давлати Йилиномасида (658-659) Фарғона “Пэйхан” деб эсга олинади. Ёки илк ўрта асрларда яшаган хитойлик Сюан Цзаннинг Ўрта Осиёга 630 йилги саёҳати асосида тузилган рўйхатда водий номи “Фей-хан” кўри-

нишида келтирилади. Таъкидлаш керакки, Хитой ёзма манбаларида Фарғона турлича ном билан аталган. Яни, Давон (Ta Юань) (мил. авв. II — милод. III асрлар), Полона, Лона (V — VI асрлар), Боҳанъ (605-605 йилларда саёҳ Пэй Цзю келтирган маълумот бўйича), Боҳанъна, Ба-хэ-на (VIII аср), Фейханъ (630 йилда саёҳ Сюань Цзан бўйича), Пэйханъ (VII — VIII асрлар). Ниньюанъ (VII — VIII асрлар). Демак, хитойликлар ўзлари босиб олган ёки улар таъсиридаги худудлардаги жўкрофий ва киши исмларини ўз қоидаларига бўйсундириб ёзганлар. Шундан келиб қишиб, маҳаллий номлар хитойча сўзларга ўхшаб кетади.

Ҳўш, “Фарғона” сўзи қандай маънони англатади?

Таъкидлаш жоизки, бу сўзниң турли маънолари бор. Масалан, Тожикистоннинг Рўшан лаҳжасида “Парғона” — текислик жой ёки фақат бир томони очиқ, қолган томонлари тоғ билан ўралган водий деган маънени беради. Язгуломда ҳам “Барғона” сўзи — атрофи ўралган водий маъносини беради. Проф. М.С.Андреев «Фарғона» атамаси форс тилидаги “Паркан” (атрофи берк водий) сўзидан олинган бўлса керак деб ҳисоблади. Ҳақиқатдан ҳам, “Фарғона” атамаси атрофи тоғлар билан ўралган водий (ўлка) маъносини берган бўлиши ҳақиқатга яқин. Чунки Фарғона водийси жўкрофий жиҳатдан айнан шундай: Чотқол, Курама, Фарғона, Олой ва Туркистон тизма тоғлари билан ўралган, фақат Бекобод шаҳри яқинидаги табиий “дарвоза” бўлиб, ундан Мирзачўлга қиқлади.

Фарғона номининг маъноси қайси тилга кўпроқ яқинлигини аниқлаш жуда қийин.

Ёзма манбалардаги маълумотлар, тилшунослик фани хуросаларига кўра, кўпчилик тадқиқотчилар паркан (парканы) ва париканийлар каби атамаларни Фарғона билан боғлаши тарихий ҳақиқатга зид эканини тасдиқлайди.

Маълумки, қадимдан бутун водий (ёки иқлим) Фарғона номи билан атаб келинмоқда (1938 йили водийнинг бир бўлаги бўлмиш битта вилоятга ҳам шу ном берилган). Фарғона — бутун водийга нисбатан номланишда умумийликни билдиради.

Хуллас, “Баҳтлар водийси”нинг номи Даёндан Фарғонагача бўлган узоқ тарихий ўйнли босиб ўтган.

Бокижон МАТБОБОЕВ,
тарих фанлари номзоди

Зоҳиджон МАШРАБОВ,
тадқиқотчи

SUMMARY

«T

he Management Criteria» by Asliddin Boliev and Muhammad Quronov narrates about the bureaucracy as a flaw hampering the social development as well as about factors that induce the bureaucracy and the means to struggle against it.

N

ew virtues are not created at once as a newly thought out custom can not immediately be instilled to people's hearts and minds. No generation has a power to do so in short time. Because the most necessary properties are selected by the people. The article of «Philosophy of Virtues» by Ismoil Shomurodov makes the reader to reflect upon the above.

T

he article entitled «The Status Of Court» by Fahriddin Muhiddinov relates to connections between the Law and Government, nature and purpose of the social structure, level of authorities given to the state organizations. The author pays special attention to the court's role in establishing democratic principles and just criteria in the country.

T

he article of «What Is The Copyright?» by Boboqul Toshev familiarizes the reader with facts related to appearance, formation and protection of the copyright as an orientation of jurisprudence.

«I

s There A Way For Longevity?» The mankind has been trying to answer the question for thousands years. Now this problem is newly interpreted in the article by Bahodir Zokir. «Although some life representatives perish, the life itself is perpetual. A great number of nations lived and died since the mankind's creation but the

human is alive for thousands years.» The article shows philosophical essence of the longevity issue, natural factors that determine it as well as significance of the life mode.

Yoqubjon Khujamberdiev shares his impressions on the trip to England and takes you to the «Hotel In Prince's Square» in London. The author tells about his homesickness while being in England and feelings upon the Motherland's love and freedom. In addition, the reader may become familiar with the life, press and people's ideology in England.

In his «Stories Leading To The Good», writer Mukhtor Khudoiquulov urges to make necessary decisions using new interpretations of preaches and stories recounted in the Testaments, Bible and Quran. They cover ideas of belief, justice, truth and virtue.

The article of «Product Of Thinking» by Dilfuza Rahmatullaeva includes discussions about plays that appeared on the basis of friendship between Alisher Navoi and Husain Boiqaro. Besides, relations between the two great persons are studied using historical sources.

The land of Termiz, one of the ancient and unique centers of the world civilization, has always been popular with its great scientists and educated people. The article entitled «Another Rudakiy» by Ahmad Abdullaev familiarizes the reader with the life and works of another termizian Adib Sobir.

Journalist Jaloliddin Safo presents some of the proverbs and precepts of various nations collected by great writer Lev Tolstoy.



МУКОФОТЛАР МУБОРАК!

2002 йили журнал саҳифаларида эълон килинган сор асрлари учун фаол мўаллифлардан —

Матназар АБДУЛҲАҚИМ ("Юрагимда дулдулларнинг дуپури" шеърий турқуми, 1-сон),

Баҳодир ЗОКИР ("Келажак фани" мақоласининг таржимаси, 3-сон; "Умрзокликнинг чораси борми?" мақоласи, 4-сон),

Мирзахмад ОЛИМОВ ("Мирзоларнинг бошлари" мақоласи, 1-сон)

тахрир ҳайъотининг қарорига асосан «Тафаккур» совриндорлари деб топилсан ва эсдалик совғалар билан тақдирлансин.

Бош мұхаррир

Жекк *Абди*

Эркин АЪЗАМ

Ноңр курсагача 669/670
Баҳси жишигидар норхе

ТАФАККУР

ТАФАККУР 4/2002

